

**NATIONAL ASSEMBLY OF
SEYCHELLES**

Monday 29th November, 2021

The Assembly met at 09am

National Anthem

Moment of Reflection

Mr Speaker in the Chair

MINISTRY OF HEALTH

MR SPEAKER

Bonzour tou Manm Onorab, bonzour tou piblik ki'n zwenn nou pou sa peryod travay ozordi. Nou pe reprean travay Komite lo *Appropriation Bill* avek Minister Lasante.

Madanm reporter mon ava demann ou pou apel Minis avek son delegasyon, e nou a pas dan Staz Komite *Sergeant-at-Arms please*. Bonzour Minis Peggy Vidot, Minis pou Lasante.

E avek bann zofisyé, Dr Bernard Valentin, *Principal Secretary* pou Lasante. E Mrs Maryline Lucas, *Director NIHSS*. E mon *welcome* osi zofisyé Minister Finans, Mr Patrick Payet, *Secretary of State* e Mrs Ruth Pool, *Senior Finance Analyst*.

Mersi. E nou annan osi CEO APDAR Ms Geralda

Desaubin, i pa la, eskiz mwan. I lo mon lalis, me i pa prezan. So i pa la. Mersi. Bon nou pe pran Bidze Minister Lasante, ki lo paz 373 ziskan 381, pou en total, R109milyon, 704mil. Minis nou envit ou pou fer lentrodiksyon ou Bidze.

MINISTER PEGGY VIDOT

Mersi Mr Speaker. Mr Speaker, *Leader Lopozisyon dan Lasanble Nasyonal, Manm Lasanble Nasyonal, telespektater, teleoditer, bonzour.*

Mr Speaker byento nou pei pe al termin en lot lannen ki nou'n pase preske antyerman dan lanpriz *COVID-19*.

Akoz sa lanpriz ki *COVID-19* in met nou ladan, pandan 2021, Minister Lasante in ganny en serten degré difikilte pou fer demar son novo vizyon pou lasante nou pei.

Sepandan, malgre ki nou'n pas bokou letan e envestir bokou resours ek lenerzi dan *COVID-19*, nou'n toultan rekonnet ki nou latas prensipal i bezwen retourn lo prevansyon dan tou son dimansyon.

Prevansyon sible dan lakominote ek dan lafanmir, la kot dimoun i viv, kot dimoun i travay e kot dimoun i zwe e diverti.

Logmantasyon

prevansyon, prevansyon ki sible e entelizan pou bezwen vin en parti entegral an konsolidasyon nou sistenm lasante primer.

Pandan 2020, nou'n fer bokou konsiltasyon entern e osi a leksteryer Minister Lasante. E byento mon pou fer serten lanons enportan, lo ki mannyer Gouvernman pou aziste striktir Minister Lasante pou kapab delivre sa lefikasite ek sa kalite servis ki nou piblik i bezwen e anvi vvar.

An memm tan, pandan 2020, malgre COVID-19, nou'n devlop en nouveau plan stratezik pou Lasante ki'n aprezan pare e ki nou pou anonse komansman 2022.

Mon pou osi anons sa nouveau *Primary Health Care Package* oubyen pake Swen Lasante Primer ki Gouvernman pou met an plas dezormen, anliny avek nou Konstitisyon, ki garanti swen lasante primer gratwit pou tou Seselwa.

Mon anvi re lentere ki sa stratezi kour term e mwayen term pou Sekter Lasante nou pei i baze lo konsolidasyon e amelyorasyon sistenm lasante piblik, ki ganny batir lo sa ki bann travayer Lasante in akonplir.

E ziska prezan, e elev nivo tou servis e tou programm ki nou ofer, e osi elev nivo konpetans dimoun san eksepsyon, ki pei i rekrute pou travay dan sistenm Lasante, Sesel.

E sa nou swete vwar li dan piblik, servis piblik, osi byen ki dan servis prive. Si nou anvi fer progre, nou bezwen absoliman elev standar tou keksoz ki nou fer dan Lasante e fer sir ki atraver Lalwa, regilasyon, Polisi, striktir ek prosedir ki for e ki morde.

Nou gard standar Lasante touzour lo en nivo standar servis ek bann profesyonnel ki lo en o nivo, i protez pasyan e fer pasyan bokou pli satisfe ek servis ki in gannyen.

Napa dout ki se sa ki bokou, se sa ki nou tou nou anvi vvar e nou tou nou anvi rode e ki Gouvernman in pare pou, i bezwen delivre.

Elev kalite bann programm ek bann servis ki Sekter Lasante Sesel i ofer, i ankor pli neseser ozordi akoz leta lasante nou Nasyon i donn nou bokou rezon pou et tre konsernen. Lobezite pe kontinyen ogmante avek en vites enkrwayab.

Sa i akoz 2 rezon prensipal. An zeneral, ladyet ki nou Nasyon i konsonmen, pa toultan bon pou nou lasante.

Nou Nasyon i mank bokou aktivite fizik.

Lanvironnman lasosyete ki nou viv ladan, pa toulstan favorab pou amelyor ni enn, ni lot. I absoliman neseser ki nou tou ansanm nou redres sa sityasyon. Minister Lasante pa kapab fer sa li tousel.

I demann en lager, si ou oule en lager antoure. Kot tou sekter i konpran son rol e enplike, e angaze direkteman toulezour, toulstan san arete. Parey nou konnen, lobezite i antrenn dyabet, i antrenn maladi kardyovaskiler e menm kanser.

Dyabet ek maladi vaskiler, i antrenn bokou konplikasyon lasante parey maladi ronnyon. Ozordi preske en dizyenm Bidze Lasante pei pe servi pou dyaliz pou tret maladi ronnyon.

Sa sityasyon nou bezwen adres li. Mon pou revin lo la, ler nou diskit Bidze Lasante, Lazans Swen Lasante.

Mr Speaker avek modernizasyon Minister Lasante ki ti fer an 2014, Minister Lasante ti de konsantre plizyer son bann fonksyon ek loperasyon ver Lazans Swen Lasante ek Lotorite Lasante Piblik.

Sa 2 Lazans ti plito pran rol loperasyon bann servis, tandis ki Minister ti gard

stratezi ek Polisi ek tou bann fonksyon ki transversal parey promosyon lasante, komunikasyon, devlopman resours imen pou lasante.

Be depi komansman 2021, Minister Lasante in ganny en nouveau manda pou ladministrasyon programm prevansyon tretman ek reabilitasyon an relasyon avek labi sibstans.

Konpare avek lannen pase kot ti annan zis 2 programm dan nou dokiman Bidze, sa lannen i annan 3 programm. Programm prevansyon, tretman ek reabilitasyon an relasyon avek labi sibstans e i sa trwazyenm programm.

Konpare ek lannen pase, Bidze Minister Lasante in ogmante konsiderableman, akoz sa sanzman. Pou 2022, nou pe demann, nou pe demann en total R109milyon 704mil.

Ladan environ 57 milyon i pou adres problemm labi sibstans. Dan sa 57 milyon pou adres problemm labi sibstans, i pou annan en estimasyon, 22.7 milyon pou sa lenfrastriktir ki nou anvi monte avek kolaborasyon nou bann partner.

Nou absoliman bezwen en sant reabilitasyon, pou adres bezwen pei. Sirtou bann zenn e

bann zanfan ki'n ganny afekte par drog ek lalkol. Souvan sa bann zenn ek zanfan, zot bann viktim labi sibstans, zot viktim lanvironnman, zot viktim kondisyon pou de favorab ki zot viv ladan.

En sant apropriye ki a donn zot sa sipor ek sa lakonpanyman neseser, pou zot entegre korekteman dan lasosyete, i neseser.

Sa sant evantyelman pou osi servi bezwen lezot dimoun ki malad ek adiksyon, e ki bezwen en lot programm ki sa programm *methadone*. Ki li i vize prensipalman lo rediksyon domaz lasante, omaz sosyal, domaz ekonomik, ki konsonmasyon eroin ek proze.

Mr Speaker, R27milyon dan sa Bidze i pou formasyon e devlopman resours imen, la ankor se sirtou bann zenn ki pe fini lekol segonder e ki pe antre dan formasyon pou en karyer dan Lasante, ki pei pou benefisy.

R25milyon i pou ladministrasyon ek gouvernans, dan en lot perspektiv, nou vwar ki 36.5 sa Bidze i pou lapey travayer. 42.8 poursan i pou bann byen ek servis e 20.7poursan i pou proze kapital ki nou anvi monte.

Mr Speaker mon a termin la pou le moman. E demann tou bann Manm Onorab pou sa siport sa Bidze pou sa 3 programm ki dan Minister Lasante parey mon'n eksplike zeneralman.

Sa bann programm i lank stratezi otour lekel, tou le zot keksoz dan Minister Lasante i pe vote. Pou ki nou a kapab evantyelman akonplir bokou plis avek sa larestan Bidze ki plis ki R1.1bilyon ki Minister antye in gannyen. Mersi Mr Speaker.

MR SPEAKER

Mersi Minis e mon swet labyenveni Ms Geralda Desaubin ki reprezent APDAR. Ms Desaubin i lo latab a kote, alor parey nou'n fer avan, si zot annan kestyion pou APDAR, poz li.

Si Minis oubyen en zofisyen i reponn, byen, si zot bezwen ki Ms Desaubin i adrese, a lafen nou a fer li ganny en plas lo latab e i a kapab adrese. Nou ava komans avek kestyion bann Manm e Onorab Woodcock i a komanse.

HON WAVEL WOODCOCK

Mersi Mr Speaker. Bonzour Minis ek ou delegasyon, tou Manm e tou dimoun a lekout. Minis mon

premye kestyion i regardan sa logmantasyon, pandan ou Bidze.

An 2021 ti R49.1milyon. E in ogmante pou 2022, pou vin R109.7milyon. Mon konpran ki i annan en nouveau programm ki'n ganny azoute, *Drug Abuse Prevention and Rehabilitation* ki *APDAR* in ganny *repeal*, preznan sa fonksyon in ganny transfer anba ou Minister.

Me selman *still* i en - sa logmantasyon i annan en logmantasyon environ ankor R2milyon *on top of* sa 57 milyon pou *APDAR*. Alors si ou kapab donn nou en pe detay an plis lo sa logmantasyon dan Bidze 2022.

Apre dezyenmman, anvi ki *APDAR* in ganny *repeal* e en nouveau programm in - i annan en trwazyenm programm; - *Drug Abuse and Prevention, and Rehabilitation*.

Dove Center kot fonksyon *APDAR* ti pe deroule, an vi ki sa landrwa pou byento pou vin en Lakademi Lapolis, kote bann fonksyon pou sa *Drug Abuse Prevention Rehabilitation* pou baze lo Praslin?

Eski zot pou bouz en lot landrwa? Konmsi, akoz i annan en pti pe konsern kote vreman sa fonksyon, preznan pou ete? An vi ki byento zot pou bezwen

bouze, sorti kot sa, kot *Dove Center* i ete.

Finalman, anba *PSIP*, i annan en alokasyon, ankor pou anba *Drug Abuse Prevention and Rehabilitation*, i annan en sonm, en *Foreign Grant Financing* 46.87milyon.

Me selman pou sa lannen i annan en Bidze R2.69 ki'n ganny *allocate* pou sa proze. Mon ti a kontan si ou Minis i kapab donn ou en pti pe lenformasyon, kote sa proze pou baze?

Ki *timeframe*, kan ki zot pou ekspekte sa proze, sa *rehabilitation village* pou konplete? Mersi.

MR SPEAKER

Mersi Onorab Woodcock. Minis, *panel*, lekel ki pou komans adrese.

MINISTER PEGGY VIDOT

Mersi Mr Speaker, mersi Onorab. Mr Speaker zis pou sa, mon a demann *PS* pou reponn bann kestyion.

Me zis pou asir Onorab, Praslin kot sa *Dove Center* i annan en bout ki pou retenir pou nou programm *Drug Rehabilitation*. So sa bout i pa an kestyion, in fini demarke e nou konnen.

Prezan mon a demann *PS* pou eksplik en pti pe, menm

mon'n dir, logmantasyon lo kantite Bidze e proze.

MR SPEAKER

Wi PS, silvoule.

PS BERNARD VALENTIN

Mersi Mr Speaker. Bon, letan Lalwa *Repeal APDAR* ti pase, tou sa bann programm ki ti dan *APDAR* ti ganny transfere otomatikman dan Minister.

Dan, ki nou'n fer, touy bann programm *APDAR* aprezan in vin bann programm dan Minister. Nou pa'n sanz nanryen, bann non bann programm i ankor egzakteman parey.

Savedir i annan prevansyon ledikasyon, i annan *after care*, i annan reabilitasyon, i annan tou sa bann keksoz ki ti annan dan *APDAR* avan. E preski menm, plizoumwen menm Bidze.

Diferans sa lannen, se sa Bidze pou sa Sant Reabilitasyon ki nou konnen i pou en *Grant from* en Pei Zanmi. E Minister Finans normalman i met sa larzan dan Bidze osi. Konsernen sa proze li menm, nou pa ankor finaliz tou keksoz *about it*.

E nou annan diskisyon ki'n *take place* e i ankor pe pran par. E dernyen pozisyon, nou dir annou konsidere si sa proze

i kapab ganny mete kot Sant Mont Royale ti ete Mont Fleuri. Me sa i en diskisyon ki pe pran plas an se moman.

I pa pou neseserman sa gro proze avan ki ti pou Bon Espoir, oubyen ki ti pou Cap Ternay. I ti pou en proze revwar ki nou pou gete si nou kapab met li la anler Mont Fleuri.

E byensir si nou met li la, annou pou bezwen pran kont landrwa kot i ete, e ki kalite servis nou kapab ofer dan sa landrwa la. Me selman pou le moman tousala i ankor anba diskisyon.

E enn fwa ki diskisyon in konkretize lo sa size, nou a kapab vin devan avek en lanons e anons detay. Mersi bokou.

MR SPEAKER

Mersi. Nou a pas lo, i annan kestyon ki pa'n ganny reponn Onorab Woodcock? Konmsi ou ti annan 3 pwen. Mon tann 2 in ganny adrese, zis *remind-*?

HON WAVEL WOODCOCK

En pe plis detay lo sa logmantasyon, i pa zis *APDAR* mon mazinen, akoz i annan en logmantasyon en pti pe an plis. Konmsi si nou annan en pe detay lo sa Bidze, sa logmantasyon. Mersi.

MR SPEAKER

Logmantasyon Bidze, wi, PS ou a kontinyen.

PS BERNARD VALENTIN

SS i paret mwan i anvi antre.

MR SPEAKER

Wi, wi SS.

SS PATRICK PAYET

Mersi Mr Chair. Mersi Onorab. Bonzour Mr Chair, tou Manm Onorab e tou dimoun ki a lekout. Mr Chair ogmantasyon pou Minister Lasante, apard ki APDAR e ou konnen i annan sa, ki'n ganny *merged* dan Minister.

Sel adisyonnal ki Minister Lasante in gannyen, i annan *new spending proposal*, parey ou pou vwar dan liv Bidze. Sa 2 *new spending proposal* nou pe donn zot en adisyonnal *lecturer program coordinator* dan saler.

Apre i annan en *Legal Officer* pou osi dan saler. So sa i 2 novo *spending* ki nou'n *provide*, selman sa 2. Me tandis ki mazorite i pou konsernan *merging of APDAR*. Mersi.

MR SPEAKER

Mersi SS. Bon, prezan Onorab Sandy Arissol.

HON SANDY ARISSOL

Mersi Mr Chair, bonzour Minis avek lekip, bonzour Ms Geralda ki fek zwenn nou, tou Manm Lasanble Nasyonal e dimoun ki pe ekoute.

Mr Speaker mon kestyon, mon osi i baze lo *APDAR*, in *regards to* Bidze ki nou pe donn zot, 57 milyon, 57milyon. Mon ti a kontan demann Minis, 2 pti kestyon an relasyon avek sa.

An vi ki Bidze ki nou'n donn zot pou *APDAR*, zisteman pou soulaz bann zenn ki dan difikilte, eski la ki *APDAR* in vin avek Minister Lasante, eski lokasyon ki nou bann zenn pe pran sa *methadone* pa kapab ganny revwar? Olye dan bor semen kot en sant, me i ganny fer, anvi ki i en tretman, i ganny retourne kot klinik, pou zot kapab fer sa. Premyerman.

Dezyenmman mon ti a kontan demann Minis Mr Speaker, zisteman an relasyon avek sa *methadone*, si *methadone* pa kapab donn en pe pli boner, olye 8er bomaten?

Mon pe dir sa, parske Sesel mazorite Seselwa i lev 4er bomaten, okip son zanfan, met li pare pou pran son bis e 8er i deza dan en plas travay. Me *methadone* pa kapab donn 8er bomaten.

Me nou ava donn zot en pe pli boner, an menm tan nou pe ankouraz zot pou zot dan en

lanplwa 8er bomaten, olye pe vir vire zis pou li ganny son *methadone*, 8er bomaten, letan tou Seselwa in fini rantre dan en plas travay. Mersi Mr Speaker.

MR SPEAKER

Mersi Onorab. Minis, *panel*.

MINISTER PEGGY VIDOT

Mr Chairman, *PS Valentin* ou ava reponn sa 2 kestyon.

MR SPEAKER

PS.

PS BERNARD VALENTIN

Mersi Mr Speaker. Mersi Onorab. Bon, konsernan lavenir programm *methadone*, nou ki nou pe fer, nou pe get tou bann meyer pratik ki dan lemonn.

E si ou gete ki bann lezot pei i fer dan lemonn, i napa en *one size fit all* pou tou dimoun ki lo programm *methadone*. Dan serten pei i annan - par egzanp *methadone* i ganny donnen dan *pharmacy*, i annan landrwa i ganny donnen dan klinik.

I annan diferan *modalité* ki en dimoun ki lo en programm *methadone*, i kapab ganny son *methadone*. Me selman pou rezon pratik dan lepase, nou'n

fer li koumsa e in marse pou en pe letan koumsa.

Me an mezir ki sa programm i ale, nou bezwen sertennman revwar lafason ki nou fer keksoz, e osi revwar bann meyer pratik dan lemonn. I pa neseserman ki tou dimoun fodre i ganny son *methadone* menm fason.

Me sa nou pou analize, nou pou vvar ki lezot pei pe fer. E an mezir nou ale, nou ava amelyor sa programm. Tou programm i bezwen amelyore avek letan. E sa programm *methadone* i pa en leksepsyon. Mersi bokou Mr Speaker.

MR SPEAKER

Mersi *PS. Onorab Bistoquet*.

HON ROSIE BISTOQUET

Mersi Mr Speaker. Bonzour Mr Speaker. Bonzour Minis ek ou delegasyon. Bonzour tou Onorab. Minis, mon remarke anba ou programm, depi komansman *P1 ouswa SP1, Ministers support*, tou dilon i annan en kantite *allowances*, *SP1*, ankor anba menm programm.

Konmsi en pti pe, donn nou en pti pe detay pou kwa sa bann *allowances*. Apre mon lot kestyon i pou vin kot *NIHSS*.

Mon pe get anba programm *NIHSS*, anba *training*,

kot mon pe regard, konmsi mon pa war en sanzman dan lakantite larzan ki zot in demande.

E prezan mon konnen, vi ki n ou dan sa sityasyon *COVID*, e la ankor nou pe antre dan sa lot varyan, *OMICRON*.

Mon oule demande, konbyen etidyan ki Minister Lasante pe prevwar, par *course*, par *cohort*, eski lannen prosen i pou annan bann *new courses* baze lo sa kantite larzan ki zot in demande? Mersi.

MR SPEAKER

Mersi Onorab. Minis? Panel?

MINISTER PEGGY VIDOT

Mersi Mr Chairman, mersi Onorab. Onorab parey ou konnen, dan bann diferan travayer dan Minister Lasante i annan diferan kalite *cadres*.

E bann *Scheme* i fer provizyon pou diferan kalite *allowances*. E kestyon se, ou oule konn en pe pli ski kalite *allowances* pe ganny peye. E sa, anvi ki i konsern en pe bann *figures*, mon ava ankor demann *PS* si i annan sa lenformasyon ki i ti a kapab detaye. E apre pou ou kestyon lo *NIHSS*, mon ava demann Mrs Lucas pou reponn.

MR SPEAKER

Mersi. PS.

PS BERNARD VALENTIN

Mersi Mr Speaker. Bann *allowances* ki la dan sa sekter, *Ministers Support Services*, i ase spesifik, i annan sa *5 percent supplementation allowance*, sa i en keksoz ki dan *PSO*, ki bann dimoun ki benefisyé ladan i annan, (mannyer ou dir sa) i annan *guidelines* ki *PSO* i dir poudir apre en sereten letan ou bezwen ganny tel *allowance*. *Long service allowance* osi parey.

Konmsi tousala i bann *allowance* ki dan *PSO*, ki bann dimoun i bezwen gannyen. Akoz zot in merite, zot in *earn* sa bann *allowance*. Donk, sa i konsern bann dimoun ki dan sekretarya kot Minis.

E se bann dimoun ki'n merit sa bann *allowance* baze lo sa ki *PSO* i dir zot bezwen gannyen apre en sereten letan. Mersi bokou Mr Speaker.

MR SPEAKER

Mersi. Wi kote *NIHSS*. Mrs Lucas.

DIRECTOR NIHSS MARYLINE LUCAS

Mersi Mr Speaker. Bonzour tou Onorab. Pou reponn sa kestyon Onorab Bistoquet; konsernan Bidze

NIHSS, an zeneral wi, napa gran logmantasyon.

Me i annan en logmantasyon an sa ki *PS* ti mansyonnen taler, *in regards to* en mouvman pou en *new lecturer*, akoz enn in *move* dan en promosyon. So this is being replaced.

Apre pou an zeneral *training*, wi lannen prosenn *NIHSS* ti annan lentansyon ofer 10 programm. Ladan mazorite 8 i bann programm Diplonm. So lannen pase ti mwens.

So nou annan 10 programm ki nou pe ofer including *midwifery* ankor lannen prosenn. Nou kontinyen ofer sa *Access Program*, en novo programm.

Pa novo, me sa lannen prosenn, nou pe fer osi *health care assistant* pou sipor ek servis, donn en pe swen *basic* pou bann pasyan Lopital. So an prensip, wi, nou annan lentansyon pou nou ofer sa 10 programm.

Apre osi *NIHSS* ti annan lentansyon pou devlop lezot programm ki pa neseserman deza la. Ki egziste, enn i *Health Service Management*, ki nou annan lentansyon pou devlop sa programm.

Dezyenm, *Health and Safety* osi, ki enn nou remarke ki i en *training* ki vreman an

bezwen dan pei antye. So nou lentansyon osi se pou devlop sa programm *health and safety*.

So, ler nou pe devlop sa bann programm, nou pe mazin en *Advance Diploma*. So, posiblemente sa bann programm pou ganny devlope over the years. So i pou ganny ofer lannen apre.

MR SPEAKER

Mersi Mrs Lucas. Nou a pas lo Onorab Aglae.

HON EGBERT AGLAE

Mersi Mr Speaker. Bonzour Minis ek ou delegasyon. Minis premièrman kot i konsern *Drug Rehabilitation*, mon ti a kontan petet, SS osi i la, an vi ki i annan sa bann sanzman ki'n arive depi debi lo konsern lokasyon pou kapab konstri sa sant reabilitasyon.

Mon konnen ti annan larzan ti ganny mete dan Bidze dan lepase. E sirtou ti annan en konponan *Grant, foreign component*, aepre, mon krwar 4.5 milyon. Si mon mal *PS* ou a eksplike.

Mon ti a kontan petet ekliersi mwan en pti gin, si sa larzan in ganny servi pou en lot konteks, ouswa sa larzan i ankor la.

Dezyenm, kot i konsern *training and professional development* anba programm 2, mon war i annan en logmantasyon environ apepre 2 milyon. Zis eklersi mwan en pti gin, en pti lo sa larzan li menm? E dernyen kot i konsern *foreign consultancy fee*.

Ok, ankor en logmantasyon li osi, 360 pou vin 456. Zis eksplik mon en pti gin. E dernyen, permet mon Mr Speaker, *Board Allowance*, mon war en rediksyon dan *board allowance*, lo *board allowance*, sorti 325 pou vin 311.

Eski i annan serten sanzman ki'n arive avek zot *Board* ki i annan sa rediksyon? Mersi.

MR SPEAKER

Mersi. Minis i annan plizyer pwen la, ou a kapab adrese oubyen diriz *panel*?

MINISTER PEGGY VIDOT

Mersi Mr Chairman. Pou sa programm lo *Drug Rehabilitation* ki nou *Grant component* ki nou'n gannyen dan lepase, or ki'n ganny mansyonnen nou'n annan dan lepase dan Bidze, nou oule konnen, sa nou ava demann SS pou li kapab diriz nou lo la.

Lo *training* avek *development*, avek *foreign*

consultancy, PS i ava pran sa bout. Lo kestyon lo *Board*, wi nou annan rediksyon lo *Board*, kantite dimoun, par egzanp, lefe ki nou napa en *Board*, par egzanp pou *APDAR*, tou sa bann i bezwen annan en gran rediksyon lo la.

E si i annan lezot *Board* ki nou'n koupe, PS i ava dir si i annan. Mersi.

MR SPEAKER

Mersi. SS wi.

SS PATRICK PAYET

Mersi Mr Chair. Mersi Onorab. Lo konsernan Bidze, parey zot konnen, ki letan nou fer *Mid-year Review*, nou assess sityasyon tou bann proze kote zot ete.

E parey dan prezantasyon *Mid-year Review*, sa Bidze ti ganny retire, ti annan *Budget cut* ki ti arive dan sa Minister. So i dan *budget cut Mid-year Review*, ki Bidze in retire, e sanmenm sa ki nou'n remet li dan Bidze 2022. Mersi.

MR SPEAKER

PS mon krwar i ou trou la.

PS BERNARD VALENTIN

Mersi Mr Speaker. Mon ti a kontan dir pou, dan Minister spesifik, pou lannen prosenn, nou, nou ti'n fer provizyon, akoz

i annan sa novo Lalwa *Mental Health Care*.

E dan sa Lalwa i annan provizyon pou en *Board* ek en *Tribunal*. Nou, nou ti'n fer provizyon pou sa 22 lenstans. Me selman parey ou konnen, bann dimoun ki travay dan Gouvernman, nepli benefisye avek larzan *Board* letan zot pe fer sa louvraz dan letan travay.

Donk sa petet i eksplike akoz i annan sa rediksyon. Me selman provizyon sete, pou sa *Mental Health Care Board* ek sa *Tribunal* ki anba *Mental Health Care Act* novo.

Konsernan *training* Mr Speaker, Minister Lasante in met en kantite lanfaz lo *training*. E i annan kantite *staff right now* ki pe fer toudsort kalite *training*.

Par egzanp nou annan 7 dimoun sekreter, *office assistant* ki nou pe peye pou zot fer *training TGMI*. Nou annan nou apepre 15 sanniter ki Minister pe peye pou zot fer *training Degre* kot Liniversite Sesel.

E anefe sa *training* i fer an kolaborasyon avek Liniversite Maurice. 15 nou *staff* sanniter pe fer sa *training*. E sa *training* i peye anba Bidze Minister, pa anba Bidze ANHRD.

E nou annan ankor kantite lezot aktivite *training* ki pe fer. Nou annan par egzanp sa lannen, bann dokter ki pe fer *training Cyprus, online*, dan *Primary Health Care Family Medicine*.

E nou'n trouv larzan dan nou Bidze pou nou kapab fer, pey sa *training*. I annan *toudsort* sa bann aktivite *training* ki pe *take place*.

E mon kapab dir ou par egzanp Msye Onorab e tou bann Onorab, ki *right now*, nou annan nou 31 dokter ek dantis ki pe fer letid spesyalize en pe partou dan lemonn, diferan metod.

I annan sa 15 sanniter, i annan 10 dokter ki'n fini letid an 2020, 2021. Ladan i annan 5 spesyalis e 5 in ganny premye Degre. Nou annan nou 2 endividé, malerezman ki'n fer *training Australia*.

Ki apre zot *training* zot in deside pou *resign* dan Minister, malerezman. Me selman sa osi i arive. Nou annan nou 5 teknoloziz laboratwar ki pe fer premye Degre.

Nou annan nou 2 teknisyen *pharmacy* ki osi pe fer letid Degre. Nou annan 4 ners ki pe fer letid premye Degre. E nou annan toudsort kalite lezot *staff* ki pe fer tou sort kalite *training*.

Nou annan *PHD*, wi, nou annan *Masters* dan diferan domenn. Nou menm annan en dimoun ki ti antre dan Minister koman en *records clerk*. Ozordi sa dimoun pe fer en *Masters* dan *Public Health* e Minister pe peye. Tousala i montre ki kantite loportinite *training* ki nou, nou donn nou bann *staff* e ki bann *staff* osi i kontan sa bann loportinite e zot sezi li pou zot avanse dan zot karyer.

Donk sa bann larzan *training* ki ou'n vwar dan Bidze, i sa larzan ki Minister li menm i servi pou devlop son *staff*. Me i osi annan lezot larzan ki sorti kot *ANHRD* ki Minister i benefisyé ladan. Mersi bokou Mr Speaker.

MR SPEAKER

Mersi PS. Onorab Vidot.

HON AUDREY VIDOT

Mersi Mr Chair. Bonzour Minis ek ou delegasyon, tou Manm Onorab, tou dimoun ki a lekout. En bonzour spesyal zabitan Roche Caiman.

Mr Chair, mon kestyon pou *PS*, vi ki ou'n komans reponn kestyon Onorab Aglae lo size *training*, mon osi mon kestyon i relye avek sa.

Ankor mon vwar preski tou le lannen dan plis lanfaz nou mete lo dokter, lo ners, lo

Public Health. Me eski zot pe asire ki letan zot pe ofer sa bann *training* zot bann profesyonnel ki deza dan servis, i dekoul ki a omwen pandan lannen ki sak departman i annan travayer ki pou amplifye son kapasite, pou li kapab delivre pli byen zot pe fer sir zot pe tous tou.

La mon pe mazin bann *paramedics*. Eski apre en serten letan zot pe gannyen *training* ankor zot osi? Eski sa Bidze ki la osi pou tous zot? E dezyenmman mon lot kestyon, i an referans avek zot nivo lo nou kote gouvernans.

Nou konnen poudir sak lannen i annan bann kad diferan profesyonnel Lasante, ki nou bezwen valoriz zot lenportans zot travay ki zot annan dan sa Minister.

Eski zot pe asire ki sa lannen ki vini, 2022, ki omwen sa bann group dimoun pa ganny kit deryer dan diferan kad?

Ankor mon pou ranforsi lo enn ki mon ti vwar petet lannen pase in annan konsern ki pa'n neseserman zot in ganny valorize a zour zot zour, sa se *paramedics*.

Zot bann dimoun ki respond a *emergency*. E zot osi zot annan en lenportans dan sa Minister. Pou asire ki i annan en balans ki tou nou bann kad

profesyonnel i ganny valorize par zot Minister. Mersi.

MR SPEAKER

Mersi Onorab. Minis nou a pas ek PS wi.

PS BERNARD VALENTIN

Mersi Mr Speaker, mersi Minis pou donn mon loportinite pou reponn sa kestyion. Wi, tou kad, tou *staff* dan Minister Lasante, i ganny valorize, letan *training* i konsernen.

Dan fodre dir ki nou annan plizyer kalite *training* ki nou ofer. Nou annan bann *training on the job* ki nou ofer tou lazournen, tou le zour.

E sa i pou tou *staff*, zot ganny *training*, zot ganny *infection control*, zot ganny *training* dan tou kalite keksoz. Tou dernyerman nou'n fer *training* lo *advance life support basic life support*. I annan sa bann *training* koumsa, ki tou lazournen pe *take place*.

Donk sa bann *training* ki mon'n fek donnen avan la, se bann *training* ki *lead to en certificate and Diploma, and Degree*, eksetera, eksetera.

Konsernan bann dimoun ki nou apel bann *emergency medical technician*, wi, nou santi poudir sa kad i bezwen en pe plis latansyon. Akoz dan lezot pei, bann dimoun i

komans, petet koman en *emergency medical technician*.

Epi zot monte, zot monte, ziska ler zot vin en *full paramedic*. E evantyelman, mon krwar nou Sesel nou bezwen al dan sa direksyon. Konmsi letan nou antre koman en *emergency medical technician*, ou ganny plis *training* ou monte dan sa karyer.

Ou ganny plis *training* ou monte dan sa karyer. Ziska ler ou ariv lo *top* dan sa domenn *emergency care*. Nou pa ankor arrive neseserman la.

Me i en keksoz ki nou bezwen seryezman gete. Akoz nou bann dimoun *paramedic* pe demande sa loportinite e nou bezwen akorde sa loportinite. Donk mon kontan ki ou'n lev sa pwen. I en pwen ki nou bezwen met latansyon lo la an mezir ki nou ale. Mersi bokou Onorab.

MR SPEAKER

Mersi PS. Onorab Cosgrow. Mikro silvouple.

HON WALLACE COSGROW

Mersi Mr Chairman.
Bonzour Mr Chairman.
Bonzour Minis. Bonzour PS,
tou dimoun ki avek zot,
bonzour tou Manm Onorab, tou
Manm piblik.

Mr Chairman dabor mon ti a kontan dir, konmsi mon kontan, mon *happy* ler mon tann PS Valentin i dir sa kantite *training* ki Minister Lasante pe fer.

I montre ki kantite travay ki nou osi koman en Gouvernman nou'n fer, pandan sa bann letan ki nou'n investir dan Minister Lasante. I enportan fer resorti.

(Off-Mic)

MR SPEAKER

Order!

HON WALLACE COSGROW

Mr Chairman, mon annan en kestyon, premye kestyon i lo zot *strategic priorities*. Nou konnen poudir *COVID* in fer en kantite dega dan kominote. E in met en kantite presyon lo Minister Lasante. Sa nou konnen.

Me malerezman, mon get koman enn zot *current challenges* ki i koz lo pandemik *COVID-19*. Me mon pa war dan zot *strategic priorities going forward* ki mannyer zot pou *tackle*, par egzamp bann vaksinasyon ki ozordi nou pe ganny dir.

Mon pa en profesyonnel Lasante, me selman ozordi nou pe ganny dir ki i tre probab ki

tou le 6 mwan nou pou bezwen *re boost*. Akoz sa bann vaksen pou le moman i *last 6 mwan*.

Mon pa pe vwar, akoz nou programm vaksinasyon, in toultan enn ki baze lo par egzamp ler zanfan i ne. Apre en serten peryod letan pou bann zanfan.

I pa vreman vaksinasyon adilt. Me sa in, *COVID* in montre nou ki i annan lenstans kot nou bezwen annan bann programm vaksinasyon adilt. E nou war ler nou al vaksin en, nou war dokter dan bann sant vaksinasyon.

I met en pake presyon lo *staff* Lasante. So dan *strategic priorities*, nou pa war *going forward* ki mannyer zot pou *tackle* sa, e ki kantite resours sa pou pran ek Minister Lasante, kantite resours imen e resours finansyel.

Akoz nou war bokou fwa, se politisyen ki vin devan, ki fer bann lanons, par egzamp lo vaksinasyon, lo isi lo laba. Me nou anvi war dan Bidze, kote Minister Lasante i antre, kote zot santre zot resours *going forward*?

Dezyenm kestyon Mr Speaker, Mr Chairman, i konsern Bidze li menm letan mon'n get an detay. I annan de pti keksoz mon oule *point out*.

I annan *Ministers Support Services* kot mon war *security and enforcement* in mont, sorti R180 thousand pou vin R300 mil. Si Minis ouswa PS i kapab eksplik nou ki sa logmantasyon?

Eski i annan plis sekirite kot biro ouswa kot lakour? Apre mon war osi en *Housing Allowance* anba, SP2, *Administration and Human Resource Management*, ki'n vin apepre R400mil si mon pa tronpe.

Wi, R400mil si mon pa tronpe. So si zot kapab eksplik nou en pti pe dan sa 2 laliny. Mersi bokou.

MR SPEAKER

Mersi Onorab. Lo size vaksinasyon pa blye nou annan Bidze Komisyen *Health* apre. So Minis i a kapab deside ki mannyer i oule *handle* sa kestyon. Minis laparol i pou ou.

MINISTER PEGGY VIDOT

Mersi byen Mr Chair. Mersi Onorab pou ou kestyon. Wi, lo kote vaksinasyon, i plis en keksoz operasyonnel. I pou vin en priyорite anba *Public Health Authority* ki konsernen avek organiz, kordinen, plan nou *response to COVID*.

I, wi i esansyel, akoz vaksen i koute. Organiz

vaccination champagne i koute. E sa ankor i ava tonm avek Swen Lazans Lasante.

Alor si i pa ganny vwar dan *strategic priorities* Minister li menm, i pa neseserman ki nou'n kit li net dan *Health Sector*, me i pou dan sa 2 lezot antite.

An term larzan ki ou pe demande pou *support services*. Wi parey ou konnen, tou, e sa in egziste pou en bon pe letan. Ki i annan en R25 mil ki ganny *allocate* avek en biro Minis pou sekirite.

E sa alor i la, sa 300 mil, nou ti ganny 180 mil lannen pase e la i 300 mil, i 25 mil par mwan parey ou konnen. An term *housing allowance*, i annan en *housing allowance* akoz dan Minister i annan *staff* ki *expatriate*, kot PS's office.

Nou annan, alor sa *housing allowance* i pou sa bann kalite depans. Mersi.

MR SPEAKER

Mersi. Wi, vitman silvouple Onorab Cosgrow, nou bezwen *move on*.

HON WALLACE COSGROW

Wi. Mersi Mr Chairman, mersi pou donn mon sa pti letan. Mon konpran Minis zafer *Public Health* mwan, en? Konmsi mon ti a kontan war

dan Minister ki fer bann stratezi ek Polisi, zot osi zot devlop *something going forward* konsernen par egzanp vaksinasyon.

Akoz *Public Health* i enplimante li, *but the policy arm of the Ministry of Health* se Minister. E zot bezwen konmsi, zot bezwen *design* en Polisi.

Akoz Polisi Vaksinasyon avan parey mon'n dir, ti avek bann, ti plizoumwen avek bann zenn, bann zanfan. Konmsi mon ti a kontan vwar en *clear laliny* dan zot stratezi, zot devlope. Mersi.

MR SPEAKER

Mersi Onorab Cosgrow. Minis ou kapab repas lo la vitman *please*.

MINISTER PEGGY VIDOT

Wi. Mon konpran ki Onorab pe demande. Me i dan - vaksinasyon i part of the *COVID Response Plan*. E alor vaksinasyon i pou *feature* ladan dan sa *COVID Response*. E i annan diferan sekter ki i annan diferan bout pou zwe, e la i pou ladan. Mersi.

MR SPEAKER

Mersi. Onorab Pillay.

HON SEBASTIEN PILLAY

Mersi Mr Chairman, bonzour Minis bonzour tou dimoun ki a lekout. An premyerman Mr Chairman, mon ti a kontan ki Minis i donn nou en re-lasirans ki se li ki *in charge of* Minister Lasante, e non pa Minis *Foreign Affairs*, ki ennler pou dir nou annou al pran donasyon vaksen, isi, ouswa Prezidan.

Akoz i enportan sa, i enportan pou nou konnen ki mannyer keksoz i ganny striktire. Akoz se Minis ki en profesyonnel dan Lasante. Se li ki annan sa *knowledge* dan Lasante. Pa sa bann lezot dimoun.

MR SPEAKER

Ale.

HON SEBASTIEN PILLAY

Sa bann lezot dimoun pa kapab kontinyen vin devan, e koz lo *behalf* Minister Lasante e anvoy diferan lenformasyon avek nou.

(Off-Mic)

MR SPEAKER

Ale silvouple.

HON SEBASTIEN PILLAY

Si zot annan kestyion zot ava demande zot osi, lev zot lanmen, ki zot pe konplent?

(Interruption)

MR SPEAKER

Silvouple. *Order!*

HON SEBASTIEN PILLAY

Ok. Premyerman mon ti a kontan osi ki Minis i klarifye pou nou. Ou'n koz lo lenpak COVID-19, Mon ti a kontan konnen, ki mannyer ou Bidze in ogmante vizavi COVID-19 pou Minister?

Akoz ou Minister, ou bann staff enkli ou menm, ou *provide* en servis esansyel an relasyon ek COVID-19. Me ler mon get bann *heads* dan ou Bidze, napa sanzman.

Apard sa bann logmantasyon ki i annan pou fer avek proze, napa gran sanzman. So oli, oli sa pran konsyans lenpak COVID-19 lo ou staff, lo ou bann dimoun ki travay dan sekretarya Minister Lasante.

Bann dimoun ki parey Onorab Cosgrow in koz lo la, i bezwen fer Polisi, ki bezwen siport travay lenplimantasyon, oli sa larzan ki sipoze al ver sa, mon pa pe vwar? So eski ou kapab eksplik nou kote sa larzan i ete?

Dezyenmman, mon ti a kontan ou klarifye vizavi APDAR. E la mon war li i drol

ki bann Manm lo lot kote latab pe nonm *APDAR*.

Zot *repeal* en Lalwa, san ki zot konnen ki zot in *repeal* apre zot pe rode kote *APDAR* pou donn son servis dan zot distrik.

MR SPEAKER

Ale, ale Onorab.

HON SEBASTIEN PILLAY

Mon konnen, non, be i enportan pou Seselwa tande sa bann keksoz.

MR SPEAKER

Annou pa antre dan en largiman.

HON SEBASTIEN PILLAY

So an relasyon avek *APDAR*, nou'n vwar ki, nou'n vwar ki an relasyon avek *drug abuse, prevention*, sa programm Prevansyon ki'n al anba Minister Lasante.

Eski ou kapab dir nou, in terms of son *management* sa programm prezan. I tonm anba Minister Lasante.

Ki zot in gannyen an plis pou fer *management* sa programm, oubyen zot pe zis servi sa sistenm *management* ki ti annan la, ki zot ti pe dir ki lot kote in dir pa bon, me ki i paret mon pe ganny servi ozordi pou manage sa programm.

Mon lot kestyon i konsern sa size, e sa i enportan pou mwan sa size sa sant. Mon'n tann PS koz lo landrwa kot i pou ale, bann travay ki bezwen ganny fer.

Zot bann profesyonnel, zot ki konnen ki mannyer pou re *manage* bann keksoz re *manage*. Be la nou pe koz, la nou pe war en alokasyon R22 milyon dan Bidze pou sa sant.

E nou pe koz lo anmenn li dan en landrwa rezidansyel. Konmsi sa ki mon pe sey ganny en konpran, sey eksplik nou ki sa R22 milyon egzakteman pou aste pou nou lo sa, vizavi sa *building and infrastructure* anba reabilitasyon?

E akoz desizyon pou anmenn li dan en landrwa rezidansyel? Mon ti a kontan ganny en konpran sa. Akoz R22 milyon i en kantite larzan ki nou pou depanse koman en pei. E nou bezwen vwar, kapab vwar en rezulta avek sa R22 milyon. Mersi Mr Chairman.

MR SPEAKER

Bon. Minis ou repons silvouple.

MINISTER PEGGY VIDOT

Mersi Mr Speaker, mersi Onorab pou ou kestyon. Ou pe demande oli larzan ki nou annan dan Bidze Minister

Lasante, ki pou adres COVID-19.

Ou pe dir nou poudir COVID-19, Polisi i ganny fer dan Minister Lasante. Polisi wi, stratezi wi, i en fonksyon Minister Lasante an premye lye. Me pou en keksoz parey6 COVID, parey en *response to* en pandemi, i en fonksyon ki tonm anba *Public Health Authority*.

Eski nou donn larzan an plis pou formil Polisi lo COVID-19, non. Akoz formilasyon Polisi i pa *parcel* travay Minister Lasante, travayer Lasante dan diferan domenn. Alor nou pa pou war en Bidze ki pou pe al zis pou formilasyon Polisi.

Me nou ava vwar en Bidze dan nou Bidze ki nou ava pe diskite lo *Public Health Authority* ek pou Lazans Swen Lasante.

Nou ava vwar poudir i annan Bidze pou sa bann kalite programm ki ganny donneen an repons nou plan COVID-19. E parey ou konnen toulstan, kan i annan en dezas, kan i annan en *emergency* dan pei, nou tant pou nou tonm, ganny en larzan from *contingency plan*.

So COVID i la, nou pa konnen ki mannyer i pe deroule, ki mannyer i pe evolye. E i pa pou fasil pou ou dir ou pe met sa kalite larzan la pou COVID.

Akoz i annan en fon ki nou kapab toultan tonm lo la. Me pou travay ki dimoun pe fer pou al donn vaksen, wi i part nou travay pou nou donn vaksen.

E alor, nou'n aranz li lafason ki nou bezwen aranze e si nou pou bezwen travayer an plis, nou ava fer demann avek Finans. Me i pa en keksoz ki ou pou war dan Bidze koumsa. Akoz i *part and parcel of travay* tou dimoun.

Be dan sa 2 Lazans, sa 2 antite ki pe vini apre, nou ava vwar ki mannyer zot pe fer sa. Mersi. Lo Sant Reabilitasyon, ankor mon ava demann *PS* pou donn en pe plis lesplikasyon lo ki mannyer sa i pou deroule.

MR SPEAKER

Mersi Minis. *PS*.

PS BERNARD VALENTIN

Well parey nou ti dir avan Mr Speaker, sa i ankor anba diskisyon, napa nanryen ki'n finalize, i zis bann diskisyon ki pe pran plas an se moman.

Me selman sa ki'n realize se ki i annan bezwen pou zanfan, akoz i annan osi zanfan ki ganny afekte avek sa problem drog. I annan osi adolesan ki ganny afekte avek sa problem drog.

Donk, letan bann dernyen diskisyon ti pe fer

konsernan en programm reabilitasyon. Eski, par egzanp en Programm Reabilitasyon pou zanfan e zenn ti pou kapab ganny sitye la.

E mon krwar *thinking*, se ki probableman nou devret komans dabor avek en Sant Reabilitasyon pou zenn zanfan. E apre kekfwa nou a fer en sant Reabilitasyon pou adilt. Ki bezwen reabilitasyon.

Alor, si ou get sa landrwa Mont Fleuri, i pa en gran landrwa. I annan kantite keksoz ki ou pa pou kapab fer la neseserman. Me selman nou pe mazin, petet si ou fer en Sant Reabilitasyon pou zenn ek zanfan, petet i kapab sitye la.

Me selman sa i ankor anba diskisyon. Mon fek klarifye avek SS. Sa 22 milyon se en *Grant* ki nou pou gannyen avek en *partner* etranze. I pa neseserman ki nou'n fini gannyen sa *Grant* deza. Mersi Mr Speaker.

MR SPEAKER

Mersi *PS*.

PS BERNARD VALENTIN

Konsernan *management* Mr Speaker, parey nou konnen *management APDAR*, parey nou konnen, Lalwa fek ganny abreze, aprobasyon Lalwa fek pase.

Donk nou pa'n kapab fer tro gran sanzman o kour 2021 akoz sa Lalwa ti ankor egziste. Donk bann keksoz ki nou pou revwar, nou pou fer li an 2022 an montan.

E si fodre reget sa *management* nou a gete. Me selman i la ki nou annan loportinite pou fer li, akoz se la ki Lalwa in sanze. Mersi bokou Mr Speaker.

MR SPEAKER

Mersi. Wi nou a sey terminen silvouple Onorab Pillay, avek klarifikasiyon.

HON SEBASTIEN PILLAY

Mersi Mr Chairman. Mr Chairman 2 pwen klarifikasiyon. Premye pwen, mon konsernen Minis dan sa *statement* ki ou'n fer, ki nou pa tro konnen ki mannyer *COVID* pou ale.

Mon krwar sa ki ou ti pe sey dir nou, se ki *COVID* li menm i en *predictive*. E alors tou dimoun pe sey dil avek dan lafason lo en mezir.

E mon kestyon ti al dan laliny, ki mannyer Minister pe prepar li pou dil ek sa, as en *Ministry, as en policy arm*. Mon kestyon pou PS, e i konsern sa R22 milyon.

So ou pe dir ek mwan la ozordi, ki nou'n fini met R22

milyon dan Bidze. E petet SS Parey i kapab *weigh in*. Eski sa larzan i dan Bidze, oubyen i pe vin koman en *Grant*, oubyen i pe vin koman en don? Alors eski si i pa vini i pou annan en *net effect* lo Bidze.

Akoz si nou pe met R22 milyon, me nou dir nou a konnen ki nou pe al fer avek. Me selman nou ti konnen ki nou bezwen *repeal* en Lalwa.

Mon en pti pe konsernen ki mannyer Gouvernman pe met son bann plan an relasyon avek prevansyon.

Akoz lontan Gouvernman in dir i pe *repeal* sa Lalwa, so ti bezwen annan en plan ki mannyer pou asimil sa bann fonksyon *within* Minister Lasante e ki nou pou al depans over *R57million* la.

Plus sa 22milyon e sa bann larzan ki lo Program Reabilitasyon. Sa i ti 57 milyon. Mon ti ava swete ki Gouvernman i konnen ki mannyer i pou al depans sa 57 milyon, ler in retir en lazans ki ti *dedicated* pou sa e pou li met li anba Minister e azout lo travay lo Minister Lasante, ki Minister Lasante ti deza annan. Sa ki mon en pti pe konsernen. Mersi Mr Chairman.

MR SPEAKER

Byen. Mersi. PS ou a reponn lo sa 22 milyon please.

PS BERNARD VALENTIN

Mr Speaker sa 22 milyon, mon ba dir SS reponn. Me selman sa ki nou pe dir Mr Speaker konsernan programm *APDAR*. Programm *APDAR*, sa ki nou apel *APDAR*, pa'n sanze.

So programm in kontinyen menm parey i ti komanse an 2021, 2021. Sa ki nou pe dir, se ki si nou bezwen revwar keksoz lo lafason ki *APDAR* i fer son bann programm, sa nou pou fer lannen 2022 an montan anliny touzour avek sa plan, *Master Plan* ki deza egziste.

APDAR i pe fonksyonn anba *the National Control Master Plan* e *the National drug Control Master Plan* i en plan ki plizyer sekter dan pei ti kontribye pou fer. Lasante ti ladan, Sosyal ti ladan, tou bann *partner* dan pei ti kontribye pou fer *National Drug Control Master Plan*.

E nou angaze nou tou pou fer sir ki sa *National Drug Control Master Plan* i ganny enplimante. E tou keksoz ki *APDAR* pe fer ozordi, i pe fer li anliny avek sa *National Drug Control Master Plan*, ki en plan konsyansyel ki tou dimoun pe pran par ladan.

E mon konnen Onorab i okouran sa plan, akoz i ti lo *Board APDAR* ansanm avek mwan. Mersi bokou.

MR SPEAKER

Mersi. Bon, ale SS, ou ti annan en keksoz pou azoute.

SS PATRICK PAYET

Mersi Mr Chair. Mr Chair lo kote sa 22 milyon dan Bidze 2022 pou sa *sant rehabilitation*, nou'n met sa provizyon parey zot konnen, ki dan depans ki mannyer nou'n met li i en don, i en *foreign Grant*.

E klasifikasyon Bidze, ou pou vvar li dan reveni osi. Savedir letan ou regard lo kote Bidze i en *net off*, akoz i dan reveni e i dan depans. E si i arive sa proze pa materyalize, otomatikman i pou sorti.

Akoz son reveni pa'n antre. So nou, nou pou vvar li dan sirkonstans *once* ki zot in fini annan final, zot plan final. E nou ava regarde. E dan *Mid-year Review* parey zot konnen, tou bann proze i ganny evalye, pou war son letap lenplimantasyon. E sa nou regard li dan *Mid-year Review*. Mersi Mr Chair.

MR SPEAKER

Mersi. Nou pran dernyen kestyon. Onorab Lemiel.

HON SYLVANNE LEMIEL

Mersi Mr Chair. Bonzour Minis avek ou delegasyon ; tou mon bann koleg Manm Onorab e tou dimoun a lekout.

Enn priyrite Minister Lasante komansman 2022, se pou met an aplikasyon zot plan stratezik, an menm tan pou swiv oubyen *monitor*, evalye sa *framework*.

Sa ki mon ti a kontan konnen mwan avek Minis, eski Minister Lasante in fer ase provizyon bidzeter, pou zot asire ki sa plan stratezik i marse. E i akonplir son lobzektif?

E an menm tan si wi Minis, mon ti a kontan konnen petet, konbyen larzan ki Minister in met dan Bidze 2022 pou zot kapab enplimant sa plan? Mersi.

MR SPEAKER

Mersi Onorab Lemiel. Minis.

MINISTER PEGGY VIDOT

Mersi Onorab pou ou kestyon. Wi nou pe komans en nouveau *strategic period* si ou oule dan Lasante. Akoz nou plan in fini depi 2020. E nou'n annan 2021 pou nou travay lo la.

Bann programm ki i annan, bann keksoz ki i annan dan sa plan, i pa neseserman

keksoz ki pe vin koman novo programm. I plito revwar, reevalye, re planifye ki mannyer programm i ganny delivre.

I - si ou dir mon nou pe met sa *monitoring framework*, wi. Me nou annan dimoun dan Minister Lasante ki zot travay i fer, pou fer sa bann kalite keksoz, parey *monitor* bann endikater Lasante, *monitory* bann diferan keksoz.

Nou'n fek dan sa lannen konsolid serten *unit* dan Minister Lasante, parey kot nou *Statistic*, parey kot nou Polisi ek Stratezi, pou nou kapab, ler nou, nou lans nou programm, annan dimoun an plas pou fer sa bann kalite travay.

Alor an term Bidze, i pa en Bidze separe. Zis pou sa plan stratezik, akoz bann keksoz dan sa plan stratezik i pou pe filtre dan tou antite Sekter Lasante. Mersi.

MR SPEAKER

Mersi Minis. Avek sa nou a pran vot lo Bidze Lasante ki lo paz 273 ziskan 381. Pou en total R109milyon 704mil. Manm ki an faver lev lanmen silvouple? Mersi tou Manm in vote, Madanm Clerk.

Mersi, Bidze pou Minister Lasante, *Ministry of Health* lo paz 373 ziska 381 pou en total R109milyon 704mil 30 Manm

in vot pour, 0 kont e 0 abstansyon. Alor Bidze in aprouve par Lasanble.

E mon a remersye Minis ek zot delegasyon, ek delegasyon Minister Lasante pou partisip avek nou dan konsiderasyon sa Bidze. La mon a swet depar bann zofisyen apard Minis byensir.

Dr Valentin, Mrs Lucas e Ms Desaubin, mersi bokou e bonn kontinyasyon e bon kouraz pou zot travay.

Osi nou ava fer en pti pause teknik pou *sanitizing*. Byen Lasanble a repran silvouple.

(technical break)

PUBLIC HEALTH AUTHORITY

MR SPEAKER

Bon, nou pe pran Bidze *Public Health Authority*. E mon annan plezir dir labyenveni Dr Jude Gedeon, *Public Health Commissioner*, Mr Jude Barra, *Financial Controller* e Ms Jany Chiffone, *Human Resources Officer*.

Bidze Minister Lasante i lo Bidze *Public Health Authority* i lo paz 392 ziskan 397 pou en total R66milyon 426mil. Minis lentrodiiksyon *please*.

MINISTER PEGGY VIDOT

Mersi Mr Chairman. Lotorite Lasante Publik ti ganny etablir anba en Lalwa an 2013 e i apel *Public Health Authority Act*. E son manda se i plito lo prevansyon maladi e regilasyon.

I responsab pou asire ki bann servis lasante e servis relye avek Lasante dan sekter prive ek publik, i ganny delivre lo en standar neseser dapre bann diferan morso Lezislasyon e bann gidans.

Regilasyon pou anrezistre tou bann Servis Lasante i dan sa staz avanse. E *Public Health Authority* i osi responsab pou regle bann facilite ki donn serten servis publik, tel bann letablisman ki prepar manze, restoran, fer tretman delo e lezot servis sannitasyon.

I atraver sirveyans maladi entegre, i anpese detekte, kontrol lepidemi. E i osi i ganny fer an etrwatman avek laboratwar Lasante Publik. I osi responsab pou montre *response* kan nou annan en lepidemi dan pei e kan nou annan pandemi, parey i pe fer la pou *COVID-19*.

Avek plan stratezik Nasyonal Lasante ki pe ganny revize e re devlope, *Public Health Authority* pou konsolid bann travay regilatwar. E son

bann facilite pe servis medikal Lasante.

An rekonesan lyen ki i annan ant maladi ki afekte imen ek maladi ki afekte zannimo, probasyon lapros ki'n ganny dedye lo en nivo global '*one health*' i kle e i anliny avek regilasyon enternasyonal Lasante pou sirveyans entegre bann maladi e Lotorite Swen Lasante i angaze ladan.

Pou koman Bidze, en Bidze total pou 2022, i R66milyon 426mil, i donn li, i tonm anba 2 programm. E nou ava vvar poudir dan sa Bidze i annan en total 6.2 milyon ki an plis ki par lao 2021.

Sa i pou bann travayer an plis ki *Public Health Authority* i bezwen; - *both* koman sanniter, koman traver laboratwar e koman bann *staff* ki bezwen dan *account*.

An menm tan i larzan ki osi pou kapab servi pou aste bann prodwir laboratwar ek bann lezot keksoz ki i pou bezwen, sirtou dan sa programm ki nou pe travay lo la pou *COVID-19*.

I annan li 2 programm. E larzan Bidze i ganny enpresyonnen koman R10milyon 816mil i al pou gouvernans, *management* ek ladministrasyon. Pou *Public*

Health proteksyon i R55milyon 610mil.

E anba sa 2 programm, i fer ki i annan li en bon poursantaz ki al pou prevansyon e lezot pou aste bann materyo ki bezwen servi.

Alor mon demann ankor Lasanble pou siport sa Bidze pou Lotorite Lasante Piblik. Mersi.

MR SPEAKER

Mersi. Nou a komans kestyon bann Manm. Onorab Sandy Arissol.

HON SANDY ARISSOL

Mersi Mr Chair. Ankor enn fwa bonzour bann nouvo delegasyon ki fek zwenn nou, enkli Minis. Mr Speaker, mon ti a kontan zis demann Minis ki la, Minis pou Lasante, avek Bidze ki nou pe donn *Public Health Authority*, 66 milyon.

Mon anvi zis demann Minis, si sa ki nou apel bann sanniter deor dan distrik, zot ankor annan sa pouvwar ki zot ti annan en pe letan pase? Lontan dan distrik, sel 2 group dimoun ki ou ti per sete sanniter avek Lapolis.

Eski sanniter avek Bidze ki mwan mon pou vote, zot ankor annan pouvwar pou zot fer zot travay sirtou an sa ki

konsern Lasante Piblik dan bann distrik?

Parske mon santi dan Bel Ombre, i annan plizer vizit ki'n ganny fer par sanniter, napa *follow-up*, napa nanryen ki i arive. E dimoun i kontinyen konplent. Eski zot ankor annan sa pouvwar? Mersi Mr Chair.

MR SPEAKER

Mersi. Minis ou a diriz ou *panel please*.

MINISTER PEGGY VIDOT

Mersi Mr Chair. Mersi Onorab. Mon ava demann Komisyoner pou reponn sa kestyon silvouple.

MR SPEAKER

Yes. Dr Gedeon.

<u>PUBLIC COMMISSIONER</u>	<u>HEALTH JUDE GEDEON</u>
---------------------------------------	--

Mersi Speaker. Mersi Minis. Bonzour tou dimoun. Onorab pouvwar sanniter i ankre anba *Public Health Act* e *Public Health Authority Act*.

I annan dan zot morso Lalwa anba ki zot travay, parey *Food Control Act*. I annan *Pesticide Act* e lezot regilasyon ankor. Sanniter i annan en kantite travay ki in fer. I annan an se moman nou annan nou 62 sanniter.

E byento nou pou ganny ankor 13 ki pe *graduate* sa lannen. Zot louvraz par ler i ganny fer difisil. Par lefe ki bann *case* i tarde pou pase Ankour.

Zot fer bann rapor, zot fer bann *case* e zot anvoy kot Prokirer Zeneral pou pourswiv. Be par ler sa bann *case* i tarde. *By the time* i pase, sa nwizans in fini ganny rektifye.

So enn bann *challenge* ki zot fer fas avek. I vre ki denozour i annan en kantite problem latitud dimoun, dimoun i vin pli mesan ki lontan. Lontan dimoun ti pli pezib.

Me konmela i pa fasil. Zot dil avek en kantite bann *threat* ki nou pa tolere. E i pa fer zot louvraz fasil. Me selman pouvwar anba Lalwa i ankor la. Mersi.

MR SPEAKER

Mersi Dr Gedeon. Onorab Esparon.

HON REGINA ESPARON

Mersi Mr Speaker, Mr Chairman. Bonzour Minis avek ou delegasyon. Mr Chairman mon ti ava anvi demann, Minis i klarifye pou nou, an sa ki konsern laboratwar, i annan a en pe konplent konmkwa zot *overwhelm*, zot en pe anba

presyon, parski i annan mankman lekipman neseser pou zot fer zot louvraz.

E mon vvar i annan en 4 milyon la pou lekipman pou laboratwar dan Bidze, anba detay la.

Eski sa 4 milyon ki zot in ganny *allocate*, i pou ase pou zot kapab zwenn sa bezwen ki laboratwar i bezwen pou zot kapab *upgrade* bann lekipman ki zot bezwen ek bann lekipman ki zot pe fer tes?

E dezyenmman, letan mon regard anba *building and infrastructure*, mon pe regard lo kote, i annan en alokasyon ki zot ti gannyen lannen pase pou *Yellow Roof*.

Me nou konnen poudir i annan sa demann pou met en *lift* kot *Yellow Roof*, pou deservi *Eye Clinic*. Be sa lannen letan mon pe regarde, ou napa okenn alokasyon anba *infrastructure* pou *Yellow Roof*.

Vi ki *Eye Clinic* i baze *Yellow Roof*. Eski sa lift kot *Eye Clinic* pou ganny mete sa lannen, eski i dan Bidze? Mersi.

MR SPEAKER

Minis.

MINISTER PEGGY VIDOT

Mersi Mr Chair. Mr Chair mon ava demann Komisyoner

pou reponn kestyon lo lekipman pou laboratwar.

Me pou kestyon *Yellow Roof*, sa i pou tonm anba *Health Care Agency* ki ava kapab dir ou ki mannyer Bidze i ete pou nou met sa *lift Yellow Roof*. Selman zis i pou ganny mete sa lannen. Mersi.

MR SPEAKER

Mersi. Wi Dr Gedeon.

PUBLIC COMMISSIONER	HEALTH JUDE GEDEON
--------------------------------	-----------------------------------

Mersi Mr Speaker, mersi Onorab. *In fact* i vre ki kantite louvraz ki laboratwar i annan pou fer i bokou. Me selman letan, an se ki konsern lekipman, zot lekipman i sifizan.

In fact i annan lekipman, mon pe koz *Public Health Lab* la. I annan lekipman ki nou pa ankor menm kapab enstale, akoz limitasyon lespas. Sa ki pli irzan an se moman pou *Public Health Lab* se plis lespas.

Pou ganny plis landrwa pou met sa bann lekipman ki deza la. E pou kree en lanvironnman pli confortab pou bann travayer. Me selman vre i annan presyon lo bann travayer laboratwar. Mersi.

MR SPEAKER

Mersi. Onorab Woodcock.
Micro silvouple. *Panel.*

HON WAVEL WOODCOCK

Mersi Mr Speaker, bonzour Dr Gedeon. Mon kestyon i baze lo bann proze kapital anba *PSIP*. Annefe i konsern Lopital Baie Sainte Anne Praslin.

Mon'n apresye vizit ki Minis ti fer e mon'n war poudir sa ki ou'n promet, mon war i enkli dan Bidze. Annefe i annan en sonm R3.5milyon pou travay lo sa *oxygen plan clinical lab, laundry ek hyperbaric chamber*.

Mon kestyon, si petet zot kapab donn en pti pe detay, sirtou lo sa zafer *hyperbaric chamber*. Akoz mon konpran poudir zot ti bezwen bann *expert deor* pou vin *sort out* sa. Or zis zot bezwen en langar pou met sa *chamber* anba la?

Apre i annan en lot alokasyon. Zis mon pou bezwen en pti leklersisman lo la. Kot i konsern sa, anba *PSIP*, apre i annan sa *chamber*. *Sorry, and dental surgery, R1.35milyon.*

Zis pou presizyon, si ou kapab konfirm avek nou, si sa i sa *annex*, i sa *building* par deryer sa klinik ki nou ti vizite, kot mon krwar avan ti lakaz kot dokter ti reste lontan. Si sa i sa

proze ki zot pe al fer, zot pe al fer. Mersi bokou.

MR SPEAKER

Mersi. Minis.

MINISTER PEGGY VIDOT

Mersi Mr Chair. Mersi Onorab pou ou kestyon. Lo kestyon *hyperbaric chamber* anba *PSIP*, nou ava demann Lotorite Swen Lasante, an vi sa i en servis Lasante, i ava koz lo la letan i vini.

Me pou *annex* osi pou Grand Anse i *part of* sa kestyon ki pou al dan swen Lasante. Me pou dir ou, wi, *annex* i sa landrwa, i sa lakaz deryer klinik Grand Anse ki nou pe koz lo la.

MR SPEAKER

Mersi. Onorab Mondon.

HON TERENCE MONDON

Mersi Mr Speaker. Bonzour Minis avek ou delegasyon. Mon kestyon, mon vwar ki anba *office expenses* la, avan zot ti annan en provizyon 250 mil pou elektrisite, 150 mil pou delo.

Me selman mon war in redwir konsiderableman, pou vin 8mil pou elektrisite. Akoz sa gran rediksyon? E dezyenmman, Minis in mansyonn bann nouvo *post* ki

pou sa, zot pe prevwar pou lannen prosen.

Si zot kapab dir nou konbyen nouvo *post* vreman *Public Health* pou gannyen lannen prosenn? Mersi.

MR SPEAKER

Mersi. Minis.

MINISTER PEGGY VIDOT

Mersi Onorab pou kestyon. Lo kestyon *utilities* akoz in ganny tire. Se akoz nou napa en, *Public Health Authority* en kantite son bann *staff* i asiz dan *Blue Roof* e anler dan *Red Roof*. E i annan en *sel meter*.

E sa pri sa *utilities* i al tou lo *Health Care Agency* kot zot *headquarters* i la. E an term *number of post* mon ava demann Komisyoner silvouple, i kapab donn nou.

MR SPEAKER

Mersi. Dr Gedeon.

PUBLIC HEALTH COMMISSIONER JUDE GEDEON

Mersi Speaker, mersi Minis, mersi Onorab. Lannen prosenn nou pe ganny 13 *post* pou bann nouvo *Public Health* qualified. Pou annan 3 *post lab technician* e 1 *post technologist*. Mersi.

MR SPEAKER

Mersi. Onorab Aglae.

HON EGBERT AGLAE

Mersi Mr Speaker. Bonzour Dr Gedeon. Doctor ou'n tous en pti gin kot i konsern *Public Health Laboratory*.

Anvi ki ou annan sa konstrent lespas e ki ou annan lekipman, e baze lo ou rekomandasyon *WHO* li menm li, fas a sa sityasyon *COVID*, kot i annan en lirzans pou *upgrade* nou sistenm laboratwar.

Premyerman mon ti a kontan petet demande ki Minister pe mazin fer, an vi ki i annan bann lezot servis ki laboratwar i bezwen donneen pou pa enpakte lo sa bann servis li menm?

Dezyenm, kot i konsern *staffing*, an vi ki ou'n nonmen poudir ou annan ankor, mon krwar 13 *staff adisyonnel* kot i konsern sanniter ki riske vin an servis tre byento.

Sa eleman *staff doctor*, petet ki zot pe mazin fer pou kapab *boost* en pe? Anvi ki i annan bann *staff osi* ki pe sorti dan Minister pe al dan prive, kot i konsern bann *Health and Safety officer*.

So ki mannyer zot pe mazinen pou sey adapte, e ogmant osi efikasite pou zot

kapab delivre sa servis ki *Public Health* i bezwen donnen?
Mersi.

MR SPEAKER

Mersi Onorab. Minis ou pou reponn oubyen Dr Gedeon? Dr Gedeon.

<u>PUBLIC COMMISSIONER</u>	<u>HEALTH JUDE GEDEON</u>
---------------------------------------	--

Mersi Mr Speaker. Mersi Onorab pou ou kestyon. Wi nou pe ganny sa bann novo staff. Me i osi vre ki nou annan serten staff ki'n *move on* dan *Public Health*. Zot in al zwenn sekter prive.

Ki i normal, nou ekspekte, akoz zot pe deservi lasante piblik finalman. Ki laplipar ki'n sorti kot *Public Health* zot in al zwenn en domenn lasante menm an deor.

So ki nou pe fer, nou pe, Dr Valentin in mansyonnen bomaten, nou annan an se moman environ i annan 16 staff ki pe ganny *train* pou *BSC level*, Liniversite Sesel. E zot pe fini lannen prosenn.

E sa li menm li i pou donn zot plis bagaz pou desarz responsabilite pli byen. Nou osi pe revwar lafason ki nou servi, deservi piblik, pou nou vin pli *efficient*.

Konmela tou keksoz i pli vit, so nou pe rod fason pou *digitalize* tou bann prosesis ki nou fer. Par egzanp bann *field visit* kot zot a bezwen al ek, olye *notepad*, anmenn zot *tablet*, zot kapab fer keksoz antre pli vitman.

E dimoun i ganny son *response* e servis pli vit. So nou pe revwar tousala. As regards to *Operational Health*, *Operational Health and Safety* i tonm anba, *Operational and Safety Decree*, nou anba Lanplwa.

Me dan lannen ki pe vini nou pe mazin *beef up* nou *Operational Health Unit*. E rod fason pou travay pli pros avek Lanplwa pou *Operational Health and Safety* dan bann landrwa travay. Mersi.

MR SPEAKER

Mersi dokter. Onorab Michel Roucou.

HON MICHEL ROUCOU

Bonzour Minis.

MR SPEAKER

Eskiz mwan. Les mon a, Onorab Aglae ou ti bezwen en klarifikasyon? Fer li vitman silvouple.

HON EGBERT AGLAE

Wi. Doctor i annan sa bout laboratwar ki ou pa'n reponn. Me selman mon ti annan en *follow-up* swivan kot i konsern sa bann *Health and Safety officers*.

Petet, eski i annan en dyalog pou revwar sa bann *package*? Akoz rive pe donn en *package* en pti pe pli *attractive*, se sa ki i annan serten pe *move on*.

Eski zot pe mazin vvar en pti gin sa bann *package* pou sa bann *staff*?

MR SPEAKER

Mersi Onorab. Dr Gedeon. Oubyen Minis.

MINISTER PEGGY VIDOT

Mersi Onorab pou sa kestyon. Mon panse ki parey nou tou nou konnen, dan sa dernyen 2 lannen la, in annan en *freeze* si ou oule, nou pa'n kapab fer bokou pou revwar okenn *Scheme*.

Me Minis dan son *speech* pou Finans, in dir poudir pou annan en revi kondisyon travay ek *package public servant*. So mon ekspekte ki sa pou tonm ladan.

MR SPEAKER

Thank you. Onorab Michel Roucou ou annan ou kestyon lo la?

HON MICHEL ROUCOU

Mersi Mr Chair. Bonzour Minis. Bonzour panel. Bonzour tou zabitan Mont Fleuri. Minis mon'n war anba zot *challenge*, zot in dir poudir se ki i annan bann kou ki zot pa ti'n prewar pou 2021.

Mon pe mazinen, eski sa zot pe enkli bann *allowance COVID*, ki pou tou bann *staff* Minister Lasante? E osi mon war poudir i annan 3.3milyon pou laboratwar. Mersi.

MR SPEAKER

Mersi. Minis. Dr Gedeon.

MINISTER PEGGY VIDOT

Mersi Onorab. Onorab parey mon dir, i pou annan en revi tou bann keksoz, tou bann kondisyon travay dan Sekter Piblik. E an term *risk allowance* sa i deza pe ganny enkli dan diferan *package* bann travayer Lasante.

Me si nou pou bezwen, anvi nou bezwen reviz sa, ler *review* i ganny fer, sa osi ava ganny enkli ladan. Lo sa kestyon 3milyon, *sorry* mon pa'n tro konpran ki ou ti pe demande?

HON MICHEL ROUCOU

Mon war poudir i annan en 3.3milyon pou laboratwar, si

ou kapab koz en pti pe lo la silvouple.

MR SPEAKER

Dr Gedeon, wi.

PUBLIC COMMISSIONER	HEALTH JUDE GEDEON
--------------------------------	-----------------------------------

Mersi. Parey zot konnen, *Public Health Authority* i oversee *Public Health Lab*. E zot fer kantite tes. Epi sa bann tes i pou bann louvraz prevansyon, teste delo, teste manze, ensidswit.

E byensir teste bann maladi ki transmisib parey bann tes pou *TB*, *COVID*, ensidswit. So sa bann larzan i pou ede pou aste *reagents* e i pou servi sa bann lekipman.

Akoz bann lekipman i teknik. Sa lannen ki'n fek pase, nou'n vwar poudir nou'n fer en kantite depans anba *COVID*, *reagent* ki nou'n bezwen aste pou *COVID* in bokou pli o.

E nou pe prezimen lannen prosenn osi i pou parey, nou pa vwar *COVID* ale desito. So nou bezwen sa bann resours adisyonnell pou laboratwar, mersi.

MR SPEAKER

Mersi Onorab. Onorab Zialor.

HON NADDY ZIALOR

Mersi Mr Chair. Bonzour Minis ek ou lekip. Anliny avek kestyon ki Onorab Arissol in demande konsernan bann sanniter, enn bann defi ki sanniter i annan, sirtou bann ki pe fer *field work*, se transportasyon.

Eski i annan okenn provizyon dan Bidze pou ede mitigate sa sityasyon, pou ki vreman i annan sa service delivery ki bann, dan kominote nou pe ekspekte? Mersi Minis.

MR SPEAKER

Mersi. Yes Commissioner.

PUBLIC COMMISSIONER	HEALTH JUDE GEDEON
--------------------------------	-----------------------------------

Mersi Mr Speaker. Mersi Onorab. Wi transportasyon i enn bann issues. *Public Health Authority* i annan an se moman 9 transpor ki marse, i annan 2 i dan garaz la.

E anvi sa bann kontrent, nou'n fer demars pou nou kapab procure ankor 2 transpor. E i pou arive an zanvye, nou panse. I annan 2 nouvo transpor ki pe, ki'n fini ganny peye, ki pou arive an Zanvye pou *Public Health Authority*. Mersi.

MR SPEAKER

Mersi Dokter. Onorab Pillay.

HON SEBASTIEN PILLAY

Mersi Mr Chairman. Premyerman mon oule zis komanse par dir mersi tou bann staff *Public Health Authority* ki pe travay depi ler sa pandemik in komanse, pou zot zefor e zot devouman pou fer sir ki popilasyon nou ganny proteze e sey dil avek sa sityasyon ki devan nou.

Me dan sa lespri Mr Chairman, mon oule demann Minister Finans avek Dr Gedeon, pou klarifye. Anba *governance i annan management and administration*.

Mon vvar en logmantasyon R500 mil anba *allowances excluding PSC*. Eski sa i an relasyon avek bann *allowance* ki *extra* pou *COVID*? In sorti 302mil pou vin 262mil.

E mon osi vvar anba *other allowances* en *small increment of* aepre R100mil. En pti pe an plis, eski sa osi i pe annan relasyon ek sa bann *allowance*?

Set akoz in annan serten konplent par serten personnel ki travay avek Minister Lasante *regarding* bann *allowances* pou *COVID*. Me selman Mr Chairman, mon bezwen dir ki mon konsernen par lefe ki ler mon pe regard bann *increments*

vizavi lannen pase, e la ki nou'n fek tande ki i annan en nouvo varyan *COVID* ki'n ganny entrodwir, mon ti ava kontan Minister Finans i eksplik nou enn de keksoz.

Par egzanp, ler nou vin lo *Public Health Enforcement*, e la nou pe koz *Public Health Protection*. Savedir bann dimoun ki bezwen fer *enforcement*.

Nou vvar anba *other allowances* i annan en rediksyon aepre R3milyon. Eski sa rediksyon i vedir ki sa larzan pa neseser pou 2022. Oubyen eski zot pe pey li anba en lot landrwa?

Mon konnen zot in servi *Contingency Fund* sa lannen, pou kouver serten sa bann depans. Sa i vedir ki menm sa revised 2021 i pa reprezent depans total ki zot in fer vizavi bann *allowances*.

So si sa *revised 2021* i pa reprezent sa, e zot in depans plis, akoz alor ki sa Bidze pou 2022 i pli ba ki pou 2021? Mon lot kestyion ki mon ti a kontan klarifye Mr Chairman, i an relasyon avek *laboratory supplies*, ok?

I annan en logmantasyon sorti 2.8milyon, pou vin 3.32 milyon, ok? Ankor enn fwa, problem i se ki nou konnen *laboratory supplies* in osi ganny

aste anba *COVID Fund*. E *Contingency* in osi ganny servi pou aste.

Savedir ou *end of year* 2021 i pa kapab 2.804, i plis 2.804. E mon prezimen i plis ki menm 3.3 milyon. So akoz alors se tou larzan ki nou pe *allocate* anba *laboratory supplies*, kan nou konnen nou pe al fer fas avek en novo varyan *COVID*. Or petet ler Bidze ti pe ganny prepare sa pa ti la. Me mon prezimen ti bezwen annan en *thinking* ki *Public Health Authority* pou bezwen larzan davantaz.

Akoz in annan konplent ki bann *reagents* in fini, oubyen ti napa ase *reagents* pou fer bann tes. I pa lafot personn, me in en realite. So nou bezwen *avoid* sa realite ariv ankor.

E, an relasyon avek sa Mr Chairman, par egzanp, ler nou vin anba *disease control* ankor. Nou vwar poudir *other allowances* ki mon ti a kontan konnen *what is other allowances i entail*, ti 2.3milyon en *revised 2021*.

La nou vwar li in ariv 1.7 milyon. Ki fer ki in desann par apepre R600mil. Me mon krwar kestyon pertinan ki'n ganny demande avan, e ki mon santi Minis ou'n sey reponn li dan ou fason.

Me selman petet Minister Finans i devret kapab donn nou en pe plis detay lo sa bann *figures*.

En rediksyon R600mil, akoz i annan sa rediksyon R600 mil vizavi lefe ki sa *head* ki la se *disease control*, se bann dimoun ki pe fer *disease control*.

E mon prezimen i lo *frontline* avek *COVID*, zot a koriz mwan si mon mal. E mon dernyen kestyon Mr Chairman, se anba *minor capitals and acquisition of medical equipment*.

Mon konpran dokter in dir nou poudir nou annan lekipman ki napa lespas. So, pou ki rezon alors ki anba *minor capital*, nou pa'n ganny, Minister, *Public Health* pa'n ganny en larzan, pou kapab swa ogmant lespas pou zot kapab met sa bann novo lekipman ki ava ed zot donn zot en pe plis lefikasite.

Akoz ler nou konpar *return* ki bann *private laboratories* pe fer atraver sa bann tes ki zot pe fer, i ti en larzan ki ti'n fasilman kapab vin kot Minister Lasante.

Me mon konpran dokter, priyorite *Public Health Authority* se asir proteksyon nasyonal bann dimoun e bann lezot

servis ki kapab ganny fer par bann lezot akter.

Me ler ou kalkil en PCR test ozordi, pres R2 mil, e tou sa touris ki pe ale vini dan pei, bann *private laboratory* ti pe fer en bon pe larzan avek sa.

So mon prezimen serten sa larzan i bezwen retourne dan lekonomi pou kapab ed *Public Health Authority improve* son bann facilite. Mersi Mr Chairman.

MR SPEAKER

Mersi Onorab. Minis ou a diriz nou delegasyon, lekel ki pran bann diferan pwen.

MINISTER PEGGY VIDOT

Mersi Chair. Wi nou ava demann SS pou koz en pe plis lo bann larzan bann alokasyon kantite, rediksyon avek ogmantasyon. Mon ava reponn sa kestyon lo *minor capital*. Akoz nou pa'n fer provizyon pou nou *extend laboratwar*.

Set akoz an se moman nou annan en landrwa kot nou kapab reorganiz nou laboratwar piblik dan Lasante. Ki nou kapab move en pe keksoz laba.

Me ler nou pou fer sa otomatikman nou pe kas en pti pe kantite dimoun ki ou annan pou travay diferan landrwa. Me keksoz ki ankor pe diskite, nou ankor pe vwar ki mannyer nou

pou fer li. E nou ti panse poudir *at the moment* en lot fasilite, kekfwa ki pa pou pare toudswit, i pa neseserman sa enn ki nou pou merit regard ladan.

Me nou ava servi fasilite ki nou annan deza kot nou kapab bouze. E an term *disease control* mon ava demann Dr Komisyoner pou koz lo la. Me zis pou dir ki pa tou dimoun *disease control* ki lo *frontline* avek COVID.

Nou bezwen ankor kantite dimoun deryer ki pe fer diferan lezot travay. Me Dr Gedeon i ava koz lo la sa.

MR SPEAKER

Mersi. SS ou a komanse silvouple.

SS PATRICK PAYET

Mersi Mr Chair. Mersi Onorab. Mr Chair premye kestyon lo kote sa *increase anba governance and management* administrasyon, parey Minis in adrese dan son adreses Bidze 2022, tou bann *Accounts staff* Bidze pe ganny transfer dan zot *respective MDAs*.

So alor anba *governance management and ladministrasyon*, sa i konsern bann *staff Accounts* ki pe ganny transfer. E ou pou vwar sa *increase* i dan *allowances*

excluding PSE, apre i annan other allowances osi.

Sa ki konsern dezyenm eleman, lo kote *other allowances* anba *Public Health Enforcement*, apre *Disease Control*, i se spesifikman akoz sa *risk allowance* ki'n arete dan dernyen kar sa lannen.

E son lenpak lannen prosenn, sanmenm sa ki in ganny redwir. Lo kote bann lezot eleman, *laboratory supply* ouswa *medicine* si zot bezwen, ki relevan avek pandemik *COVID-19*, sanmenm sa ki nou'n met sa provizyon dan *Contingency*, spesifikman mazorite i pou Minister Lasante si zot pou bezwen. So nou pa'n met sa larzan adisyonnal dan zot Bidze.

Akoz i pa pou vin en *recurrent*, nou ekspekte *over medium term*. Me selman *contingency* pou servis si zot bezwen bann resours adisyonnal. Mersi.

MR SPEAKER

Mersi. Dr Gedeon i reste en pwen pou adrese.

<u>PUBLIC COMMISSIONER</u>	<u>HEALTH JUDE GEDEON</u>
---------------------------------------	--

Non, Mr Speaker, mon krwar in fini.

MR SPEAKER

In fini ganny soz.

<u>PUBLIC COMMISSIONER</u>	<u>HEALTH JUDE</u>
<u>GEDEON</u>	

Mersi.

MR SPEAKER

Onorab Pillay nou pe *run overtime*. So annou pas vitman lo klarifikasiyon *please*.

HON SEBASTIEN PILLAY

Mon kestyon i vreman, i vreman spesifik Mr Chairman. Mr Chairman mwan mon ti a kontan ki SS i konfirm avek nou.

Ki malgre lefe ki bann *staff Public Health* in *involve* avek sa sityasyon e nou'n vvar depans ki nou'n fer pou *Public Health* lannen pase ogmante, nou still fer desann depans *Public Health* lannen prosenn, vizavi **commuted allowances**, well regarding *risk allowance*.

E antisipe ki i pou al anba *Contingency*. Kan sa larzan ti'n still kapab repete. Mon vreman pa pe ganny en konpran akoz nou pou limit nou lekor dan sa konteks. E la nou fek ganny en nouvo varyan *COVID*.

Eski *risk* in sorti prezan oubyen *risk* pou retournen? Mersi Mr Chairman.

MR SPEAKER

Mersi. SS ou pou kapab azout keksoz oubyen ou'n fini?

SS PATRICK PAYET

Non. Mr Chair zis pou azoute, *risk allowance* parey in ganny mete, nou pa'n tir li anba Bidze pou met li anba *Contingency*. Me i nepli aplikab. Mersi.

MR SPEAKER

Tre byen. Onorab Sophola.

HON NOLINE SOPHOLA

Bonzour Mr Chair. Mr Chair mon kestyon in ganny adrese. Mersi.

MR SPEAKER

Mersi bokou. Onorab pou sov nou sa pti gin letan. wi Onorab Vidot, eskize mon'n mank ou. I vre, ou non i la, yes. Poz ou kestyon.

HON AUDREY VIDOT

Mersi Mr Chair. Mr Chair mon ti oule ranforsi lo en pwen ki in sorti pli boner par Onorab Arissol dan son kestyon avek Komisyoner *Public Health*.

Mon tre konsernen avek sa size ki *Attorney General's Office* petet i tarde oubyen rezon petet *overload* avek bann case ki pa pe adres bann size *Public Health*.

E espesyalman ek sa letan *COVID* la, zot annan Bidze pou zot travay pou ranforsi en pti pe lo kote lizyenn e proteksyon lasante nou pep. Prenon kont ki mon konsern i vin lo kote manze, wi nou bann dimoun pe seye leve debourye dan sa moman difisil.

Me konsern i vini la, se ki parey dan mon distrik, bokou mon zabitan i konsernen, i annan - *Public Health* i kapab zwe en gran rol ladan.

Atraver ranforsi ki bann Lazans i seryezman zwenn ansanm, vvar ki mannyer zot kapab rod en landrwa, fasilit bann dimoun ki pe vann prodwir manze, parey dan bann bazar o bor semen.

E dimoun i ankonbre o bor kanmarad e napa *social distancing*. E nou konnen poudir nou pe koz lo manze, i annan menm dimoun apard ki fri ek legim, pe vann lavyann, lavyann fre o bor semen. E i annan konsern.

So i enportan ki Lazans i amplifye en pti pe zot bann regilasyon ki zot annan sa manda. Pou zot kapab ranforsi, me byensir annan en dyalog avek bann Lazans konsernen.

Pou ki sa bann dimoun i osi i kapab debourye, me i fer li dan en fason pli izyenik e pli *safe* pou popilasyon. E osi

ankor, parey konsern i ganny leve lo nivo kominoter.

Si i pe tarde pou lo kote *Attorney General* pou li kapab adres bann *case* pou anmenn Ankour, kwa ankor ki petet zot Lalwa la, si zot, ki zot revwar avek sa Bidze, pou vwar ki mannyer zot kapab revwar lafason zot kapab aksyon.

Pou dimoun annan plis disiplin an term lizyenn kot zot lakour. Pou ki bann lezot ki li i pe kit son landrwa prop annord li, me selman son lasante pe ganny afekte akoz neglizans en lot ki pa pe pran son responsabilite? Mersi.

MR SPEAKER

Mersi Onorab. Minis lekel ki pou adrese. Wi Dr Gedeon.

<u>PUBLIC COMMISSIONER</u>	<u>HEALTH JUDE GEDEON</u>
---------------------------------------	--

Mersi Mr Chairman. Mersi Onorab pou ou bann konsern ek kestyion. Nou totalman dakor avek ou, ki i en *challenge* letan ou get lafason ki dimoun i *display*, oubyen pe vann zot bann prodwir dan en fason ki pa vreman *safe*.

Me fodre dir ki en kantite travay in ganny fer attraver *Mobile Food Vending Committee* ki ti egziste ,avek *Food Control*

Board, ansam ek bann sanniter dan distrik partou.

Pou *improve* lafason ki dimoun i servi oubyen i *market* bann prodwi manze. Nou'n annan *guidelines* ki aplik pou tou kalite servis, ki swa *mobile food vending*, ki swa ou pe vann ou bann prodwir o bor semen.

E par ler dimoun pe respekte sa *guideline*, parey zot devret. E *as regards to* sa bann *case* ki al kot *AG's Office*, nou'n travay tre pros ek bann *staff*, zot montre nou bann zofisyé ki mannyer pou pli byen prepar dokiman, prepar bann *docket*.

En mannyer ki letan *case* i al kot *AG's Office* i preske pare pou prezant Ankour. So lo sa en bon pe travay in ganny fer. E nou panse ki dan lannen ki pe vini, keksoz a mars en pe pli vit.

Me selman fodre zot fer konpran osi ki *AG's Office* i en landrwa ki tre okipe, zot osi zot annan en *issue* mannev mon mazinen, kantite tes ki pe pas devan zot. E par ler osi nou ganny retar Lakour.

Case ti ganny avoye detrwa fwa, e *by the time* i pase sa problem i nepli egziste. So sa i bann *challenge* ki nou pe kontinyen fer fas.

E nou annan nouvo propozisyon pou nou entrodwi *spot fine* dan nou Lalwa. E nou

pe regard seryezman pou devlop regilasyon pou nou kapab bann sanniter i *issue spot fines* dan lefitir. Mersi.

MR SPEAKER

Mersi Dr Gedeon. E prezan nou kapab pas lo vot pou *Public Health Authority* ki lo paz 392 ziskan 397 pou total R66milyon 426mil. Manm ki an faver lev lanmen silvouple?

Mersi, tou Manm in vote. Vot pou Bidze pou *Public Health Authority* lo paz 392 ziskan 397 pou total R66milyon 426mil, 30 Manm in vot pour, 0 kont e 0 abstansyon. Alors sa Bidze in aprouve par Lasanble.

La mon a remersye Dr Gedeon e lezot *staff Public Health Authority* pou zot partisipasyon. E mon swet zot bon kouraz e bonn kontinyasyon. Nou a pran en pause la e nou a repran travay 11.10. Mersi

(BREAK)

HEALTH CARE AGENCY

MR SPEAKER

Madanm Clerk mon war plizyer Manm i absan, nou annan *quorum*? Mersi. Bon mon annan plezir dir labyenveni nouveau delegasyon

Health Care Agency ki'n zwenn Minis pou Lasante. Nou annan Dr Danny Louange, *Chief Executive Officer* pou sa *Agency* e Mr Michel Brutus *Financial Controller*.

Bidze pou *Health Care Agency* i lo paz 382 ziskan 402 pou en total R1bilyon 133milyon 839mil. Minis lentrodiksyon *please*.

MINISTER PEGGY VIDOT

Mersi Mr Chairman. Mr Chairman pou lannen 2022, Minis Finans pe propoz en sonm R1.134bilyon sorti dan Fon Piblik pou Lazans Swen Lasante.

Sa i reprezent en diminisyon apepre aprosan R5.5milyon konpare ek larzan ki ti akorde an 2021. Dan sa sonm ki Leta pe propoz nou, Lazans Swen Lasante pou servi 751milyon pou bezwen lopital ek swen spesyalize.

210milyon pou al pou Swen Kominoter ki enkli bann programm prevansyon. 118 milyon pou servi pou bann servis ki siport bann programm swen. E 56milyon pou ladministrasyon ek gouvernans.

Lo kote bann oryantasyon prensipal, Lazans Swen Lasante pou met plis lanfaz lo prevansyon e lo amelyorasyon

tou laspe servis, pou li ariv lo en bokou pli o nivo.

Lazans pou reste touzour *focalize* lo sa obzektif, an mezir ki i konsolid son bann striktir e prosedir gouvernans l'administrasyon ek servis profesyonnel.

Malgre ki lentansyon iltim se pou ekilibre sa proporsyon larzan ki Lazans Swen Lasante i met dan Lasante Kominoter ek Prevansyon konpare ek sa ki met dan Lopital, sa pa pe ariv avek men vites ki Lazans ti ava an dezir.

Swen spesyalize i kout ser. Me i lentansyon lazans pou fer li, e mon panse avek bokou progre nou ava kapab arive fer li. Mr Speaker mon rekonnet ki Lazans Swen Lasante i l'organizasyon Gouvernman ki devor kekfwa pli gran bout larzan *tax payers*.

Nou konsyan sa e ki regar i lo nou. E nou konsyan ki nou bezwen kontinyelman met zefor ekstra, pou nou pli byen servi sa larzan ki nou gannyen e donn piblik en meyer servis lasante ler i bezwen sa servis.

Mon fer li mon langazman personnel, pou tou seksyon dan Minister Lasante fer pli byen avek resours ki nou gannyen.

Sepandan, malgre ki bokou parmi nou, nou regard sa kantite milyon roupi ki pei i

donn Lazans Swen Lasante koman en vreman en gro depans, nou merit pe regard li plito koman en gro lenvestisman, ki anfen ki son kou i pou pey fre.

Retablisman lasante sakenn nou bann ser ek frer ki malad, i en tre bon koz ki nou pei i devret kontinyelman siporte san aryer panse.

Mon sir ki nou tou nou, e nou tre ere, e nou tre fyer ki Gouvernman i deklare aotwwa, ki Lasante pou reste koman enn son bann priyore prensipal.

An realite ler nou fer serten analiz konparatif, Sesel i ankor pe depans zis aepre sa 5 poursan son prodwir nasyonal brit dan Lasante. Bann pei devlope e bann pei larezyon, zot depans dan laliny i bokou pli o ki pou Sesel.

Mr Speaker, si nou anvi amelyor Servis Lasante ankor plis, nou bezwen sirtou *train* e rekrit meyer profesyonnel Lasante lo tou nivo e dan tou domenn.

Menm bann profesyonnel Lasante ki pe travay tre dir ozordi i rekonnet sa. Meyer profesyonnel Lasante pou kout ankor bokou plis larzan, akoz kalite i toultan kout en pe pli ser.

Nou pou bezwen pare pou nou peye pou nou ganny sa

kalite ki nou anvi. Avek sa 2 mo Mr Speaker, mon demann Lasanble pou siport nou Bidze pou Lazans Swen Lasante, e pou siport tou sa ki nou pe fer pou esey elev nivo tou servis ki Swen Lasante i pe ofer. Mersi.

MR SPEAKER

Mersi Minis. Mon annan en bon grander lalis Manm ki'n lev lanmen, e plis ankor. Mon pran, mon a not touzour, apre nou a regarde.

Annou sey fer li al vit silvouple pou nou ganny tou dimoun en sans donn zot kestyon. Nou a komans avek Onorab Gill.

HON CHURCHILL GILL

Mersi Mr Chair. Bonzour Minis ek ou delegasyon. Mon premye kestyon;- i annan en provizyon 1.5 pou renovasyon, son *narrative* zis i - son *description* zis i met 'renovation Baie Sainte Anne Hospital.'

Si nou kapab ganny en lide kwa ki *entail* dan sa renovasyon. Apre i annan en provizyon 3.5milyon pou detrwa kalite, pou provizyon pou serten travay, *oxygen plant, clinical lab, laundry*.

Eski sa i pou ase pou konplet sa legzersis ki zot oule fer lo tou sa bann landrwa ki'n ganny mansyonnen la? Mon

trwazyem kestyon se Baie Sainte Anne toulstan in en *challenge* pou *maintain STP* apre zenerater.

Eski dan sa Bidze i annan provizyon pou sa servis ou a ganny *outsource*, oubyen ganny en dimoun permanan pou kapab *maintain* sa *STP* avek zenerater? Mon dernyen kestyon.

MR SPEAKER

Onorab mon krwar 3 pwen i devret ase.

HON CHURCHILL GILL

Non, mon pa'n demann kestyon ditou lo 2 antite depi bomaten Mr Chair.

MR SPEAKER

Ok.

HON CHURCHILL GILL

Mon katriyem kestyon se *allowance*. Nou kunnen *allowance* ti bezwen ganny peye. Me selman i annan en ogmantasyon tre sibstansyel anba programm *P2*, sorti 6 milyon pou vin 39 milyon.

Anba *P3, P3* li i sorti 2 milyon pou vin 23 milyon. *P4* li i sorti 395 pou vin 15milyon. Si nou ti kapab ganny en nide pou lekel sa bann *allowance*, akoz i vreman sibstansyel. Mersi.

MR SPEAKER

Mersi Onorab Gill. Minis.

MINISTER PEGGY VIDOT

Mersi Mr Chair. Mon ava demann *CEO* pou adres renovasyon 3.5 pou konplet apre provizyon pou kontra pou *STP* avek zenerater. Apre i ava vwar *allowance* si nou bezwen azoute nou ava demann lot lasistans.

MR SPEAKER

CEO please.

**CEO HEALTH CARE AGENCY
DANNY LOUANGE**

Mersi Mr Speaker, Mr Chair. Mon pou komanse. Mon *greet* tou dimoun bonzour e tou dimoun ki a lekout, tou dimoun ki dan lasal, tou bann Onorab bonzour e tou dimoun a lekout bonzour.

Mersi Mr Chair e Mr Onorab pou ou kestyon. Wi nou'n met dan nou *PSIP budget*, bann *capital budget* 1.35 milyon pou Baie Sainte Anne. E sa i pou sa fasilite ki nou ti'n deza komans travay lo la. I par deryer Baie Sainte Anne *Clinic* ki nou ti vizite ansanm.

E sa i fer pou, provizyon pou nou kapab fer sa plan ki nou ti annan. E pou sa 3.5 milyon, wi parey ou'n dir, i pou sa proze ki nou'n osi diskite en

kantite lo la. I pou *oxygen plan* pou *hyperbaric chamber* ki osi bann lezot renovasyon.

Akoz nou oule tir laboratwar, nou oule met li dan, kot *laundry* i ete. So, e sa bann proze, akoz sirtou Baie Sainte Anne Lopital i en gran proze. I en *journey* plito *rather than* en sel kou nou fer lannen prosen.

E si ou get dan menm dokiman, ou pou vwar pou 2023 nou annan en lot *amount* osi pou nou kontiny sa proze. So nou oule *tackle hyper chamber* avan. Pou nou kapab met li dan en bon *housing*.

E deza i deza annan en demann osi Praslin pou sa *chamber*, nou'n oule adres sa. Lo kote *allowance* Mr Chair, wi i annan bann sanzman, *FC* i ava gid nou *through* sa. I zis bann *reorganization within nou budget*.

Mr Chair mon a, wi, yes. Pou *STP* avek *regenerator*, wi, i pa lo nou *PSIP budget*, i pa lo nou *capital budget*, but nou pe fer sa lokasyon, i pou dan nou *recurrent* pou nou kapab *manage STP* avek *general, generator, backup generator*. Mersi Mr Chair.

MR SPEAKER

Wi. bann pwen lo *allowance* in ganny eklersi? Minis i annan enn ki pa ankor.

MINISTER PEGGY VIDOT

FCi ava reponn Mr Chair.

MR SPEAKER

Silvouple wi.

**FINANCIAL CONTROLLER
MICHEL BRUTUS**

Mersi Mr Chair e Onorab pou ou kestyon. Bonzour tou dimoun prezane a lekout. *With regards to sa konponan allowance ki ou vwar ogmantasyon dan saler, i annan 2 konponan kot laplipar di tan allowance i ganny peye.*

E i annan group *Allowance* ki ganny peye dan tou lede konponan. So letan ou pou gete, i annan *allowance excluding PST contract* apre i annan *other allowance*, i zis en re alayman ant sa de *Code*.

Pou ki i fer i reflekte sa *allowance* spesifik ki ganny groupe anba sak sa bann *Code*. Mersi.

MR SPEAKER

Mersi. bann lezot Manm, mon ti a demann zot pou limit zot pwen kestyon. 2 kestyon silvouple. Onorab Arissol.

HON SANDY ARISSOL

Mersi Mr Chair. Bonzour Minis avek dokter pou zwenn nou. Mon ti a kontan zisteman

Mr Chair, demann Minis anba *Health care Agency*, anba zot latab i annan *P2 hospitalize* and specialized services.

Mon ti a kontan demann Minis, eski letan nou pe koz *specialized*, mon ti a kontan demann ou, bomaten mon'n tann en kantite *training*.

Eski i annan *training* spesifikman pou en *cancer specialist*, pou travay avek bann pasyan kanser? E osi kekfwa pou *train* bann lezot *nursing assistant*, pou ede en pti pe dan sa *field*.

Mon dezyenm kestyon, mon ti a kontan demann ou, eski Bidze ki nou donn avek Minister Lasante anba *Health Care Agency* i annan e Bidze spesifik ki al zis spesyalman pou bann dokter lizye, ki zot dil avek bann loperasyon lizye?

Swa pou zot *training*, swa pou zot kapab ganny lekipman neseser pou sa loperasyon, e osi pou asire ki sa servis i vin lo lot nivo. E lo menm kestyon ki Onorab Regina ti pe demande bomaten an relasyon ek lizye, eski zot pe mazin *reallocate* Klinik Lizye ki anler dan letaz, ki donn en pe difikilte bann dimoun? Mersi Mr Chair.

MR SPEAKER

Mersi Onorab. Wi Minis.

MINISTER PEGGY VIDOT

Mersi Onorab pou sa kestyon. Wi nou pe regard *train spesyalis* dan tou *areas* ki nou kapab, kot i pou annan en, i pou *cost effective* pou nou fer li dan Sesel.

An se moman i annan en dokter ki in *apply* pou li fer sa programm, e ki lasistans i pe ganny donneen en pe avek Minister Lasante, pou ed li pou li kapab fer sa. Nou pe osi regard *training* pou lezot kalite travayer dan Seksyon Oncology, pou nou kapab toulstan amelyor.

E enn nou bann bi prensipal sa lannen, se vreman elev nivo. Alor sa osi i aplikab pou *ophthalmology*, pou lizye, pou fer sir ki nou toulstan annan.

Nou annan *in fact*, parey PS in eksplike bomaten, i pa zis *training* ki nou anvoy dimoun aletranze, i osi *training* kot nou anmenn dimoun pou travay avek nou dimoun isi, e pou ed zot devlop serten skills.

E sa i annan en dimoun ki vini detanzaot, 2 lannen pa'n vini akoz *COVID*. Me komansman lannen prosen i pe dir nou poudir i pou kapab fini. An term *Yellow Roof* ankor, nou pa pe mazin *relocate* li.

Akoz si i pou kout nou bokou pou fer li toudswit. Me

bomaten Onorab ti demann nou lo en *lift* si nou pou annan pou *Yellow Roof*.

Wi nou annan dan nou Bidze, nou annan en *lift* ki'n vini arive Sesel pou mete pou *Yellow Roof*.

E la i annan diskisyon ki pe ganny fer avek *MLUH*, avek lezot dimoun dan Sesel, pou nou regarde ki mannyer nou pou fer li e kan? E i ava en keksoz ki'n *prioritize* pou premye *quarter* lannen prosenn. Mersi.

MR SPEAKER

Mersi Minis. Onorab Mondon.

HON TERENCE MONDON

Mersi Mr Chair. Mon kestyon, mon vwar en provizyon 25milyon 789mil pou en *software*. E mon anvi konnen si i relye avek sa *health information system*, e ki zistans zot in arive avek lenplimantasyon sa sistem?

E dezyenmman, i annan en provizyon 3.5milyon pou lanbilans. Eski nou pe ganny 2 ou, konbyen lanbilans nou pe gannyen avek sa? Mersi.

MR SPEAKER

Mersi Onorab. Minis.

MINISTER PEGGY VIDOT

Mersi Onorab pou sa kestyon. Wi sa larzan i lye avek sa *software* ki nou pe anmennen pou *a health information system*.

An term kote nou'n arive, mon ava demann *CEO* pou eksplik en pti pe plis. E an menm tan pou dir ou sa larzan ki nou'n *allocate* pou lanbilans, mersi.

MR SPEAKER

Mersi. *CEO*.

CEO HEALTH CARE AGENCY DANNY LOUANGE

Mersi Mr Chair, mersi Minis, mersi Onorab pou sa kestyon. Lo kote *software*, wi i pou *health information system* parey Minis in dir nou en staz tre avanse. Akoz nou'n son *software*, nou'n fini *customize software*.

I zis ki nou pe esper sa *implementation*. Nou'n fini *go live* lo kote rezistrasyon avek apwentman dan plizyer nou bann sant - an rezistrasyon dan bann facilite ki nou annan dan Lopital avek dan bann dan kominate.

So ki i pou reste aprezan, bann lezot *modules*. Parey, *next modules* ki nou pe al travay lo la, ki la nou pe esper *procurement* pou bann *computers*, nou pe fer provizyon

ki nou pe aste 100 *computer* pou komans lans sa *next phase*, nou apel li *EMR, the Electronic Medical Record* e sa nou pe anvizaze fer li la Desanm.

E si i annan *issues* pou fer vini *computer* par sa *supplier*, then i pou tonm boner lannen prosenn. *That is Zanvye oubyen Fevriye.*

Anliny avek sa osi, pou sa 53 milyon, nou pe osi, i annan *Funds* pou aste *hardware as well*, bann *hardware*, pa zis *computers*, i pou annan *barcode readers*, *barcode printers*, *printers*, *servers* ki i *part of* sa 53 milyon.

*Plus osi sa larestan, sa balans pou nou enplimant sa *health information system software*. Lo kote lanbilans, wi, nou annan sa alokasyon. E sa alokasyon i en *loan* ki Gouvernman Sesel in *commit* pou ed nou.*

E sa osi nou pa pou kapab dir ou egzakteman konbyen lanbilans. I pou depan lo bann spesifikasiyon e bann detay letan nou pe *procure* sa bann lanbilans. Mersi msye Onorab, mersi Mr Chair.

MR SPEAKER

Mersi *CEO*. Onorab Zialor.

HON NADDY ZIALOR

Mersi Mr Chair. Bonzour nouvel *panel*. Briyevman Minis, lannen pase ti annan en legzersis ki zot ti pe fer, kot zot ti pe tir bann *rental of latant lo baz kominoter*.

Eski i annan okenn latant l aki ankor lo *rent*? Si wi, konbyen? E si non, ki kantite ki'n ganny ranplase e si i annan provizyon dan Bidze pou lannen prosenn? Mersi.

MR SPEAKER

Mersi.

MINISTER PEGGY VIDOT

Mon a demann *CEO* pou reponn sa kestyon silvouple.

MR SPEAKER

CEO ou annan laparol.

CEO HEALTH CARE AGENCY

DANNY LOUANGE

Mersi Mr Chair. Mersi msye Minis. Mersi Onorab pou ou kestyon. Wi, tou bann latant in ganny ranplase par latant oubyen par bann lezot fasilite ki nou vwar i pli apropriye.

Parey English River nou'n ranplas avek en *building* ki apre *COVID* nou pou servi li pou bann lezot servis esansyel dan Lasante.

So tou in ganny ranplase e menm i annan osi ki'n ganny *donated* pou nou kapab kontiny

sa *screening* ki nou pe fer. E sa i enportan pou nou kontinyen.

Akoz nou bezwen fer sir ki dan nou bann fasilite Lasante, nou bann sant, bann fasilite ki safe pou nou bann pasyan, *safe* pou nou *staff* kapab al travay. Mersi Mr Speaker.

MR SPEAKER

Mersi *CEO*. Onorab Sophola ou ti'n lev lanmen ou? Wi ale.

HON NOLINE SOPHOLA

Mersi Mr Speaker, Mr Chair. Bonzour tou Manm Onorab, Minis ek ou delegasyon e tou dimoun a lekout.

Mr Chair atraver ou mon ti a voudre, si Minis ti kapab dir nou, konbyen larzan ki'n ganny mete dan Bidze pou *overseas treatment*?

E lo menm laliny, konbyen larzan ki'n bidzete pou deplasman pasyan Praslin, La Digue, sirtou dan ka dirzans? Pou asire ki zot ganny byen deplase o pli vit posib e dan mwayen, e en mwayen byen konvenab.

E osi lo menm laliny, parfwa nou annan bann spesyalis ki sorti Mahe pou vin fer tretman lo *Inner Islands* e zot oule *stay overnight* pou donn en pli bon travay, e sa osi larzan i en konstrent.

Alor esey dir nou konbyen nou'n mete e si sa pou ale pou diran lannen? Mersi Mr Speaker.

MR SPEAKER

Mersi Onorab.

MINISTER PEGGY VIDOT

Mersi Onorab pou ou kestyon. Wi, mon ava demann *CEO* pou donn nou bann *chiffre* ki ou' n demande pou *overseas treatment* avek pou tretman pou dimoun Praslin ek La Digue.

Me *chiffre* ki nou pou annan pou tretman pou dimoun Praslin ek La Digue, i pa neseserman ganny kase La Digue ek Praslin, i en *chiffre* antye pou sa 2 zil.

MR SPEAKER

CEO.

**CEO HEALTH CARE AGENCY
DANNY LOUANGE**

Mersi Mr Speaker. Mersi Minis. Mersi Onorab pou ou kestyon. Sa lokasyon ki nou'n mete pou *overseas treatment*, pou bann tretman aletranze i 70milyon.

E sa i bann tretman spesyalize e i ganny fer, i ganny aprouve, i ganny fer *through* sa *Board* ki i annan an plas, *Overseas Treatment Board*. E

sa, parey mon'n dir 70milyon pou lannen 2022.

Lo kote tretman pou bann dimoun ki reste lo Praslin ek La Digue, zot mon met zot an gro. Wi, i annan en provizyon ki'n ganny mete, ki bann transportasyon pasyan ki avan i ti anba Lazans Proteksyon Sosyal.

Me la in ganny transfer anba nou. Nou prezan nou bezwen *manage*. E si zot bezwen bann tretman *overseas*, si zot bezwen tretman ki nou annan lokal, sa i ganny fer avek dan nou sant spesyalize isi.

Me si zot bezwen *overseas*, zot osi zot ganny mete lo *Overseas Treatment Board* pou kapab zot tretman ganny fer aletranze. Mersi Onorab.

MR SPEAKER

Mersi *CEO.* Onorab Roucou.

MINISTER PEGGY VIDOT

Mr Chair.

MR SPEAKER

Wi.

MINISTER PEGGY VIDOT

Kestyon ki in demande, se konbyen larzan ki nou'n mete pou alokasyon pou tir pasyan Praslin, La Digue. E sa ki'n ganny transfer dan nou Bidze sorti *from Agency for Social*

Protection i R1milyon 150mil ki'n vini pou nou kouver evakyasyon pasyan from Praslin ek La Digue. Mersi.

MR SPEAKER

Mersi Minis. Klarifikasiyon Onorab.

HON NOLINE SOPHOLA

Mersi. Mr Chair mon ti a voudre konnen bann spesyalis ki sorti Mahe, eski zot osi zot pe ganny kouver anba sa 1 milyon ki zot in dir oubyen i annan en keksoz separe? Mersi.

MR SPEAKER

Mersi. Panel. CEO.

**CEO HEALTH CARE AGENCY
DANNY LOUANGE**

Wi, mersi Mr Chair. Mersi Onorab pou demann sa klarifikasiyon. Wi, ki nou'n fer, sa sonm i tonn anba en *budget line* ki pou pasyan avek bann spesyalis ki ou bezwen al vwar pasyan e konsilte pasyan lo Praslin ek La Digue. Mersi Onorab.

MR SPEAKER

Mersi. Onorab Roucou.

HON MICHEL ROUCOU

Mersi Mr Chair. Bonzour ankor enn fwa. Minis anba sa 3.5 milyon ki dokter pe dir ki

zot pe ganny en *loan* ek Gouvernman pou lanbilans, mon war poudir nou bann lanbilans i dan en move leta la, ki i pa zoli ditou.

E mon pe gete, eskiz ot pe met en sistenn an plas pou fer sir nou bann drayver, bann dimoun ki *operate* sa bann lanbilans i servi li byen, ki i pa tonn dan sa bann move leta ki zot ladan?

Apre anba, mon war poudir zot annan 2.5milyon pou renovasyon bann klinik, eski klinik Corgate Estate i tonn ladan? Mersi.

MR SPEAKER

Mersi.

MINISTER PEGGY VIDOT

CEO i ava reponn kestyon Mr Chair.

MR SPEAKER

CEO?

**CEO HEALTH CARE AGENCY
DANNY LOUANGE**

Mersi Mr Chair. Mersi Minis. Mersi Onorab pou ou kestyon. Wi, lo kote lanbilans, i annan en kantite amelyorasyon, en prosedir ki nou mete an plas pou fer sir ki sa bann drayver i respekte e i servi sa bann transpor byen.

Nou pe osi annan bann *monitoring system* ki ganny fer. E nou tim ki pe *manage*, ki pe zer transpor osi, zot tre vizilan. E i annan bann keksoz ki nou pe kontinyen vwar, bann *gaps* ki nou pe adrese.

Wi pou lanbilans, nou annan nou 24 lanbilans lo Mahe ek Praslin, ek La Digue. E i vre ki parey ou dir, i annan, akoz lanbilans i ganny servi en kantite, zot lo semen 24/7. So i roul en kantite.

So i annan bann *where and there i occur high*, i annan *high turnover*. So i enportan ki nou annan sa lokasyon pou nou kapab kontinyen ranplas nou lanbilans.

Lannen pase nou'n ganny 2 lanbilans e nou'n, 1 nou pe servi lo Mahe, 1 nou'n transfer Praslin. So nou annan en tim ki pe zer sa tre byen. E parey mon osi mon kapab dir ek ou, nou pe kontinyen vwar landrwa ki bor nou kapab kontinyen *improve* lo la. Mersi Onorab.

Apre lo kote klinik, wi, nou annan pou *maintenance* nou bann facilite. Nou vwar ki i enportan ki nou kontinyen *Maintain*. Pou le moman la nou annan bann *models* ki, bann model ki mars byen pou nou.

Parey Anse Royale, *Wellness Center, Family Hospital*. Nou annan bann

kontrakter ki nou annan kontra avek pou zot *Maintain*. E nou vwar sa pe mars byen.

Me la osi pou 2022, nou an diskisyon avek Minister Finans, ki nou kapab osi annan ban kontra parey pou lezot facilite. Nou pa pou kapab fer tou 2022, me selman nou pou fer en kantite 2022.

E si i annan ankor ki nou pou bezwen fer, i pou 2023. Mersi msye Onorab.

MR SPEAKER

Mersi CEO. Onorab Adelaide.

HON FRANCOIS ADELAIDE

Mersi Mr Chair. Bonzour Minis avek ou lekip e tou bann dimoun a lekout. Minis dan PSIP paz 16, nou annan en 5 milyon, be selman in ganny apropriye e in ganny mete par 2 porsyon.

Mon vwar i annan en R2 milyon pou klinik Baie Lazare, petet ou kapab eksplik nou ki vreman nou pou fer avek sa R2 milyon? E petet Minis parey nou ti dir, parey mon'n tou kou dir.

Mon espere ki zot Lazans i vin en kou Baie Lazare pou vin koz avek bann dimoun in *regards to* sa *Health Center*. Pou donn en lesplikasyon pou nou tou lo menm paz. Mersi.

MR SPEAKER

Mersi Onorab. Wi.

MINISTER PEGGY VIDOT

Mersi Onorab. Onorab wi, *Clinic Health Center* pou Baie Lazare i en keksoz ki nou pou pe adrese sa lannen. E mon kapab demann *CEO* pou eksplike ki zistans nou'n arrive avek devlopman pou en novo fasilite pou Baie Lazare ?

MR SPEAKER

Mersi. Wi *CEO*.

**CEO HEALTH CARE AGENCY
DANNY LOUANGE**

Mersi Mr Speaker. Mersi Minis. Mersi Onorab pou ou kestyon. Pou Baie Lazare, travay in avanse, lo kote *design* e en plan pou sa sant.

E nou'n menm osi konsilte tou bann *staff* e osi nou'n komans en diskisyon pou bann lezot *partners* ki *involve* dan sa konstriksyon sa novo sant fasilite Baie Lazare, Lasante Baie Lazare.

So, e nou pe travay pre avek *MLUH* ki pou ed nou pou zer sa. So pou 2022 nou osi nou pou ganny en sipor avek en *donor* osi. En posibilité ki nou, nou pou komans avek sa 2 milyon ki nou annan, nou pou *proceed* pou fer bann plan, bann preparasyon, bann

ground work, konmkwa ki nou a konplet sa proze. Si i pa 2022 i ava *early* 2023. Mersi Onorab.

MR SPEAKER

Onorab Labrosse.

HON RICHARD LABROSSE

Mersi Mr Speaker. Bonzour tou dimoun ki a lekout. Bonzour Minis ek ou delegasyon.

Mr Speaker avan mon demann mon kestyon, dabor mon ti a kontan dir Minis ki mon vreman apresye travay ki *CEO* Louange pe fer kot Lasante. Sa i vin ek bann komunikasyon ki nou gannyen lo bann konstrent ki nou gannyen dan distrik.

I touzour sa dimoun ki pou reponn ou ek en lavites avek en solisyon. Alors kontinyen fer ou bon travay.

Minis, mon ti annan 3 kestyon, 2 in ganny reponn. Mon annan zis 1. Mon pa konnen si i en kestyon oubyen i en sizesyon. Mon pe get dan latab Bidze lo *Utilities*.

Mon pe mazinen Lopital sa grander ki i ete, bann servis ki zot pe donnek sa larzan ki nou war i pe kontinyen ogmante tou le lannen, mon pe gete, eski i annan bann konversasyon ki zot pe fer pou ki nou al lo sa bout lenerzi renouvlab.

Vi ki Sesel i ganny antoure bokou avek soley. Konmsi sa ti ava kapab koup en pe depans, sa larzan kekfwa ti ava al dan en lot kote, dan en lot servis. Mersi.

MR SPEAKER

Mersi Onorab.

MINISTER PEGGY VIDOT

Mersi Onorab pou ou kestyon. Zis pou dir wi, nou pe regard ladan e deza nou annan omwen 3 lo 3 *building* ki nou, nou annan *PB at the moment*. Mon ava demann *CEO* pou zis dir ki kantite depi ler nou'n *install* sa, ki kantite nou pe *save* lo *utilities*.

MR SPEAKER

Mersi. *CEO* ou a kontinyen.

CEO HEALTH CARE AGENCY DANNY LOUANGE

Mersi Mr Chair, mersi Minis e mersi Onorab pou ou kestyon. Wi, mersi osi pou ou bann, sa bann mo ankourazan. E nou la pou nou kapab travay ek kominate.

Fer sir ki nou bann plan i kapab ganny mete an plas. E nou bezwen travay ek zot pou nou kapab fer en keksoz, amelyor keksoz, amelyor servis. Lo kote *utilities* msye Onorab i vre.

Nou pe vwar en ogmantasyon dan *utilities*. Sirtou la avek *COVID*, nou vwar ki avek sa bann facilite adisyonnelle ki nou'n mete, i pe manz plis kouran, bezwen plis delo, *sewage* osi pe sarz nou osi plis.

So nou vwar en ogmantasyon. Mon napa sa sif egzakt lo logmantasyon, *FC* i annan dan son *computer* e i okouran. Lo kote lenerzi, ki mannyer nou kapab *save*.

Nou'n deza met bann *panel*, *solar panels* lo plizyer nou bann facilite. E sa osi in ed nou pou nou *cope* konsonmasyon, kou ki nou ti annan lo elektrisite.

E mon napa bann sif, me i plis ki 100mil par mwan, ki'n *savings* ki nou pe fer lo la. *FC* i kapab ed nou avek plis sa bann *figures*. Me selman wi, sak fwa ki nou pe fer bann konstriksyon, akoz enn bann defi ki nou vwar, sa bann facilite ki nou annan i pa kapab tenir sa bann *solar panel*.

So nou kapab fer maksimonm ki nou'n nabou fer. Me bann, dan lefitir tou bann konstriksyon ki nou fer i pou annan bann *solar panels*, i pou annan bann *water heater panels* osi. Mersi Onorab.

MR SPEAKER

Mersi. *Financial Controller* ou annan en sif pou azoute.

FINANCIAL CONTROLLER **MICHEL BRUTUS**

Mersi Mr Chair. Parey CEO in dir, lo kote kominote avek sa bann adisyon ki'n ganny fer pou sa bann letan *COVID*, nou'n ganny en logmantasyon lo, nou kapab ti ekspekte ganny en logmantasyon 2 milyon an term sa elektrisite avek delo Onorab.

Me selman par kont lo kote kot Lopital i pa'n vreman annan gran logmantasyon. Petet mon mazinen avek kekfwa avek sa bann, parey ou pe sizere, i kapab fer desann en pe.

Me selman lo kominoter wi, nou'n vwar bokou ogmantasyon, letan in annan sa bann adisyon ki'n ganny fer pou *COVID*. Mersi.

MR SPEAKER

Mersi *Financial Controller*. Onorab Lemiel.

HON SYLVANNE LEMIEL

Mersi Mr Chair. Bonzour Minis avek ou delegasyon. Mr Chair, Minister Lasante depi dan lepase, mon kapab dir, zot in toultan annan en problem lo kote kapasite.

Petet pou zer zot bann proze kapital, pou zot planifie

pou fer sir ki zot bann proze i vin en reisit. So legzanp ki mon pe donnen la i *Outpatient Clinic* Anse Royale.

Kot nou ti vwar ki larzan ti ganny mete dan Bidze depi 2017, 2018, 2019. Me pa'n zanmen materyalize. So sa i fer ki nou perdi larzan dan *PSIP*. E parfwa i fer osi ki nou pa gannyen ranplase sa larzan son bann lannen answit.

So pou lannen 2022, anba programm 3, *building and* lenfrastriktir, mon vwar zot Bidze in ogmante. In sorti 16.4 milyon pou vin 18.6 milyon.

Me selman mon pa pe war nanryen ladan pou *Outpatient Clinic* Anse Royale. So Minis mon ti a kontan konnen, eski sa proze *Outpatient Clinic* i ankor lo *drawing board* Minister Lasante? E si wi petet kan nou pe kapab vwar sa proze in kapab ganny materyalize? Mersi.

MR SPEAKER

Mersi Onorab. Minis.

MINISTER PEGGY VIDOT

Mersi Mr Chair. Mersi Onorab pou ou kestyion. Wi ou totalman byen pou dir ki nou'n annan dan lepase en mank mendev dan nou, dan nou zesyon nou bann *capital*

projects, e kekfwa in arive ki nou pa'n kapab delivre toultan.

E pou sa rezon kekfwa ki Gouvernman in pran desizyon, pou annan en Lazans ki pou prezan regard tou bann gran *capital project*.

E ou byen osi pou dir ki ou pa pe war en alokasyon pou en *Outpatient Unit* parey ou'n dir pou Anse Royale. E sa i pou diferan rezon.

En rezon ki nou pe regarde, se ki eski Anse Royale i bezwen zis en *Outpatient Unit* or i bezwen si nou pe fer okenn proze, okenn batiman, en keksoz ki pou pli adres bezwen, pa zis Anse Royale, me rezyon sid ek was an menm tan.

E nou, nou panse poudir nou pa bezwen zis en *Outpatient* ki pou *cater* zis pou dimoun pe vin vwar dokter, o si non pe vin vwar dantis. Me nou bezwen en keksoz en pe pli larz.

E en keksoz ki nou vwar nou bezwen i vreman en bon initiate Servis Dirzans pou sid ek was. Akoz i pran en pe letan, *let's say* ou ganny aksidan dan Sid avan ler ou transport tou dimoun anvil.

Ou si non si i annan en semen bloke i dan sid, nou annan en pe problem. Alor enn nou bann revwar i sa bezwen. E alor nou'n bezwen *go back to the drawing board* pou

nou revwar koman nou pe fer sa.

E eski sa keksoz pou materyalize ki nou pe panse. Nou panse wi i pou materyalize lannen prosenn. Akoz nou annan en donater ki'n aksepte pou revwar sa proze pou nou ansanm avek nou.

Nou pe mazin en pli gran initiate Swen Dirzans ki a kapab arive donn swen ki dimoun dan sa rezyon i bezwen. E sa i pou en Swen Dirzans ki pou ase elarzi.

Ki ava ant tou son lekipman, son *X-ray*, son *CT scan* e tou keksoz, pou nou kapab arive donn swen laba dan Sid. E an menm tan ki nou pe fer sa, nou pe travay avek en *partner* ki baze dan en group Lopital *New York*.

E zot osi zot in part nou fondasyon. Se ki nou travay ek zot, ki zot, zot donn nou bann spesyalis. E nou pe *hook* si ou oule, nou Sant Servis Dirzans ansanm avek zot.

Ki konmsa ler nou, nou pou bezwen en spesyalis pou ed nou fer desizyon, zot pe war *in real time*, pe war nou pasyan e pe kapab diskit avek nou spesyalis, an menm tan ki nou, nou pe al *train* nou dimoun isi pou anvoy laba pou travay dan sa domenn.

Me nou santi poudir nou osi nou bezwen lasanm pou nou fer nou *outpatient* fasilite e sa osi pe ganny mete *alongside* sa limite.

Nou pe travay vreman en pe lo Lopital ki egziste, apre bouz deryer, *rather* ki fer en batiman on *its own*. Akoz i riske annan lezot bezwen parey pou bann Servis Prevansyon, koman reabilitasyon e tou sa. Sa apre nou ava adrese.

Me sa i pou servis ki pou ed nou osi pou adres bann maladi, sirtou maladi kardyovaskiler, bann keksoz parey *stroke*, parey latak leker ki nou pou kapab toudswit donn sa swen dirzans.

Alor vreman ou pasyans kekfwa nou pa'n materyalize, kapab fer li dan sa bann lannen ki ou'n mansyonnen. Me nou kapab dir poudir diskisyon i ase avanse.

E byento nou espere nou ava annan en *design* ki nou pou kapab vin kot group pou diskite e pou nou bouze. Mersi.

MR SPEAKER

Mersi Minis. Onorab Esparon.

HON REGINA ESPARON

Mersi Mr Chairman. Mr Chairman mon zis anvi klarifye, anba programm 3, ti annan en programm, en *remedial program*

of work pou Lopital North East Point ki konpri *regional home*, son Lopital anler, *hospice* anba e bout *psychiatric*.

E ti annan en sonm 12milyon, 330mil lannen pase, e la mon vwar in annan en rediksyon 2milyon 700mil. Eski sa alokasyon ki la i pou ede pou ase pou fini fer sa louvraz ki i annan kot sa, kot Lopital North East Point? Parske i annan ankor en bon pe louvraz ki neseser ganny fer.

E dezyenmman Mr Chairman, mon'n tann *CEO* dir ki i annan en amelyorasyon an sa ki konsern *maintenance* pou bann lanbilans.

Maintenance and repair, vre i annan en amelyorasyon. Menm mon felisit zot ki sa bann letan ki zot in la, zot in kapab tir sa kantite lanbilans pouri, ki mon apel sa ki ti napa, anlinyen parti o bor semen.

E pou le moman nou nepli war zot. Me zot in ganny zot en sonm R4milyon *for maintenance and repair*. Mon panse zot pe *contract out*. Eski zot satisfe zot pe ganny en *fair deal*? Parske i annan sertern mirmirasyon kot i konsern tender? Mersi.

MR SPEAKER

Mersi. Wi Minis.

MINSITER PEGGY VIDOT

Mr Chair nou a demann Dr Louange pou reponn en pe lo la. E si fodre mon a azoute apre.

MR SPEAKER

Dr Louange wi.

**CEO HEALTH CARE AGENCY
DANNY LOUANGE**

Mersi Mr Chair, mersi Minis, mersi Onorab pou ou kestyon. Mon pou komans lo premye kestyon, lo kote sa renovasyon ki nou pe fer.

Mon krwar, ou pe travay *very* pre avek nou e ou konn bann *progress* ki nou'n fer, ki'n byen avanse. La nou ava fini byento pou sa facilite ki nou annan pou bann dimoun ki viv ek dezabilite mantal.

Sa i pe al fini byento e zot pou kapab bouz ladan. Apre *next* dan sa proze, i North east Point Hospital parey ou'n dir. Wi nou'n met 2.7 milyon, wi.

I annan en gran, e sa i dapre ki kantite nou pou kapab, nou pou bezwen pou sa *next phase*. E nou vwar osi ki i annan en posibilite, parey ou'n dir, i annan en posibilite ki nou pou bezwen en pe plis.

E sa nou pou kapab anmenn dan Lasamble. Nou ava diskit avek Minister Finans, pou gete *Mid-year* si nou kapab ganny sipor pou nou kontinyen.

Akoz mon krwar parey ou konnen, travay pe byen avanse e keksou pe al byen si mon kapab met sa an Kreol. Pou lanbilans, wi mersi pou sa bann mo ankourazan.

Pou transpor, e menm mon'n manke osi. Nou'n menm sa lannen i annan bann aksyon disiplinen ki nou'n pran avek nou bann drayver e tre sever osi. Akoz nou pa tolere labi nou bann *motor vehicles*.

So wi *maintenance* i tou kou en problem pou bann transpor. Sirtou pou bann transpor ki nou'n servi en bon pe letan. E avek lasistans Minister Finans nou'n nabou ranplase.

Nou'n kapab ranplas en pe bann transpor lannen passe. E sa lannen osi nou'n ranplase. E nou pe kontinyen travay *closely* avek Minister Finans ki zot analize nou *expenditures*.

E vwar lekel ki pli benefis, ki bor i pli *beneficial*. Si nou annan *new vehicles* oubyen *maintain*. Wi, osi lo kote *repair*, ki lakonpannyen ki nou *engage* pou *repair*, bann garaz ki nou servi.

E i annan apepre 3 garaz ki nou pe servi regilyerman e i annan en korperasyon avek sa bann garaz. Wi nou oule met li deor pou *contract out*, pou

Board and so on. Me nou ava diskrit avek Minister Finans.

Akoz i annan bann pti detay ki i enportan letan nou fer sa bann *repair*. Akoz dan lepase nou'n vwar ki - parey *repair* en lanbilans pou, nou bezwen li ganny fer vitman e met li lo semen vitman.

E sa in enn bann *challenge* ki nou'n gannyen dan lepase. Me nou pe travay avek Minister Finans, avek *POU* pou nou kapab adres sa. E nou tou nou ti a kontan met li anliny. Ki napa okenn bann keksoz ki deor nou *procurement regulation*. Mersi Onorab.

MR SPEAKER

Mersi. Onorab Pillay. Wi ou ankor lo la Onorab Aglae, pasyans.

HON SEBASTIEN PILLAY

Mersi. Bonzour Minis e bonzour Dr Louange. E bonzour tou dimoun a lekout. Ankor enn fwa mersi pou bann *staff Health Care Agency* bann travay ki zot fer, bann *nurse dokter*, resaman mon ti ganny *COVID* e mon konnen ki sipor e servis ki zot in donne in ed plizyer Seselwa.

Malgre nou tou pa toutafe satisfe avek tou keksoz me selman nou realiz sakrifis ki bokou zot pe fer, pou ki zot

fanmir e pou zot fer zot travay. E i enportan dan sa mezir ki ler zot pe fer sa bann sakrifis nou fer sir poudir zot osi zot sakrifis i ganny *recognize* i ganny byen sa.

So premyerman mon oule pran sa size *allowance* ki'n ganny en larepons petet en pti pe zeneral, mon ti ava kontan klarifye an relasyon avek bann *allowance*, eski bann *staff HCA* ki pe travay an relasyon avek *frontline* avek *COVID* pou ankor avek benefisy *allowance*, akoz i annan bann gro, gro konponan *allowances* ki'n ganny *reapportion* mannyer mon pe gete anba *Code*.

Swa Minister Finans, swa FC Minister Lasante atraver ou Dr Louange, si zot kapab eksplik nou si bann *staff* pou ankor pe ganny zot bann *allowances*, e si sa bann *allowances* pou pe ankor pe ganny peye konmansman lannen prosen?

Mon lot kestyon i konsern sa size *laboratory manager information system*.

Mon pa'n ganny sans demann Dr Gedeon sa kestyon be mon oule klarifye, si anba provizyon ki nou pe fer akoz zot ki *house Public Health Laboratory* dan Lopital e se *HCA* ki *manage maintenance*.

Eski an relasyon ek sa pou annan en *laboratory information management system*, ki pou ede pou fer ki bann rezulta i vin pli vit an relasyon avek bann tes ki ganny fer?

Prezan mon vin lo *one of the major heads* ki ou annan anba ou Bidze, se *materials and supplies*. E ler nou pe gete depans total anba la i 247 milyon. Mon kontan pou vwar zot in fer provizyon bidzeter pou aste lamazorite bann *supplies* ki neseser. Me mon note ki anba *medicine* i annan en rediksyon sorti 61milyon pou vin 35 milyon.

Eski ou kapab eksplik nou ki sa rediksyon i vedir akoz nou'n tann pa mal konsern dan serten sirkonstans kot manm piblik pe dir zot in ganny anvoye pou al rod en medikaman kot en lot sant lasante, zis pou arive pou vwar ki i pa *available*, i bezwen al aste li *from* dan *private market*. Eskri Minister Lasante in finalman adres serten bann defayans ki annan vizavi provizyon bann medikaman?

E eski bann provizyon medikaman pou osi enkli konponan, pou asire ki bann medikaman i kapab ganny *cleared* kot *Customs* e ki zot pa ganny retar avek sa bann medikaman.

E ler mon vin lo sa pwen mon vi an relasyon avek bann keksoz ki neseser pou bann entervansyon sirizikal. Zot in ganny in annan serten retar, nou bezwen admet e manm piblik in koz lo serten retar ki'n arive.

Eski sa bann retar in ganny adrese? E modalite ki sa bann lekipman i vini i ganny adrese pou fer ki Minister Lasante i kapab delivre lo son manda?

E mon dernyen kestyon m bann kestyon i *straight forward* akoz i zis bann *figures*, mon dernyen kestyon ki mon ti ava kontan reponn. An relasyon *protective clothing*, mon vwar e note ki i annan forse *protective clothing* li menm i annan R202 mil apepre pou *protective clothing*.

Eski ou kapab klarifye si i annan anba Bidze lezot landrwa kot zot pe ganny *protective clothing*? E SS Payet klarifye si preznan pou annan anba *contingency* larzan adisyonnal ki pe ganny mer a dispozisyon *Health Care Agency*, an relasyon avek provizyon bidzeter pou bann resours ki bann staff *Health Care Agency* i bezwen pou kapab fer zot travay? Mersi Mr Chairman.

MR SPEAKER

Mersi. Minis.

MINISTER PEGGY VIDOT

Mersi. Wi Mr Chair mon ava demann Dr Louange pou reponn diferan kestyon lo *allowance* lekel ki pe si ankor pe donnen, lekel group ki pe gannyen. *Whether public laboratory pou will be part of sa health information system?* Apre lo sa laspe mank akseswar pou loperasyon e kou medsin. Mersi.

MR SPEAKER

CEO wi.

**CEO HEALTH CARE AGENCY
DANNY LOUANGE**

Mersi Mr Chair. Mersi Minis. Mersi Onorab pou ou kestyon. Mon krwar ou annan en on pe kestyon pou reponn, mon ava sey reponn li en pe vit.

Wi lo kote *allowance* e mon krwar ou pe refer otour sa *COVID allowance* ki nou'n servi pou nou bann *staff*. E mersi osi pou kapab rekonnnet sa zefor ki nou bann *staff* in mete, sirtou la dan sa letan difisil. E mon krwar zot kontan tande letan Lasanble i mansyonn zot e i rekonnnet zot zefor.

Lo kote *allowance* nou pou lemoman la pou ki nou apel *COVID allowance* pou donn li en non, nou pe donn apepre 245

staff. E sa bann *staff* ki pe ganny *COVID allowance* i bann *staff* ki pe *deal* avek bann ka pozitiv 24 lo 7.

So ki zot annan en tre, tre gran risk pou zot kapab ganny sa viris, oubyen en risk dan zot travay.

E dan lepase nou'n osi donn *allowance* pou bann lezot *staff* e sa ti lo konmansman Zanye ziska Zen sa lannen, nou'n donn apepre plis ki 1120 *staff* sa *allowance*.

Me selman nou'n bezwen revize pou nou kapab rekompans bann ki pe lo *front line* parey nou dir.

Apre lo *allowance* sa ki *allowance* ki *FC* in koz lo la *Financial Controller* in koz lo la oparavan i sa bann *realignment* ki'n ganny fer. E wi *allowance* pou *COVID* i sorti anba *recurrent budget*, ki Minister Finans i rekonnnet e ankor pe *support* nou avek sa.

Lo kote *health information system* e ki mannyer sa konponan *module laboratory information system* i vin an *play* i annan de laboratwar dan nou Sistem Lasante.

Si *Health Care Agency* pe zer sa proze pe *manage* sa proze. Be nou pe *manage* sa proze pou lasante antye.

So i annan de laboratwar i annan *clinical laboratory*, apre i

annan *Public Health Laboratory*. Tou le de laboratwar pou ganny in ganny konsilte zot osi sa *software* in ganny *customize* pou zot demann.

So alors zot pou osi enkli dan sa sistenm. Akoz menm kantmenm nou apel li *Public Health Laboratory*, i annan bann *clinical component* parey fer *TB leptospirosis*, en kantite sa bann test ki zot fer i annan en signifikan klinikal ki sa dokter i bezwen konnen.

So sanmenm sa ki nou enkorpose *incorporate* li ladan dan nou *electronic medical records system*.

So lo kote *medical supply* i annan de konponan, ou pe - ou'n mansyonn *medicine*. E si ou get byen sa lalis ki ou annan la, *medicine* nou'n kas li dan diferan *subtitle*.

E non *general medicine* ki pou mon krwar 36milyon mon pe sey 35milyon. Be si ou get pli ba i annan pou *cardiology, oncology, and so on and so forth*.

So ou pou vvar bann sa bann medikaman pou bann maladi spesifik ki nou dan *Health Care Agency* ek nou *Board* ek nou Minister Lasante, nou'n deside nou kas li koumsa, konmkwa nou *monitor* tre pre.

Akoz nou pe vvar ki parey *oncology medicine* pou *oncology* i pe monte preske en milyon plis ki en milyon par lannen. So sanmenm sa ki nou'n kase pou nou kapab fer piblik konnen. E sirtou *National Assembly* pou konnen ki pe pase dan nou Bidze, apre osi pou pli byen zere.

Lo kote *supplies*, avek *surgical interventions*. Wi i annan parfwa nou vvar nou dan *Health Care Agency* en sityasyon ki nou bezwen lenstriman, be sa lenstriman i pa *available*. I annan diferan rezon akoz. Sirtou la pandan *COVID* nou'n vvar nou ki difisil pou nou kapab *procure* en bann sa bann lekipman.

Parey en *pacemaker*, *pacemaker* nou pa kapab gard en gran stok *pacemaker* isi. Par ler ou kapab ganny ou 6 mwan napa personn ki bezwen *pacemaker*, par ler en mwan napa dimoun ki bezwen *pacemaker*.

Me selman nou bezwen annan *standby at least 3* dan Sesel. Akoz si i arive nou bezwen *available* be parler i *expire*. Akoz i zis ki mannyer kondisyon ki mannyer *trend* i ete.

Parler nou napa. E nou fer provizyon avek bann lakonpannyen sirtou *Maurice*

pou nou kapab fer desann vitman. Akoz zot, zot annan en pli gran popilasyon, zot annan en pli gran stok, e zot nou annan en bon lantant ek zot, ki zot kapab fer desann.

E sa i arive me nou demann tou manm piblik pou konpran e nou bezwen zot korporasyon.

Me selman nou annan en plan ki nou plan i pou fer *minimize* sa lefe advers ki annan avek sa.

Lo kote *Customs and clearance* wi sa akoz nou travay ek Minister Finans e zis *Health Care Agency*, zis Lazans swen lasante ki annan en fonksyon *clearance* dan nou *procurement team*. Napa lezot Minister ki annan sa akoz nou'n Minister Finans i vwar ki sa fonksyon i neseser. Tou lezot Minister zot *outsource*. E nou, nou annan sa. E rezon akoz nou ki annan sa akoz i annan en kantite mouvman ki nou bezwen sa.

E i zis ki sa *load* i en kantite e menm i annan parfwa letan nou vwar ki i *beyond* kapasite nou *outsource* sa fonksyon, pou ed nou *bring* kapasite.

Protecting clothing mon pa konnen ki mon pa asire ki *budget line* ki ou pe refer lo la, me selman pou *protective clothing* bann *personal PPEs*

bann *Personal Protective Equipments* sa i dan nou *medical supplies*. E ou pa vwar li konman en *budget line specific*. Mersi Onorab. Mersi Mr Chair.

MR SPEAKER

Mersi. Yes sey terminen silvousle Onorab wi.

HON SEBASTIEN PILLAY

Mersi Mr Chairman. E mon kontan ki nou nobou adres sa sityasyon SRC, akoz in annan konsern e retar *regarding* serten entervansyon, e mon *hope* ki pa arive.

Me an relasyon pou *protective clothing*, mon'n anmenn ou lo en pwen enportan ki pe ganny souleve ozordi *from* piblik. E sa size *MRSA*. E rezon mon dir ou sa se akoz zisteman akoz Manm piblik pe eksplik konsern vizavi lensidan *MRSA* an relasyon ek bann sant medikal.

E *protective clothing* i neseser pou ki i annan bann netwayaz ki ganny fer. Mon'n regard sa de laliny anba Bidze. So eski zot pe pran kont sa i zot pe met mezir an plas pou *tackle* sa sityasyon avek lensidan *MRSA*? Mersi.

MR SPEAKER

Mersi. Wi CEO oubyen Minis. Mon pa konnen lekel.

MINISTER PEGGY VIDOT

Mersi Onorab pou sa. Wi SMRSA i en keksoz i parey diferan keksoz ki nou *monitor tre pre, e si dan COVID i annan en keksoz kekfwa ki'n met en kantite lanfaz lo la, se infection prevention and control.*

E sa tou dimoun, tou staff Lasante si zot travay dan Minister dan *Health Care Agency*, si non *Public Health Authority* i pas atraver diferan kantite *training* pou amelyor sa. E sa i ava adres tou lenfeksyon ki lenfeksyon pou *COVID*, me osi pou lenfeksyon *bacteria* parey pou *MRSA*. E parey ou dir i *protective clothing* me i osi pli bon lizyenn, pli bon netwayaz dan diferan landrwa. E i en keksoz ki vreman i pe ganny adrese a profon. Mersi.

MR SPEAKER

Mersi. Onorab Aglae wi. Sorry CEO si i annan keksoz pou azoute *ok terminen*.

CEO HEALTH CARE AGENCY DANNY LOUANGE

Mersi Mr Speaker. Mersi Onorab. Wi pou e Minis parey in dir nou'n travay en kantite la nou'n reviz nou *infection prevention control, guidelines,*

stratezi *SOPs* e tou sa in peye. Nou'n vini *train* en kantite group dimoun *staff* lo sa kote.

Me lo lot kote osi, *MRSA* ki nou pe vwar dan Sesel i pa *MRSA* ki ou gannyen dan bann fasilité. Laplipar sa bann *MRSA*, i ki nou apel en *community MRSA* i ki nou apel *community MRSA*. E i ganny transmet dan kominote. E sa akoz *MRSA* i ganny i enn bann maladi ki ganny *notify*.

E *Public Health Authority* i *monitor very closely*. Nou annan en rapor ki ganny sorti, e i annan en distensyon *distinction between MRSA* ki ou ganny transmet dan Lopital i apel *hospital or health facility* *MRSA*, avek bann ki dan kominote. Sa ki nou pe vwar dan Sesel mazorite, mazorite i kominote *acquire*. Mersi Onorab. dv

MR SPEAKER

Mersi. Wi nou ava bouze. Onorab Aglae wi.

HON EGBERT AGLAE

Mersi Mr Speaker. Bonn apre midi Dr Louange, premye kestyon, Dokter enn bann defi mon kapab met li ki Minister Lasante i fer fas avek sirtou anba *hospital and specialized services*. Kot i konsern

lekipman spesyalize pou diagnose bann kondisyon.

Eski sa Bidze sa ki mon pe gete larzan *maintenance* ki zot pe gannyen dan sa seksyon si mon mal ou ava koriz mwan. Anviron 200 mil mon pe gete ouswa sa vot i eparpiye en lezot landrwa.

Eski kot i konsern *CT scan, X-ray* e bann lezot lekipman spesyalize bann *maintenance* larzan i annan la pou fer ki sa bann mankman ki ti egziste pa kontinyen repete.

Dezyenmman mon ti ava kontan demann ou *in terms of* kontra, akoz mon annan serten lenformasyon se ki i annan bann kontra ki pe ganny donnen avek en lakonpannyen an deor presizeman dapre konpran sa i *GICC*.

Eski Minister ouswa Gouvernman anba (*PPBB*) *Private Public Partnership* zot pe antre dan bann Lagreman parey, parey en pti pe Minis Finans ti koz lo la dan ladres Bidze, e ki zot pe al ver sa direksyon a lavenir? Mersi.

MR SPEAKER

Mersi Onorab. *CEO* ou ava pran wi.

CEO HEALTH CARE AGENCY DANNY LOUANGE

Mersi Mr Chair. Mr Speaker. Mersi Onorab pou ou kestyon mon krwar i enportan sa kestyon, akoz espesyalman kot Lopital kot *specialized services* i konsernen.

Si nou annan en bon tim *biomedical engineers*, apre nou annan bann tim spesyalize osi zot travay tre pre avek sa tim *biomedical*. E sa tim *biomedical* i nou salye zot pou sa, nou'n travay vreman, vreman dir pou zot kapab met tou keksoz an perspektiv.

La si ou al kot zot nou pou konn tou bann lekipman ki bor i ete, tou bann *spare parts* ki bor dan ki lekipman in antre *and so on and so forth*.

E zot osi annan en plan en *replacement plan* parey nou koze. Si ou get par egzant la resaman, nou'n ranplas, ou'n vwar dan Nouvel, nou'n ranplas en novo *CT scan* avek enn pli sofistike, *state of the art* nou remersi Gouvernman Sesel pou ed nou avek sa, i pli vit, i pli annan pli bon imaz e ou kapab fer en kantite plis avek.

So e sa in ganny sanze akoz sa enn ki ti la avan in fini pas son *lifespan* e i plis ki 10an la depi letan nou'n ganny sa bann lekipman. *MRI* osi i parey. *MRI* osi in vye la. Me selman i ankor nou'n sanz bann *parts* ki kapab ed nou pou nou kapab

anmenn li ziska ler ki ava tonm dan nou plan pou nou ranplase. Akoz sa bann lekipman i tre ser, sirtou *MRI* i plis ki R20 milyon pou ganny enn.

Me *X-ray* osi nou'n ranplase deza en *X-ray* e nou annan plan sa lannen pou nou met, pou nou ranplas ankor en lot ankor, *ultra sound, mammogram* tousala in fini pas son *lifespan*.

Me solman ki mannyer nou bezwen fer, nou bezwen *look at* priyorite prezan. Akoz nou pa kapab sanz tou keksoz dan en lannen, nou bezwen annan en plan.

E mon salye sa tim *biomedical* pou *come up* en bon plan. Ve zot pe ed nou *guide* nou ki mannyer nou kapab fer li byen.

I annan landrwa ki parey en kestyon ki'n monte pli boner *Eye Clinic*. *Eye Clinic* nou annan en kantite *state of the art* lekipman ladan ekipe avek bann bon lekipman e osi *operating theatre* osi i annan bann lekipman byen avanse.

E sa in *build up* avek bann plan ki nou annan pou nou kapab annan kapab fer bann entrevansyon ki en pe pli avanse, e i adopte bann teknolozi pli avanse osi.

Lo kote bann kontra parey mon'n fer sorti oparavan in en

defi i en *challenge* pou nou e nou'n travay pre avek *POU*, nou'n travay pre avek Minister Finans, pou nou kapab vwar ki mannyer nou kapab met li anliny avek bann regilasyon ki annan an plas.

Me osi nou bezwen get nou Bidze ki mannyer nou *factor* sa enn osi. Apre osi get avek servis osi. Akoz i annan parey mon'n dir i annan bann *models* ki pe marse. I annan bann *models* ki ti pe marse anba ki nou oule resanze fer li pli byen. Me wi nou pou reponn ou kestyon wi, nou pe travay *closely* lo la pou nou kapab amelyor sa. Mersi Onorab.

MR SPEAKER

Mersi *CEO*. Onorab Vidot.

HON AUDREY VIDOT

Mersi Mr Chair. Minis enn bann servis ki nou bann sant rezyonal, i ofer se regard kondisyon zot ki verifye e assess kondisyon lasante nou bann pansyoner, letan zot santi poudir zot nepli kapab lo zot menm mannye. E zot vin atraver zot klinik pou fer sa formalite pou zot rod en sipor avek Lazans pou zot kapab ganny en dimoun pou ed zot kot lakour oubyen zot bann de zot demars.

Me mon pe regarde si i posib ki *Health Care Agency* i kapab lo nivo son administrativ atraver zot bann sant rezyonal, annan en sistenm ki zot kapab verifye bann pansiyoner spesyalman bann ki i annan bann maladi kronik, ki kapab regarde si vreman zot in ganny sa servis avek Lazans Proteksyon Sosyal dan en dele letan ki rezonnab.

Akoz mon profite pou remersi sa bann dimoun ki fer sa bann travay, akoz zot ki pli annan sa konpasyon avek pansiyoner a ker pou regard son lasante konpare avek Lazans.

Dezyenm kestyon an referans avek zot Bidze ankor, nou konnen poudir la zot ki pe administre sa bout parti kot Stad Lanmizik, pou fer bann *PCR test*. Eski dan sa Bidze zot kapab fer provizyon pou ki i annan en kouver ki ganny enstale la kot bann dimoun i espere, pou zot anrezistre pou met zot non touzour?

Akoz lapli soley zot la deor e i en pti pe lanbarasman petet si zot kapab konsider sa dan zot Bidze. Mersi.

MR SPEAKER

Mersi. Minis ou ava adrese.

MINISTER PEGGY VIDOT

Mersi Mr Chair. Mersi Onorab. Wi i responsabilite bann dimoun dan servis swen primer pou fer sa *assessment*. E wi Onorab nou konnen poudir bann *assessment* i ganny fer e souvandfwa bann rekomandasyon i ganny fer ek kekfwa pa mars osi vit.

Me parey ou'n atann nou annan diferan travay ki pe ganny fer. E menm nou zouti sa ki nou servi pou nou fer sa *assessment* pe ganny sanze, nou pe pran en zouti ki pou pli konpreansiv e pou mwens sibzektif e i pou en keksoz ki'n ganny si oule fer *WHO*, me ki nou'n adapte li pou isi Sessel.

e nou'n arriv sa pwen la kot in fini ganny tradwir dan Kreol. E ki konmansman lannen en nou pe ganny fer *training*, nou pe ganny lasistans ek *WHO* pou fer *training* pou tou staff ki al fer sa bann kalite *assessment*.

Konmsi sa pti *assessment* i ava pli i en nivo ki pli byen ki mwen sibzektif e ki i ava grad dimoun pou la kalite servis ki zot bezwen sa kalite *carer* ki zot bezwen.

E nou pe osi entansifye nou programm vizit dan kominate, ki kekfwa sa de dernyen lannen nou'n pa'n fer li alaoter ki nou ti merit ganny fer sa pou plizyer rezon. Enn bann rezon prensipal sete *COVID*. Me

nou pou bezwen pe adapte nou pou fer sir ki sa i kontinyen, e i esansyel ki bann dimoun ki bezwen swen dan zot lakour i ganny li.

E alors sa *monitoring system* si sa rekomandasyon ki zot in fer in al ase vit, w si pa ankor fer ki mannyer nou pou fer li sa i pou par tousala. Alor mersi.

Regarde si nou kapab met en kouver ou si non en latant en keksoz pou bann dimoun kot *Music Stadium* sa nou ava kapab regard ladan. Mersi.

MR SPEAKER

Mersi Minis. Onorab Uranie.

HON ROCKY URANIE

Mersi Mr Chair. Bonzour Minis avek ou delegasyon, tou koleg Onorab e tou Digwa ki a lekout. Minis mon vwar dan *revised budget* anba *programme 2* lopital e servis spesyalize, di annan 25.5milyon ki ti ganny mete pou novo konstriksyon Lopital La Digue?

So mon ti ava kontan konnen ki'n arive avek sa larzan? E pou 2022 mon vwar 55.5 milyon, vi ki nou ti sipoze ganny lopital atraver en *Grant* so mon ti oule konnen si sa larzan i sorti i atraver *Grant*? Mersi.

MR SPEAKER

Mersi Onorab. Minis.

MINISTER PEGGY VIDOT

Mersi Mr Chair. An vi ki i larzan ki i vin konman en *Grant*, mon ava demann SS si i kapab eksplike silvouple.

MR SPEAKER

SS *please*.

SS PATRICK PAYET

Mersi Mr Chair. Mersi Onorab. Mr Chair parey mon'n eksplike pli boner ki vi ki sa larzan i en nou'n met li konman en *Grant* i en donasyon. Si sa proze i an retar, ouswa pa pe ganny enplimante, sa larzan i *net off* dan Bidze, akoz i pa pe ganny reflekte anba reveni. E ou pa pou vwar li anba depans osi.

So sa parey letan parey pou sa lannen letan nou pou fer *annual financial statement* ou pou vwar sa kantite ki'n ganny enfekte sa lannen, ou pou vwar li *properly*. E dan lannen prosenn osi menm parey si par egzanp nou pou bezwen met larzan adisyonnal letan *during the Mid-year Review* sa i pou ganny reflekte anba reveni anba don, ki resevwar e anba depans osi.

So i en *net off* dan Bidze menm si sa larzan nou *appropriate* li dan Bidze. Mersi.

MR SPEAKER

Mersi SS. Onorab Bastienne.

HON DESHEILA BASTIENNE

Mersi Mr Speaker. Bonzour Mr Speaker. Bonzour Minis ek ou delegasyon. Minis vi ki nou ankor dan pandemik *COVID* e la ankor nou vvar en lot laform ki pe konmans ravaz lemonn, nou pa konnen kot nou pou debout nou Sesel.

Dan *IPC Unit* pou lemoman nou annan zis de *staff*. Vi ki *IPC Unit* i en seksyon ki vreman enportan, eski dan sa Bidze zot pe mazin ogmant ankor enn de *staff*, pou ede soulaz *workload* sa de *staff* ki la pou lemoman?

Mon dezyenm kestyon, se ki ler mon pe get dan ou bann *headings*, dan sa Bidze i koz bokou lo *specialized services* e ler nou koz *services* i al avek prevansyon.

E mon pou demann ou ki vi k i dan *outside services* nou pou tous lanbilans ki i *involve* drayver, *paramedic* avek *porter*. *Paramedics* zot, zot al lekol zot ganny zot formasyon, zot menm *graduate*.

Be ler nou get en *porter* en drayver zot zis vin kot Minister Lasante zot *apply* sa pos zot gannyen.

Be atraver sa zefor ekstra, ki Minister pe met lanfaz lo la, eski zot ti pe mazin annan en formasyon pou bann drayver ek *porter* pou zot kapab pli byen desarz, zot responsabilite spesyalman letan zot al fer bann travay kot lakour e menm letan zot al lo en *scene* aksidan.

E osi mon ti ava demann ou, dan sa lespri anmenn servis lasante pli pre dan kominate, ki dan Bidze in mansyonnen, eski zot annan okenn plan fasilite pou en gran distrik parey Perseverance pou tir sa presyon lo klinik La Rivière Anglaise. Mersi.

MR SPEAKER

Mersi. Minis.

MINISTER PEGGY VIDOT

Mersi Mr Chair. Mersi Onorab pou ou kestyon, Onorab *IPC* i en keksoz ki i antye dan tou servis lasante. I vre i annan de dimoun ki pe travay lo nivo santral kot zot, zot pe travay avek lezot dimoun ki dan Polisi pou devlop serten Polisi e pou fer keksoz.

Me dan sak landrwa i annan sa ki nou dir e *focal point*. En dimoun ki'n ganny

lantrennman e ki annan zot anba zot responsabilite pou zot regard *IPC* dan sa limite kot zot, zot travay. Alor i pa louvraz de dimoun i louvraz en kantite dimoun e *throughout* sekter lasante an antye.

Lo laspe *specialized services* ki ou pe regard koman nou pe regard lanbilans, drayver, *porters* avek *paramedics*, wi nou pe revwar nou servis lanbilans, ki mannyer nou pou fer li e ki kalite dimoun ki pou pe travay dan sa bann servis.

I esansyelman i pa neseser ki tou sa bann dimoun in al dan en laklas pou fer sesyon parey *paramedic*. Me i annan detanzaot parey nou'n dir diferan kalite *training*.

Par egzanz dan sa peryod, ki nou ladan tou sa bann dimoun in ganny *training* lo *IPC*, ki mannyer zot pou servi diferan proteksyon, ki mannyer zot pou protez piblik. En kantite dimoun in ganny *training* lo ki mannyer pou donn sa *basic life skill, life support*. Savedir sa *first aid* letan zot ariv lo en swen.

So nou pe revwar bomaten nou'n dir dan Minister Lasante, nou pe revwar sa laspe lantrennman konplet. Pa zis pou bann dimoun ki annan en

bann profesyonnel me pou tou dimoun ki travay dan Lasante.

Mon eskize mon pa'n tro konpran ou dernyen kestyon lo Perseverance, si ou pa ti ava *mind* repete silvouple.

MR SPEAKER

Yes Onorab.

HON DESHEILA BASTIENNE

Wi Minis ler mon ti pe lir en pti pe dan bann detay la, i annan sa bout a de repriz mon'n bat avek kot i dir zot oule zot in anmenn servis pli pre ek lakominote. E mon ti pe mazinen ki vi ki Perseverance i en gran distrik, mon pe demande si eski zot ti pe konsider en facilite osi tre byento, akoz zot tou sa bann dimoun i desann lo lopital kot klinik *English River* e pou tir en pti pe sa presyon. Si zot annan okenn plan enstal e facilite Perseverance. Mersi.

MR SPEAKER

Mersi Onorab. wi Minis.

MINISTER PEGGY VIDOT

Mersi Onorab. Anmenn servis pli pre dan lakominote i pa toultan *translate* pou nou annan en lenfrastriktir. Lefe ki nou al dan lekol nou kapab al dan lekol pli souvan. Lefe ki nou al dan kominote, pou fer

bann diferan travay ek lafanmir i osi anmenn servis pli pre.

Me pou lemoman la nou napa en plan konkret lo en enfrastriktir pou Perseverance li menm. Mersi Mr Chair.

MR SPEAKER

Mersi Minis. Onorab Georges.

HON BERNARD GEORGES

Mersi Mr Chair. Mr Chair mon pran laparol briyevman dan de sirkonstans. Premyerman konman *LGB* mon ti ava kontan zis pran sa lokazyon pou remersi Minis, Dr Louange ek zot tim e osi Dr Gedeon ki mon pa'n ganny sans remersye taler.

Ansanm avek zot *staff* pou sa travay egzanpler ki zot in fer dan sa dernyen lannen e ki nou espekte ki zot pou fer ankor dan sa lannen ki pe vini.

(APPLAUSE)

HON BERNARD GEORGES

Mon krwar Mr Chair, anmezir ki nou rekonnnet travay nob e zefor, ki *staff* atraver bann Minister Lasante i fer, nou bezwen osi rekonnnet *leadership* bann ki *lead* zot. E ozordi mon ti ava kontan ki sa i al lo rikord.

E dezyenmman antan ki MNA Les Mamelles ti ava

kontan Minis e Dr Louange ankor enn fwa eksprim mon lapresyasyon, pou sa klinik ki dan mon distrik e ki fer en travay tre, tre byen.

Mon profite a sak fwa ki mon bezwen al vvar en dokter pou al dan mon klinik, e mon kapab dir ki mon ganny pa akoz sa ki mon ete me mon regarde otour mwan. Mon ganny en tretman ekselan *including* sa semenn ler parey mon fer regilyerman mon'n al pez mon tansyon. Mon ti ava kontan dir mon napa tansyon.

Mon konnen ki klinik Le Mamelles i annan en gran *catchment* k i konmans dpi Cascade ki vin ziska Plaisance e bann travayer i anba bokou presyon.

Me ankor enn fwa mon ti ava kontan Mr Chair met lo rikord ozordi nou lapresyasyon pou travay ki tou bann dimoun ki travay dan klinik i fer, e mon remersye zot pou sa travay. Mersi Mr Chair.

MR SPEAKER

Mersi Onorab Georges. Mon'n mank ou Onorab Cosgrow? Ok wi si mon'n mank ou yes ou kestyton.

HON WALLACE COSGROW

Mersi Mr Speaker. mersi mon annan en kestyton lo 3

laliny spesifik Bidze premye konsernan sa *information system*, ki Onorab Mondon ti'n leve. Mon ti anvi zis konnen si lekel sa lakonpannyen si i posib pou dir si lakonpannyen Seselwa ouswa etranze? E si i annan en *after sales service* ki pou an zwe ek kontra, akoz nou konnen si i ariv problemm ki nou pa vwar nou nou'n aste en sistenm ser e apre nou pa kapab *operate* li.

Dezyenm i lo laliny mon vwar R600 mil in ganny mete pou *transport unit* dan *building and infrastructure*, eski sa i pou kot seksyon lanbilans laba akoz mon konnen ti annan serten komikman i annan kantite konplent akoz kot zot ete kot zot baze laba, i pa neseserman *conducive* pou zot *operate* sa loperasyon ki zot pe fer.

E trwazyenm i konsernan *haemodialysis unit*. Boner sa lannen Prezidan ti dir ki negosye en rediksyon dan kou dyaliz.

Me par kont ler mon pe get Bidze la i sorti 55milyon i mont 55milyon 900mil preski R1milyon an plis.

Eski sa i reflekte en rediksyon, ouswa i pa'n materyaliz ditou sa rediksyon? Mersi bokou.

MR SPEAKER

Mersi Onorab Cosgrow. Minis.

MINISTER PEGGY VIDOT

Mr Chair mon ava reponn sa dernyen kestyon lo dyaliz. Apre mon ava demann Dr Louange pou reponn sa de premye kestyon.

Wi in annan en promes ki kou dyaliz operater ti'n dir avek Prezidan i ava donn nou pou \$175 omye \$200.

Me apre diskisyon letan i pe sa i pou ganny enplimante, in annan lezot keksoz ki li in *bring in*, keksoz ki oule nou abzorbe ki tir lo zot kou. E finalman letan nou regarde i pa neseserman vin 175 i pe keksoz ki i pe demann nou pou nou *take over* i vin plis ki sa \$25 ki li i pe retire.

Me nou ankor an diskisyon e semenn prosenn sa dimoun pou isi kot nou pou annan ankor plis kestyon lo la pou nou vwar. I pa zis dir nou i 175 kontinyen parey i ti ete me i 175 si ou, ou pey sa, si ou, ou pey sa si ou pey sa. Alor pou lemoman i ankor lo son 200 parey i ti ete oparavan. Mon ava demann Dr Louange.

MR SPEAKER

Dr Louange wi.

**CEO HEALTH CARE AGENCY
DANNY LOUANGE**

Mersi Mr Chair. Mersi Minis. Mersi Onorab pou ou kestyon. Wi pou klarifye nou *health information system*, e li, li osi pe ganny fer *through en line of credit*, en *loan*.

E sa pa Gouvernman *L'Inde*. E zot parey ek *Exim Bank* nou komunikasyon avek *Exim Bank* zot ki pe zer sa *fund*.

E mon kapab dir ou nou annan premye lot bann lekipman ki nou bezwen fer, sa depans lo sa *loan* i annan bann regilasyon ki nou bezwen swiv. E enn parmi sa bann regilasyon SS Payet i kapab klarifye e ki nou bezwen angaz en lakonpannyen *Indien* pou *procurement software* avek son *hardware* osi.

Hardware i annan de konponan i annan bann *network* avek son bann *peripherals* parey bann *computers, printers and so on*.

Nou pe travay pre avek *DICT* e pre avek Minister Finans pou nou kapab zer sa proze.

E pou sa *software* in fini ganny *awarded*, nou'n fini konmans travay e nou'n deza anonsé ki *Manorama Info company* ki pe travay avek e zot in deza konmans travay ek nou, e zot in ti'n vini zis avan *COVID*,

e zot bezwen ale en *project* en *team* ki ti isi ti pe travay ek nou.

I annan sa lot konponan *periphery - peripherals* avek *computers hardware* ki nou'n fini fer sa bann *tendering process* in ganny fer. Me akoz mon krwar nou pa pou kapab devwal zot non akoz zot pa ankor fini sa *process*. Me selman i en lakonpannyen *Indien*.

Me par kont bann *installation* pou bann sa bann *network facilities* parey *server*, sa bann *fiber optics cable*, sa nou pa angaze en lakonpannyen lokal e sa i atraver en *proper procurement process*. Savedir nou'n bezwen *tender it out and so on*.

E bann konpannyen ki'n pran par zot okouran, e nou pa'n ganny okenn konplent dan sa *process*. Mon krwar mon'n adres tou -.

Wi prezan non zis pou osi dir wi *after sale service*, nou osi dan nou Kontra avek sa *Manorama* nou annan en *after sale* pou 2an apre ki zot in enstale, zot pou ed nou, zot pou la pou fer sir.

Me apre sa 2an parey tou bann *software system* i annan en 10poursan *annual maintenance fee* ki ou bezwen peye.

So sa nou pou travay avek Minister Finans pou nou bidzet sa 2023. Sa i pou antre dan nou Bidze pou 2023.

Sa 600mil, mersi pou rekonnet sa, wi nou sin annan bann priyrite dan lepase la i enn bann priyrite pou 2022 pou nou kapab aranz sa servis sa landrwa pou bann drayver parler zot reste la 24er i annan ki fer dormi la osi. Nou bezwen amelyor sa pou nou kapab donn nou *staff* en pli bon lanvironnman pou zot travay. Mersi Onorab pou ou kestyon.

MR SPEAKER

Mersi CEO. E mon krwar la mon'n bezwen kouver tou dimoun. Alor nou ava pran vot lo Bidze *Health Care Agency* ki lo paz 382 ziska 402 pou en total R1bilyon 133milyon 839 mil.

Manm ki vot an faver lev lanmen silvouple? Byen tou Manm in vote. Mersi Madanm Clerk.

Vot lo Bidze *Health Care Agency* lo paz 382 ziska 402 pou R1bilyon 133milyon 839 mil 32 Manm in vot pour, 0 kont, e 0 abstansyon. So sa Bidze in aprouve a linanimite.

Mon remersye bann Manm pou donn sa sipor inanim pou Bidze bann antite ki konsern Lasante.

Nou annan 4 lorganizasyon ki lye avek Minister Lasante ki nou'n dakor pou pa debat lo zot Bidze, me kantmenm nou bezwen vote e aprouve. E pou nou pa zis lev lanmen, mon ava demann Minis pou dir de mo lo sak sa bann antite avan nou vote. Premye Seychelles Nurses and Midwives Council lo paz 398 ziska 402 pou en Bidze R1 milyon 318 mil. Minis ou kapab zis enform nou piblik en pti gin lo ki zot fer.

SEYCHELLES NURSES AND MIDWIVES COUNCIL

MINISTER PEGGY VIDOT

Mersi Mr Chair. Seychelles Nurses and Midwives Council i sa antite ki annan manda pou zot protez piblik, par fer sir ki tou dimoun ki servi sa mo non tit ners ek *midwives* in ganny lantrennman apropriye, e ki zot konpetans i reste valid pou zot kapab kontinyen rann servis nou *nursing* avek *midwifery* dan Sesel.

E zot fer sa par met standar dan *nursing practise*, dan *nursing education* e fer sir i zot *monitor* lekel ki pe fer *nursing* dan tou letablisman dan Sesel k i prive ou si non piblik. Mersi Mr Chair.

MR SPEAKER

Mersi. Manm ki aprouv zot Bidze R1milyon 378mil lev lanmen silvouple? Mersi.

Bidze pou *Seychelles Nurses and Midwives Council* lo paz 398 ziska 402 pou R1milyon 378mil, 32 Manm in vot pour, 0 kont, 0 abstansyon.

HEALTH PROFESSIONAL COUNCIL**MR SPEAKER**

Health Professional Council lo paz 403 ziska 406 pou en Bidze R1milyon 271mil. Minis.

MINISTER PEGGY VIDOT

Mersi Mr Chair. *Health Professional Council* i osi sa antite regilatwar ki regard e aprouv tou bann *health professionals* ki swiv en programm letid ki anmenn zot en kalifikasyon profesyonnel dan Sesel. Zot osi zot protez piblik par fer sir ki tou sa bann dimoun ki pe travay dan anba sa bann profesyon, in resevwar en *training* apropriye ki donn zot sa konpetans pou zot *practice* dan sa domenn ki zot ladan.

E nou pe demann en Bidze R1milyon 271mil pou tou sa

group ki'n travayer ki nou apel *Allied Health*. Mersi Mr Speaker.

MR SPEAKER

Mersi Minis. Manm ki an aprouv sa Bidze lev lanmen silvouple? Mersi. Bidze pou *Health Professional Council* lo paz 403 ziska 406 pou en R1 milyon 271mil 32 Manm in vot pour, 0 kont, 0 abstansyon. Zot Bidze in aprouve par Lasanble.

NATIONAL AIDS COUNCIL**MR SPEAKER**

National Aids Council Bidze lo paz 407 ziska 410 pou en total R3milyon 846mil. Minis?

MINISTER PEGGY VIDOT

Mersi Mr Chair. *National Aids Council* in ganny set-up anba en Lalwa e zot manda prensipal se pou vreman travay pou anpes *HIV/AIDS* devlope bouze dan Sesel. E fer sir ki tou programm ki adres *HIV/AIDS* dan Sesel in ganny kordinen e ki prevansyon sa maladi i vreman ganny vwar dan tou servis ki Lasante Piblik i donnen osi byen ki lasante dan prive.

E zot fer sir ki zot *monitor* kan mannyer sa pe ale e fer sir ki tou keksoz ki nou bezwen pou prevansyon sa maladi osi

non pou adres sa maladi i la, an menm tan ki zot ede pou travay avek bann diferan gran organizasyon aletranze, pou nou kapab donn bann donne neseser bann data k i enform devlopman Polisi global lo *HIV and AIDS*. E pou sa nou pe demann en Bidze R3milyon 846 mil.

MR SPEAKER

Mersi Minis. Manm ki aprouv sa Bidze, lev lanmen silvouple. Mersi. Bidze pou *National Aids Council* lo paz 407 ziska 410 pou R3milyon 846 mil, 32 Manm in vot pour, 0 kont, 0 abstansyon. Bidze in aprouve par Lasanble.

SEYCHELLES MEDICAL AND DENTAL COUNCIL

MR SPEAKER

Seychelles Medical and Dental Council, lo paz 411 ziska 413 R918mil. Minis.

MINISTER PEGGY VIDOT

Mersi Mr Chair. *Seychelles Medical and Dental Council* i osi sa *regulatory body*, ki'n ganny etabli anba en Lalwa pou ankor prezerv protez piblik, par fer sir ki tou dantis e tou dokter ki *practice* dan Sesel, zot

in ariv en nivo konpetans ki permet zot fer sa.

E ki zot kontinyen montre atraver diferan keksoz ki *council* i met an plas ki zot *practice* i reste kouran e zot pe fer sa ki fodre zot fer. E an menm tan ede pou *set standar* pou *practice medicine* avek *dentistry* da Sesel.

An menm tan zot annan en fonksyon ki pou ede *investigate* ki annan okenn soz *malpractice* ki kapab ganny anmennen kot zot osi non *misconduct*.

sa i osi aplikab pou sa de lezot *Council* oparavan ki nou'n mansyonnen *Nurses* avek *Health Allied Professional*. Mersi Mr Speaker, nou pe demann R918 mil pou ed sa *Council* fonksyonnen. Mersi.

MR SPEAKER

Manm ki an faver sa Bidze silvouple lev lanmen? Mersi, Bidze pou *Seychelles Medical and Dental Council* lo paz 411 ziska 413 pou R918mil, 32 Manm in vot pour, 0 kont, 0 abstansyon.

Sa Bidze in aprouve par Lasanble. Mon remersye bann Manm pou zot partisipasyon ozordi e Minis pou travay avek nou lo sa Bidze e ou bann zofisyen Dr Louange e Mr Brutus

e osi SS Payet Mrs Pool ki avek nou touzour.

Nou ava regran travay apre midi. Nou en pti retar en pti dekalaz dan nou *schedule* nou ava konmans 2er en kar. 2er 15. Mersi e bonn apre midi tou bann zofisyen.

(BREAK)

MINISTRY OF YOUTH, SPORTS AND FAMILY

MR SPEAKER

Bonn apre midi tou dimoun. Bon nou'n ariv lo Bidze *Ministry of Youth, Sports and Family*. Madanm reporter ou ava apel delegasyon *please*.

Bon bonn apre midi Minis Marie-Celine Zialor *Minister for Youth, Sports and Family*. E dan delegasyon Minis mon *welcome* osi Mr Clive Roucou *Principal Secretary for Family*, Mr Ralph Jean Louis *Principal Secretary for Youth and Sports Department* e Mrs Patricia Ernesta *Financial Controller* pou sa Minister. E osi nou kontinyen annan avek nou SS Payet e Mrs Pool lo kote Minister Finans.

Nou ava pran premye Bidze, *Ministry of Youth, Sport and Family*. Apre nou pou swivi par lezot antite ki asosye avek sa Minister.

Sa Bidze pou *Ministry of Youth, Sports and Family* lo paz 213 ziska 218 pou en total R34 milyon 942mil. Minis mon ava envit ou fer lentrodiksyon lo sa Bidze.

DEPARTMENT OF YOUTH AND SPORTS

MINISTER MARIE-CELINE ZIALOR

Mersi Mr Chair. Mon ti ava kontan dir bonn apre midi tou bann Manm ki dan Lasanble e staff, e tou nou bann oditer ki a lekout.

Mr Chair eski nou ava kapab pran pou Departman *Youth and Sports* avan silvouple? Akoz i annan de Departman i annan *Youth and Sports* apre Departman Lafanmir.

MR SPEAKER

Dir mon ankor Minis, ki mannyer ou pe dir la.

MINISTER MARIE-CELINE ZIALOR

Eski nou kapab pran pou Departman *Youth and Sports* akoz in met ansanm Departman *Youth and Sports* apre pou Departman Lafanmir.

MR SPEAKER

Wi, nou kapab pran li koumsa. Nou pou vote Bidze tou ansanm, me selman nou ava pran kestyon lo sa Departman premye. Mersi.

MINISTER MARIE-CELINE ZIALOR

Ok. Mersi Mr Chair nou pe vin demann laprouvasyon pou Bidze en pti par anba 8milyon pour Departman Spor avek Lazenes pou lannen 2022, k ii en pti pe R200 mil par lao Bidze pou 2021.

E sa Departman son fonksyon in sanz en pe depi lannen pase. Nou'n sanz li ankor pou li konsantre lo bann Polisi e pou konsantre osi tou lo bann langazman ki bezwen ganny fer avek larestan Departman sirtou dan domenn kot lazenes i konsernen me osi pou spor. E avek sa pti lentrodiksyon akoz i Bidze ki pli kourt an Minister an antye apart Konsey Nasyonal bann Zanfan. Nou ava *welcome* bann kestyon. Mersi Mr Chair.

MR SPEAKER

Byen so parey Minis in demande nou ava pran seksyon *Youth and Sports* avan, apre nou ava pas lo lafanmir. Manm ki annan kestyon. Onorab Zialor ou kapab konmanse.

HON NADDY ZIALOR

Mersi Mr Chair. Bonn apre midi Minis avek ou lekip ki lo *panel*. Bref kestyon petet ki letan nou pe get bann *strategy priorities* sa ki mon al lo Bidze direkteman.

Petet Departman pour Sport ki fason an lannen 2022 zot pou pe mazinen pou ki sa Polisi lazenes i ganny vreman tous nou bann zenn ki lo baz kominoter e bann diferan Departman dan bann diferan brans Gouvernman, senpleman parske an relasyon avek bann *statement* ki'n ganny fer dan lepase ki 2022 pa pe ganny *feature* lazenes dan Bidze? Mersi Mr Chair.

MR SPEAKER

Mersi. Minis ou ava adres kestyon.

MINISTER MARIE-CELINE ZIALOR

Mersi Mr Chair. Mersi Onorab pou ou kestyon. Petet Mr Chair pou lo kote loperasyon pou enplimant bann proze plito Konsey Nasyonal pou Zenn, ki pe vini apre sa de Bidze ki nou fini avek.

Petet si nou kapab ek ou permisyon Mr Chair nou ava pran sa kestyon me selman si PS i o bor mwan i anvi reponn kestyon lo Polisi, mon ava

demann Mr Chair pou donn li laparol. Mersi.

MR SPEAKER

Wi *PS* i kapab fer repons la. E onorab Zialor zis mazin pou relev kestyon pli tar. *PS*.

PS YOUTH AND SPORTS

RALPH JEAN LOUIS

Mersi Mr Chair. Mersi Onorab. Bonn apre midi tou Onorab. Lo kote Polisi i lo kote lazennes, i lobzektif Departman pou promot sport dan kominate. E nou anvi fer en travay pli pre avek *NSC*, Gouvernman Lokal e menm *SNYC*, e sa bann antite ava vin ansanm ek *Local Government*, pou nou kapab travay pli pre pou anmenn plis benefis pou nou bann sitwayen dan distrik.

E nou lo kote Polisi nou pou asire ki i annan aksesibilite pou lenfrastruktir e pou nou evalye sityasyon e propoz solisyon avek sa bann antite. Mersi Mr Chair.

MR SPEAKER

Mersi. Bon pou lemoman Onorab Aglae.

HON EGBERT AGLAE

Mersi Mr Speaker. Bonn apre midi Minis ek ou de *PS*, kestyon petet pou *PS Jean Louis* ankor. *PS* petet an term

Polisi, mon konnen zot annan en pti Bidze R8milyon i pa en gran larzan pou zot kapab enplimant tou sa ki zot ti ava swe enplimante.

Me lefe i reste ki zot, pou sa *body* ki anmenn devlop Polisi an term regilasyon osi.

Petet ki zot pe mazin fer en pti pe an plis avek sa pti Bidze ki zot annan? Pou nou kapab redinamiz nou lazennes li menm kot i konsern *sport* e devlopman bann programm, ki fer ki nou ava vwar en pe la relev. En senp legzanp parey si demen Gouvernman i deside i dir be *ok* tou distrik i bezwen annan li de klib sportif dizon.

E zot met li dan en Polisi dan en keksoz koumsa. So en pe da sa laliny pou tir en pe nou bann zenn dan bann lenfliyans, so *PS* ou'n ganny sans koz en pti gin Sanmdi, so en pe dan sa laliny petet zot pe mazin fer de pou anvizaz sa arive. Mersi.

MR SPEAKER

Mersi. Minis ou repons.

PS YOUTH AND SPORTS

RALPH JEAN LOUIS

Mersi Mr Chair. Mersi Onorab. Parey dan nou diskisyon nou ti gannyen Sanmdi, nou lo nou kote Departman nou konsantre lo Polisi. E nou annan bann

zofisyé ki nou annan de anñefé
ki *deal* avek bann *monitoring*
bann Polisi si pe ganny
enplimante, dan lentere
lazenes.

E nou osi kontan pou dir
avek negosyasyon ki nou'n
annan avek Minister Finans,
nou'n kapab ganny Bidze pou
nou *recruit* en nouvo dimoun ki
pou travay dan Departman lo
kote resers. Lo kote programm
sa i en NSC ki fer programm e sa
i pou tonm dan son parey zot
kontan servi sa mo '*purview*' e
petet taler nou ava kapab
retourn lo sa size Onorab.
mersi. Mersi Mr Chair.

MR SPEAKER

Mersi PS. Onorab Henrie.

HON GERVAIS HENRIE

Mersi Mr Chair. Bonn
apre midi tou dimoun. Mr
Chair mon konsyan ki
programm pou sports i tonm
dan *per view* NSC.

Me solman lo baz stratezi
lefe ki priyorite stratezi la i 2022
ziska 2024 ki tonm byen avek
prosen Zwe Olenpik. E i deza
annan koze pou nou motiv nou
bann atlet pou Seselwa son
premye meday en bon rev.

Ki mannyer sa Bidze i pou
siport sa demars? Sa i mon
kestyon. Mersi.

MR SPEAKER

Mersi Onorab. Minis.

MINISTER MARIE-CELINE ZIALOR

Mersi Mr Chair. Mersi
Onorab pou ou kestyon.
Zisteman akoz nou'n sanz
louvraz nou pa'n fer de antite
fer menm keksoz. Sa Bidze la i
pou Departman kapab al fer
bann langazman zot dan zot
priyorite lannen prosenn se pou
al zwenn larestan Departman
lokal rezyonal enternasyonal
osi tou.

Parey nou'n vvar par
egzanp, sa tournwa foutbol ki
nou'n ganny organize, se
departman atraver sekretarya
Minis se Departman ki'n fer
avek Federasyon Foutbol avek
Gouvernman Sri Lanka, sa
bann fasilitasyon.

Apre prezan
lenplimantasyon e Federasyon
avek NSC. I sa bann kalite
travay partenarya ki sa Bidze i
pou fer zot vin en platform, kot
zot fer bokou plis langazman
travay kolaborasyon avek
larestan Departman.

Vandredi par egzanp nou
annan en *forum* avek *Blue
Economi*. Pou Youth and Blue
Economy i Departman ki
organize. Me selman apre
loperasyon rekondasyon i

pou SNYC ki pou pran ki pou rekomandante.

I zot, zot plito regard lo bann Polisi eski i pe sa bann rekomandasyon ki dan Polisi i pe ganny enplimante par bann diferan Departman lokal e regarde si napa se bann resours, si napa ase bouze lo kote enternasyonal par egzanp, pou zot al koz avek bann larestan antite, nou bann diplomat avek bann larestan lorganizasyon enternasyonal. Se Departman ki pe fer sa e avek sa Bidze ki nou pe koz lo la.

So i en louvraz en pe diferan ki zot pa ti pe fer avan, e lo kote *monitoring evaluation* prezan pou regard lenpak pa zis ki kantite ki ganny fer me lenpak pou zot kapab fer sa kalite mezir, e vwala akoz zot bezwen en lot dimoun ankor pou fer resers.

E i e pti pe mannyer travay diferaman e ki mannyer sa Bidze, pou ed zot pou zot kapab deservi. Mon pa konnen si mon'n kler Mr Chair, me selman sa i ki mannyer lafason ki nou pou fer sa arive. Mersi.

MR SPEAKER

Mersi Minis. Bon vi ki mon napa kestyon ankor lo sa Departman la, nou ava pran Departman Lafanmir, selman

Minis si nou annan letan nou ava kapab *entertain* ankor kestyon avan nou vot lo Bidze pou *Youth and Sports*.

Minis ou ava koz en pti gin lo Departman Lafanmir ek son Bidze silvouple.

DEPARTMENT OF FAMILY

MINISTER MARIE-CELINE ZIALOR

Mersi Mr Chair. Departman lafanmir son Bidze ki nou pe vin demann laprouvassyone Lasanble Nasyonal i apepre en pti pe par lao 27milyon. E i en logmantasyon apepre par anba 13milyon ki nou ti gannyen lannen pase.

E sa prensipalman se akoz si zot mazinen pli boner dan Lasanble nou ti vin *repeal 2 Act* Konsey pour Dezabilite e Konsey pour bann Dimoun Aze e avek labzorpsyon sa 2 Konsey sa in abzorb osi zot Bidze ki'n fer prensipalman sa logmantasyon pou sa Bidze.

E Departman Lafanmir i ase gran e son fonksyon osi I ase gran, i ase larz. Me son vizyon prensipal se pou anmenn bokou plis sa ki nou apel an Anglais '*empowerment*', savedir bokou plis ledikasyon, bokou plis devlop kapasite an

nou bann fanmir pou en meyer kalite de vi.

E avek sa Mr Speaker nou ti ava kontan ouver deba pou sa Bidze. Mersi.

MR SPEAKER

Mersi. Manm ki annan kestyon lo sa departman. Onorab Samynadin i kapab konmanse. Zis tenir lanmen en pti kou *please* silvouple. So

HON KELLY SAMYNADIN

Mersi Mr Chair. Bann apre midi avek ou delegasyon, tou mon bann koleg Onorab.

Minis dan zot *challenges*, mon'n vwar ki zot in mete ki zot pe ganny difikilte pou sanz persepsyon bann dimoun ki pe travay avek bann dimoun ek dezabilite Lo sa size *self-dependence*.

Mon ti ava kontan konnen ki kalite travay ki zot Departman pe fer lo sa size? E kwa ki zot pe kwa ki nou pe espekte vwar diferan an term ledikasyon an 2022, pou ki nou ava kapab vwar en sanzman lo sa size persepsyon?

E dezyenmman lo zot priyорite stratezik, enn zot bann priyорite se pou devlope enplimant standar regularize lo swen bann dimoun aze ek bann dimoun avek dezabilite. Si nou ti kapab ganny en pti pe plis

leksplikasyon lo sa size silvouple. Mersi.

MR SPEAKER

Mersi Onorab. Minis.

MINISTER MARIE-CELINE ZIALOR

Mersi Mr Chair. Mersi Onorab pou ou kestyon. Mon ti ava kontan adres sa kestyon PS Roucou ki i ava reponn. Mersi Mr Chair.

MR SPEAKER

Mersi. PS ou annan laparol.

PS FAMILY DEPARTMENT CLIVE ROUCOU

Mersi Mr Speaker. Bonn apre midi Mr Speaker. Bonn apre midi tou Manm Onorab. An relasyon avek premye kestyon an term *empowerment* lo bann dimoun an relasyon avek bann dimoun avek dezabilite. In fini konmanse nou bann ankadre in deza lo bann formasyon ki zot pe gannyen, lo ki ler spesifikman ler VTC pou ouver lannen prosen, zot pou'n pare pou zot ganny akomod nou bann dimoun avek dezabilite.

Nou'n deza annan *meeting* ki nou'n fer avek ledikasyon. Kot Minister Ledikasyon kot i ava pran sa bout ledikasyon

pou nou bann zanfan. E sa bout vokasyonnel Departman pou kontinyen pran sa responsabilite.

Alors sa bout *empowerment* i deza an mars e nou garanti ki pou annan sa sanzman lo nivo dezabilite e servis ki nou pe anmenn pou zot. Mersi Mr Speaker.

MR SPEAKER

Wi Onorab oule azoute?

HON KELLY SAMYNADIN

Wi mon ti annan de kestyon mon premye i ti an konsern sa size *self-dependence*.

MR SPEAKER

Mersi, PS pou repran la.

PS FAMILY DEPARTMENT **CLIVE ROUCOU**

Mersi Mr Speaker. Eskiz mon Onorab. Lo k ote *self-dependency*. So nou bann kour ki nou pe fer avek sa bann programm ki i annan an mars par egzanp de *next month*, nou'n deza annan 8 manrmay ki'n swiv *training* kot STA ki zot pou kalifye la le 3 Desanm. Kot zot pe ganny *empower* avek *knowledge, skills*, pou zot antre dan *mainstream* lavi toulezour.

So sa in deza an mars kot nou pe *train* sa bann dimoun

spesifik, avek zot lanvi spesifik pou nou kapab met zot dan *mainstream*. Mersi Mr Speaker.

MR SPEAKER

Mersi. Mon pa'n tro sezi lekel ki'n lev lanmen dan ki lord. So nou ava varye en pe. Onorab Lemiel.

HON SYLVANNE LEMIEL

Mersi Mr Chair. Bonn apre midi Minis avek ou delegasyon. Mon ti ava kontan konnen mon vwar anba *PSIP* e osi *non-financial asset, expansion of Old People's Home* Anse Royale. Sa i en proze ki en bon pe letan in ater pe mazin pou fer.

E mon vwar R3.4 milyon, pou sa lannen ki pe vini, in ganny met dan Bidze. Petet Minis mon ti ava kontan ganny en pe lesplikasyon akoz mon pa'n vwar sa plan mwan. Mon pa vreman konnen egzakteman sa *expansion* si dan ki fason i pe vin ganny fer.

E anba ki fon petet ki zot pe mazinen ki sa travay kot *Old People's Home* Anse Royale pe al ganny fer. Mersi Mr Speaker.

MR SPEAKER

Mersi Onorab. minis repons.

MINISTER MARIE-CELINE ZIALOR

Mersi bokou Mr Chair. Mersi Onorab pou ou kestyon. Ankor mon ti ava kontan ki *PS* Roucou i adres sa kestyon. Mersi.

MR SPEAKER

Mersi wi *PS*.

PS FAMILY DEPARTMENT CLIVE ROUCOU

Mersi Mr Speaker. Mr Speaker an term pou lakaz *Elderly* pou Anse Royale dan proze ti deza annan sa ekspansyon 6 lakaz an plis. Me dan proze ti annan en lot keksoz nou ti pe mazinen pou met en *half way home* ansanm. Me apre diskisyon nou'n elimin sa *half way home* nou pa pou anvi i vin avek *Elderly Home*.

Me selman sa 6 lakaz an plis pou la. Nou ti annan en pe problemm avek drenaz of kot pou *allocate pi perdi or safety tank*. Tousala i deza dan demars e sa proze sa 6 lakaz i pou an mars lannen prosen.

MR SPEAKER

Wi Onorab klarifye.

HON SYLVANNE LEMIEL

Mersi Mr Chair. Mersi *PS* pou ou larepons, anba ki fon in demande i pe sorti. Akoz anba

avan mon ti konnen *India Grant*, la mon oule konnen si i pe ganny *finded by Government* li menm.

E apre *Minister* petet mon ti pou kontan vwar sa plan, akoz kote distrik nou pa'n vwar ditou sa plan nou. Petet ti ava bon nou ganny en *view of* sa plan li menm. Mersi Mr Chair.

MR SPEAKER

Mersi. Wi lekel ki pou adrese Minis *PS* kontinyen. *PS* wi kontinyen.

PS FAMILY DEPARTMENT CLIVE ROUCOU

Mersi Mr Speaker. Onorab ankor nou pe al dan *Grant* pou nou finaliz sa. Plan nou ava fer le neseser *ok*.

MR SPEAKER

Mersi. Onorab Bistoquet.

HON ROSIE BISTOQUET

Mersi Mr Speaker. Bonn apre midi Minis avek ou delegasyon. Bonn apre midi tou Onorab. Minis mon pe get anba ou portfolyo, ou mon krwar i en departman ki responsab en gro porsyon lavi i men kot nou dir '*quality of life*'. Lavi kalite lavi en fanmir.

Vi ki nou konnen poudir mon pe get anba ou bann larestan *PIP*, avek bann larzan

ki mon'n trouve, mon pa vwar gran keksoz kot i konsern *quality of life*. Petet ou'n anglob li dan serten pou vin dan serten provizyon ouswa stratezi.

Nou annan nou bann zenn, nou annan nou bann madanm, nou annan nou bann zom, ki zot in ganny gate par sa drog pou en bon pe letan.

E zot menm zot, zot napa en *quality of life* devan zot, e mon ti ava kontan konnen ki ou Minister pou anmennen vizavi refer zot revwar zot dinyite, refer zot kapab viv dan en sisyete kot zot kapab travay reoran zot lavi normalman.

E sirtou pou zot kapab pou anmenn en lavenir pa zis pou zot bann manman bann papa bann zenn. Me osi pou sa sisyete ki i bezwen zot en kantite parey nou manifesto i dir, "Sesel i pou tou son zanfan." Mersi.

MR SPEAKER

Mersi Onorab. Minis.

MINISTER MARIE-CELINE ZIALOR

Mersi Mr Chair. Mersi Onorab pou ou kestyon. Tou sa ki ou pe dir ladan i deza dan programm e lalis bann diferan aksyon, ki letan Departman Lafanmir pe de sezi son

plandaksyon pou lannen prosenn, in fini met ladan.

Be parey ankor nou pe sorti sa fason tradisyonnel kot Gouvernman i met larzan pou fer tou keksoz. Nou annan pa mal parey nou'n vwar la, nou ti vwar avek *elderly* la avek en prive ki ti vini pou lezot kapab vin ede, konsernan swen pou bann dimoun ki lipye avek dyabet.

Nou pe ankouraz bokou sa, e sa Bidze la i pou fer fasilitasyon pou fer en platform, pou tou sa bann larestan dimoun avek NGOs ki anvi vini pou zot kapab vin donn lanmen donn en koudmen pou nou kapab amelyor kalite de vi.

Letan i met *quality of life*, i pa vedir ki Departman Lafanmir pou fer tousala pou *improve quality of life*. E i enkli osi tou par egzanp kekfwa dan Bidze Gouvernman Lokal ouswa lezot, bann bout osi kot i annan bann kolaborasyon ki ganny fer, pour ki sa bann proze sa bann programm i kapab enplimante i pa neseserman i toultan i bezwen sorti en gro sonm larzan anba sa Bidze.

E nou pe rod en fason en pti pe pli *smart* en fason en pti pe pli efikas pou nou kapab servi sa Bidze ki nou annan nou konnen poudir napa bokou la,

ki nou kapab servi li pli byen.
Mersi Mr Chair.

MR SPEAKER

Mersi Minis. Onorab
Aglae.

HON EGBERT AGLAE

Mersi Mr Speaker. Minis mon ti ava kontan en pti leklersisman letan donnen ki sa de Konsey *Disabled* avek *Elderly* in vin anba *Family*.

Premyerman petet en leklersisman lo kote bann reprezantan ki ti annan pe travay avek nivo distrik ki ti annan bann komite, eski zot pe gard li dan en fason en pti pe pou annan sa kontak li menm li premyerman?

E dezyenmman ti annan en pti konponan ki mon rapel anba *Local Government* ki sa bann Komite ti ganny en pti lasistans osi, si ou kapab eksplik nou en pti pe en pti gin ki mannyer sa pou marse.

E dezyenmman kot i konsern zot Bidze menm tou le de programm mon vwar i annan sa *hire charges of vehicles*. Petet SS si ou kapab donn mwan en lesplikasyon, i annan en 150 mil enn 100 mil.

Eski zot pe lwe transpor an menm tan zot annan zot prop transpor an menm tan zot annan zot prop transpor?

Ouswa zot pe fer zot prop transpor ouswa zot pe fer bann provizyon pou annan zot prop transpor? Mersi.

MR SPEAKER

Mersi Onorab. Minis.

MINISTER**MARIE-CELINE ZIALOR**

Mersi Mr Chair. Mersi Onorab pou ou kestyon. Lo kote sa de mon krwar in en pe konfizyon lo sa de Konsey ki'n ganny *repealed*. I pa bann lorganizasyon ek bann lasosyasyon sa e mon ti ava kontan, kontan apre envit *PS Roucou* donn en pti pe plis detay lo ki mannyer nou travay avek bann lasosyasyon.

E bann lezot endividé ki annan bann regroupman ki swa i pe donn servis bann dimoun dezabilite, ouswa i pe don servis pou nou bann dimoun aze.

Sa Konsey ti en i en fonksyon administratif ki ti la, ki nou ti'n bezwen nou'n eksplike pa bezwen repet ankor, akoz nou'n bezwen abzorb sa bann paramet legal dan Departman.

I pa nou pa'n tir lasosyasyon okenn lorganizasyon. I ti zis sa parasol ki ti pe regarde ki reste ki la i avek Departman Lafanmir, ki mon ti ava swete

selman si *PS* Roucou atraver ou Mr Chair, i ti ava kapab eksplik bann travay ki pe ganny fer avek sa bann lezot group ki pe donn sa bann dimoun. Mersi.

MR SPEAKER

Mersi Minis. wi *PS* i kapab kontinyen.

PS FAMILY DEPARTMENT **CLIVE ROUCOU**

Mersi Mr Speaker. Mersi Onorab pou ou kestyon. Wi Mr Speaker parey Onorab in dir sa de Konsey in ganny abzorbe anba Departman.

Me travay anba lasosyasyon i reste an plas Lasosyasyon pou Dezabilite Lasosyasyon bann Dimoun Aveg, Lasosyasyon bann dimoun Sourd, *Alzheimer Association* e tou lezot lasosyasyon ki vize ver bann dimoun dezabilite zot ankor an fonksyon.

E nou Departman nou kontinyen travay ek zot. *In fact* de semenn pase nou'n dan en *meeting* avek tou bann lasosyasyon pou gete ki mannyer nou kapab armoniz zot striktir armoniz zot fason fer, an relasyon avek Departman Lafanmir kot nou, nou fasilit le neseser an relasyon avek zot.

So menm sa de konsey in ganny abzorbe. Travay avek bann lasosyasyon pa'n arete. Lasosyasyon e tou bann dimoun e lezot servis ki asosye avek dezabilite pou nou asire ki nou bann dimoun ki pe viv avek dezabilite, zot kalite de vi e i vin pli byen. Sa i kontinyen an progresyon e nou pou kontinyen konman Departman pou nou travay ek zot. Mersi Mr Speaker.

MR SPEAKER

Wi Minis in envit SS pou klarifye serten pwen.

SS PATRICK PAYET

Mersi Mr Chair. E bonn apre midi Mr Chair, tou Manm Onorab e tou dimoun ki a lekout.

Mr Chair sa kestyon spesifik lo *hire charges for vehicles* zot servi *mainly* letan zot vizit *Inner Island*. So mazorite letan zot pe fer bann vizit *Inner Island*. Mersi.

MR SPEAKER

Wi Onorab Aglae, klarifye?

HON EGBERT AGLAE

Yes en klarifikasiyon. *PS* Roucou mon konpran ou mwan. Sa ki mwan mon anvi konpran sa mannyer sa fonksyonnan pe deroule la. I

byen wi lasosyasyon mon konpran i pou egziste. Ki vedir ki ou pe dir mon la se ki tou sa bann, si i annan en komite lo labaz distrik *disabled* i pou tonm anba lasosyasyon, eski ou pe dir mon sa?

I parey sport, sport tou klib i tonm anba zot respektif apre NSC, apre ou annan. Eski ou pe dir nou poudir i pe mars dan sa laliny ? Kote ki Minister i tonbe avek zot li?

Akoz mon konpran par egzantp anba *Local Government* avan zot ti ganny sirtou en pti finansman, pou zot kapab *run* zot klib lo en baz *quarterly*.

Eski tousala pe sanze? Mon anvi konpran en pti gin sa.

MR SPEAKER

Mersi. PS pou pran laparol.

PS FAMILY DEPARTMENT **CLIVE ROUCOU**

Mersi Mr Speaker. Mersi Onorab. Onorab parey bann lasosyasyon zot annan zot, mon ava donn ou en legzanp. Zot annan zot programm spesifik. E nou osi tou konman departman ki responsab pou bann dimoun ki avek dezabilite. So akoz zot travay nou'n travay pros ek kanmarad tou zot programm ki zot annan spesifikman, nou vin avek zot pou nou vvar ki

mannyer nou kapab fasilit sa programm spesifik.

Me par kont nou konman Departman nou reste sa parasol ki kontinyen kouver zot. So par egzanp si en lasosyasyon in fer programm ki i bezwen en transpor, parey i bezwen bis, nou Departman nou annan en bis nou kapab asiste zot avek. Me nou kontinyen travay tre pros avek zot programm e zot konman en lasosyasyon. Mersi.

MR SPEAKER

Wi Minister oule azoute.

MINISTER **MARIE-CELINE** **ZIALOR**

Wi mersi Mr Chair. Si mon pe konpran petet Mr Chair Onorab byen i pe demann sa bout Bidze ki ti apel *community life* kot *Local Government*. I ankor la li. I ankor laba kot *Local Government*, *Local Government* osi i ou konnen ki mannyer nou pe travay i napa bann gran, gran demarkasyon kot dimoun i annan, *this is what* nou fer fas avek ki nou pe sanz fason fer.

Kot dimoun i santi poudir i annan balizaz kot i krwar sa enn ki la pou li, sa enn ki la pou mon, sa enn ki la pa pou mwan. I ankor annan akoz nou konnen poudir dan kominote i bezwen

annan sa bann travay ki kontinyen fer.

Sa Bidze *community life* i ankor kot *Local Government* zot ti ganny asiste zot ankor kapab asiste, la prezan zot kapab osi kot Departman Lafanmir ki nou pe ede en kantite, vini en kantite i ganny led.

E parey la *British High* i ed bokou avek bann *Elderly Home*. I fer pou Plaisance i annan bann larestan tou ki nou pe negosye, ki *PS* nou pe negosye pou nou kapab ganny lezot lasistans. E sa i al e pou rod lekipman, tou sa bann keksoz kot nou *facilitate* asiste.

Be pou donn zot larzan *Local Government* i ankor annan sa Bidze. Si mon pa tronpe. Be selman letan zot vin dan Lasamble kekfwa ou kapab verifye. Mersi Mr Chair.

MR SPEAKER

Mersi Minis. Nou a ekout Onorab Naddy Zialor.

HON NADDY ZIALOR

Mersi Mr Chair. Bonn apre midi ankor enn fwa Minis. An premye lye permet mon pou felisit ou avek ou Minister pou sa travay e norm, ki pe ganny fer pou anmenn sa transformasyon e tranzisyon *mindset*; - sirtou kot i konsern sa de group dimoun dan nou

sosyete i pa fasil, i pa fasil ditou. Me i pa enposib.

Mon annan 3 pti kestyon pou benefis piblik. Enn se benefis piblik enn se *Disability Trust Fund*. I annan en alokasyon R400 mil ki pe ganny mete pou lannen 2022. Petet brefman ki bann group ki bann kategori bezwen ki zot Minister pe anvizaze kouver?

Dezyenmman i annan sa proze VTC, ki nou ti pe konmans travay lo la. Pou lenformasyon piblik ankor enn fwa petet, pou lannen 2022, ki dele letan pe mazinen ki sa programm li menm, sa batiman fizik pou reganny mete an fonksyon?

Trwazyenm ou'n koz lo *Elderly Homes*, petet brefman ki bann gro travay renovasyon i annan pou fer, e ki bann *homes* petet 2022 zot pe mazinen pou fer serten renovasyon lo la?

An pasan mon mazin Praslin ek La Digue. Mon rapel ti annan en proze Marie-Jeanne Estate ki ti pou fer en sant pou bann *elderly, plus* avek bann dimoun ki pe viv avek en dezabilite, eski sa i pou lo latab lannen prosenn? Mersi.

MR SPEAKER

Mersi Onorab. Minis.

MINISTER MARIE-CELINE ZIALOR

Mersi Mr Chair. Mersi Onorab pou sa 3 kestyon. Tou le 3 mon pou adres li akoz i bann kestyon loperasyon avek *PS* pou li donn nou en pe lenformasyon. Zis selman Mr Chair mon ti oule fer sorti ki Bidze *elderly* avek bann dimoun otreman kapab, sirtou pou *elderly* i pa zis pou *Elderly Home*.

Bann dimoun aze dan Sesel i parey bann dimoun ki dan *Home*. Zot bezwen osi mazinen osi letan nou pe regard sa Bidze, pou nou mazin bann dimoun osi ki zot osi zot in kontribye kantmenm zot pa dan *Home*, pou ki Departman osi i diversifye son bann servis i pa get zis bann dimoun ki dan *Home*.

Selman pou sa 3 kestyon mon ti ava kontan ki *PS Roucou* i donn en pe plis lenformasyon Mr Chair. Mersi.

MR SPEAKER

Mersi. *PS* ou kapab eksplike.

PS FAMILY DEPARTMENT CLIVE ROUCOU

Mersi Mr Speaker. Mersi Onorab pou ou kestyon. Premye kestyon an relasyon avek sa *Disability Trust Fund* -

wi Onorab sa R400 mil i la. E i annan sa tim ki'n fini met an plas ki bann dimoun avek *disability* kot zot bezwen en servis spesifik i kapab tap ladan, kot zot *apply from* nou divizyon ki responsab pou dezabilite. Sa i an term of lekipman, oubyen akseswar kot lakour.

Tou keksoz pe an plas e lavertisman pou konmans met lo medya kot pou tou dimoun konnen spesifikman ki mannyer zot pou fer pou zot *apply*. Me solman Polisi pe met an plas pou dimoun kapab tap ladan.

Dezyenmman VTC, VTC i osi tou, tou bann gro travay in an plas, proze in fini prepare. Negosyasyon in fini ganny fer avek lanvironnman an term avek sa lanmar spesifikman. E sa pon pou koup sa lanmar osi tou in fini ganny fer. *Drawing* in fini ganny fer pou sanz batiman entern pou vin pli *disabled-friendly*, nou pe zis pare la pou *apply for Grant* pou nou konmans tou proze. Mersi Mr Speaker.

Non sorry i annan *Elderly Home* Onorab, *in fact* pou *Elderly Home*, bann *Homes* ki'n fini ganny renovasyon se Anse Boileau avek Plaisance bann ki an renovasyon aktyelman la se Pointe Larue *Elderly Homes*.

E bann ki pou *maintenance* bann ptipti travay, mon annan La Retraite La Digue avek Anse Royale. Mersi Mr Speaker.

MR SPEAKER

Mersi. Mersi PS. Onorab Pillay.

HON SEBASTIEN PILLAY

Mersi Mr Chairman. Mr Chairman mon kestyon mon annan an relasyon avek sa Bidze pou Departman Lafanmir ki *relate* spesifikman avek bann dimoun ki annan dezabilite e bann dimoun aze.

Mon'n tann Minis koz bokou lo bann plan ki annan atraver son Minster, e mon'n fek tann li donn en bout lesplikasyon *regarding* sipor ki zot antisipe gannyen *from* an deor.

Me petet i kapab klarifye avek mwan ler mon pe regard Bidze, mon pa pe vwar vreman naryen ki sipoze siport sa bann plan ki Minis in donn nou. Akoz ler mon pe get anba zot *goods and services*, apart ki sa almagasyon Bidze Konsey for *The Elderly* e Bidze Konsey for *The Disabled*, mon pa pe vreman vwar anba Departman Gouvernman Lafanmir kote ki sa Bidze i sipoze vini pou zot

siport bann programm ek bann travay ki zot sipoze fer.

So petet klarifye ek mwan si mwan ki'n mal gete. Kote sa larzan i vini mon pa pe vwar li la. Apre Mr Speaker, petet mon kestyon pou Minister Finans an relasyon avek sa Bidze, mon ti ava kontan klarifye si se tou larzan ki nou mete an relasyon, avek par egzantipor ou bann dimoun avek dezabilite;- nou konnen i annan en lasosyasyon ki zot pe fer zot louvraz, me zot, zot pa *budget entity*.

Kote sa sipor adisyonnal pou vini dan Bidze, atraver ki format atraver ki form? Akoz ler mon pe gete Mr Chairman mon regard par egzantipor *Vocational Training Centre* i annan 2milyon. Ladan 1.6 milyon i al pou *wages and salaries*. Ler nou desann nou vwar i annan detrwa pti git larzan anba *minor capital outlays*. Mon pa konnen si sa pou permet zot remet *VTC on part* pou li rekonmans pran bann dimoun.

So petet Minis si ou kapab donn nou en pe lesplikasyon lo sa *minor capital outlays* an relasyon avek VTC. I annan R81mil ki ti sipoze ganny depanse, so kwa ki bann travay ki *entail* ek sa R81mil akoz zot in ganny dir poudir sa facilite

pa adekwat pou akey bann zenn.

E bann zenn, e bann paran ti konsernen ki lefe ki zot pa pe ganny sans met zot zanfan laba.

Mon dernyen kestyon i lo *Homes for the Elderly*. Ler nou pe koz *Home for the Elderly* Minis, bann landrwa kot bann *Homes for the Elderly* i ete par egzanp La Retraite par egzanp, bann teren otour sa bann *Homes* zot sipoze anba responsabilite lekel?

Eski i anba responsabilite sa Konsey mon krwar ti annan bann *Board* ki ti *run* bann *Homes* si mon pa tronpe avan. I anba responsabilite lekel?

Akoz par egzanp La Retraite obor sa novo facilite *SFA*, *as far I recall* teren *Home for the Elderly* ti extend beyond son boundary.

So la mwan mon'n tandem *SFA* pe vin fer ser ten proze. Eski ou kapab eksplik nou, si i annan nesesite pou fer ekstansyon lo *Homes for the Elderly* La Retraite par egzanp. Kote sa pou ganny fer? Eski zot annan teren pou fer okenn travay ekstansyon lo sa *Homes for the Elderly*? Mersi Mr Chairman.

MR SPEAKER

Mersi Onorab. Minis.

<u>MINISTER</u>	<u>MARIE-CELINE ZIALOR</u>
------------------------	-----------------------------------

Mersi Mr Chair. Mersi Onorab pou ou bann kestyon. I annan bann ki mon pou demann ki loperasyon ki *PS Roucou*, pou annan lenformasyon pou li donnent.

Mon krwar sa kestyon VTC, mon pa konnen si *PS* i annan adisyonnell. Selman mon krwar letan *PS* ti pe reponn ti pe donn kote proze i ete, in fodre amwen i annan en kestyon ki nou pa'n konpran kekfwa, petet Onorab i ava kapab redemande.

Me selman sa mon krwar *PS Roucou* in eksplike kote nou ete avek VTC. E kote proze i ete.

Lo kote sa dernyen kestyon ki'n demande lo kote teren, nou definitivman la. Departman i ansarz sa bann teren ki kot ki parey nou dir boundaries, kot sa bann *Homes* i ete. Si i annan okenn negosyasyon.

Akoz la ki pe arive avek novo lenfrastriktir Departman ki'n fer avek bann Polisi lo kote *MLUH as well* ki pe sanze. Nou pe ganny dir pou nou zwenn avek zot, pou regarde bann ekstansyon bann *Home*. Ouswa bann larestan servis pa zis La Retraite me partou atraver pei, kot nou santi nou

bezwen later, kot nou bezwen itilizasyon, pou nou kapab zwenn pou nou kapab negosye e kot nou regarde ki bann ekstansyon ki mannyer.

E nou pa kapab fer sa bann desizyon dan vid. I annan en divizyon dan Departman Lafanmir ki get popilasyon, ki pe fer resers, ki bezwen regarde vwala akoz letan nou vvar sa Bidze la i sa Bidze dapre bann lenformasyon bann resers ki bann keksoz ki nou pou kapab fer 2022. I annan bann keksoz ki nou bezwen fer 2023. E dapre priyorite osi tou pou nou kapab anmas en pe lenformasyon.

Akoz sa de Konsey ki ti la - mon ava donn ou legzant pou *elderly* zot Konsey nou fek *repeal* sa *Act* la dan Lasamble. E pou tou sa letan se *PS* avan *PS* Roucou ki ti bezwen *oversee* akoz ti annan zis en *Board*.

Ti napa vreman okenn antite ki pe regarde e i mank en kantite lenformasyon. E mon krwar taler letan Onorab Zialor in demann sa lenformasyon dan kote sa teren laba Praslin lo Marie-Jeanne Estate, tousala i bann lenformasyon ki nou'n bezwen al rode. Rode kote i ete ti avek sa enn ki la. Ti avek ek Pol, ti avek Bartelemi letan pou al rod tou sa bann lenformasyon.

Nou pa kapab zis letan nou dir ti ava bon *extend* tel landrwa nou bezwen regarde. Apre akoz i annan sa laspe prive. I annan bann dimoun ki pe vin devan. *Home care* ek *elderly care* tousala i annan en proze reform avek *World Bank* ki *PS* ki pe *Chair*, e sa i pe ganny fer en plan konpreansiv, ki bezwen pe ganny fer pou regarde.

E kote osi tou i annan bann *private care home* ki nou bezwen regarde, pou nou konsidere osi Sesel pou bann dimoun ki anvi tou.

E i annan osi bann larestan kekfwa model modernizasyon, ki nou bezwen konsidere e tousala i bezwen ganny fer ansanm avek *MLUH*, pou regarde ki demann vreman e ki kalite *care* ki nou pe nou pou vin avek dan lefitir.

E tousala i bezwen ganny *pace* byen lakantite letan ki nou kapab fer li. E i annan par egzant pou lo kote otreman kapab, letid pe ganny fer ansanm avek developman kominoter avek *SBS*. Pe regarde egzakteman ki demann e bezwen nou bann dimoun avek dezabilite, pou nou kapab konnen egzakteman kwa ki nou bezwen.

E sa en pe i sa Bidze i pou fer en bon pe sa li anmas

lenformasyon regarde e fer en pe resers osi pou nou vwar kote i ete sa bann led e sipor.

Mon ti pe fer resers *weekend* la zis en pti a pasan Mr Chair, lo bann teknolozi avek son avek lanmizik pou bann manrmay otizm, ki pe ganny devlope *Canada*. I sa bann keksoz enteresan kot nou pe fer regarde.

E dan lespas 3 mwan bann paran pe ganny bann rezilta kot bann zanfan pa ti koze ki zot pe koze, ou pa pou krwar, zot pe servi *Mozart* pou zot kapab fer sa, akoz dapre letid bann vyolans sa bann frekans, tousala ki pe devlope.

Nou, nou pe nou annan pa mal Lakor, e nou napa pa mal programm avek sa bann lorganizasyon kot nou pe bezwen konmans al regard ladan.

I annan bann, wi i annan bann servis bann plan kou term ki sa Bidze i adrese, me selman apre osi avek led ek sipor larestan dimoun dan lasosyete e larestan ti Departman ki pou kouver.

Be nou bezwen mazin osi pa zis ozordi, nou bezwen mazin avek lavansman teknolozi. Mazin nou bann stratezi ki mannyer nou anvi en servis ki pli kalite nou pe dir kalite servis apre ki pli avanse, pou nou

bann dimoun. E sa i en lot fason vwar sa. I en lot fason panse ki petet la si nou pa pe vwar nou pa pe konpran. Nou pe dir i annan en pti pe pasyans e nou pou kapab vwar sa bann rezilta.

E sa Bidze ki la nou i pa paret bokou. Par ler annan ler si ou travay dan en fason en pti pe pli *smart* ou pa bezwen gran kantite larzan pou fer keksoz. Ou bezwen kapab petet kekfwa fer plis resers koz ek plis dimoun. Rod en fason fer ki en pe pli efikas ki nou pe anmennen, pa neseserman i annan en kantite fwa ou vwar bann gro Bidze avek en gro kantite larzan, pa neseserman anmenn rezilta. E nou bezwen konmans mazin diferaman.

E pou sa bann larestan kestyon ki'n demande spesifikman mon krwar petet *PS Roucou* i ava kapab adres bann ki mon pa'n adrese, Mr Chair. Mersi.

MR SPEAKER

Mersi. Wi *PS* i kapab. E mon krwar ti annan en pti pwen ti'n ganny adrese pou *SS Payet* osi. *PS*.

PS FAMILY DEPARTMENT **CLIVE ROUCOU**

Mersi Mr Speaker. Mr Speaker an relasyon avek VTC. Parey mon'n dir travay pe ganny fer akoz nou vreman anvi ki VTC i vin operasyonnel *as* par lannen prosen. Tou nou bann *partners* i reste *committed*, espesyalman Departman *Planning* kot plan in fini ganny fer le nesesite *for* sa enn batiman ki pli for, pou aranz son entern pou vin pli *disabled-friendly* in fini ganny fer.

E mon kontinyen e mon divizyon i reste an kontak avek tou bann *partners* pou asire ki tou keksoz ki tonm an plas e *by next year*, mon anvi dir tou bann dimoun ki wi nou pou arrive, *attend* nou plan.

E an term pou bann *Elderly Homes*, ankor nou divizyon i pran responsabilite tou nou bann *Elderly Homes*, ki nou asire lo son bann fonksyonnan. Evalyasyon i kontinyen fer toultan e nou annan nou *profiling exercise* ki pe planifye pou nou ganny fer la, pou nou vwar kantite *elderly* nou annan.

E demann pou *Elderly Homes* i reste. *In fact* la pou Rivière Anglaise nou fek fini batir 4 lakaz ki tre byento nou pou donn dimoun ki lo demann. An relasyon avek *Elderly Homes La Retraite*. Mon konnen i annan son *fencing*, mon pa

konnen ki kantite par deryer ki *SFA* in antre. Tousala, i bann pwen ki mon kapab gete donn en larepons pli tar. Mersi Mr Speaker.

MR SPEAKER

Wi SS Payet ti annan sa pwen lo larzan ki annan.

SS PATRICK PAYET

Wi Mr Chair. Mon krwar Minis in adres en pe. Vi ki Minis in mansyonn en pe ki mannyer nou kapab fer plis avek mwens, e osi ki bann lezot opsyon enkli sekter prive, vwar bann lezot opsyon. E osi lo kote lasosyasyon, mon konnen letan nou ti vin prezant Bidze Vandredi i annan sa fon *Grant Application* ki zot osi zot kapab *apply* si zot annan okenn programm ki zot anvi fer.

So i annan bann lezot opsyon, i pa zis neseserman zis spesifik dan Bidze *Family Affairs*. E osi mon krwar Departman i travay konzwentman avek vann lezot Minister pou vwar i mannyer i anmenn sa *synergy* dan bann Polisi ek lezot bann stratezi. Mersi.

MR SPEAKER

Wi oule klarifikasiyon Onorab Pillay?

HON SEBASTIEN PILLAY

Wi Mr Chair mwan mon konpran tre byen fer plis ek mwens. Selman rezon akoz nou donn *Public Health Laboratory* R30milyon pou li aste lekipman ki i bezwen pou li servi.

So parfwa ou bezwen larzan pou fer keksoz. Mon kestyon ki mon pe sey met devan Lasanble, se ki nou pe aprouv en Bidze pou Departman Lafanmir e i annan de satelit enportan la.

Ou annan bann dimoun ki otreman kapab ki'n eksprim zot konsern lafason ki zot santi. Zot pe ganny *involve* enkli dan bann keksoz, e in annan bann dimoun ki *elderly*, ki nou tou dir nou bezwen dinyite.

Mwan mon pa satisfe ki dan en Bidze koumsa nou pa pe vwar naryen. Menm anba son *goods and services* nou pe rode kote bann sipor programm pou vini, *unless* nou al *piggyback* lo en lot Minister.

E Lasanble nou fek tann en SFA dir ek nou koumsa poudir teren pa ankor ganny transfer lo zot, teren pe al ganny transfer lo zot.

Ki teren egzakteman? Akoz nou annan en *Home* la ki ti deza annan son *boundary extend beyond* sa.

So that's why ki mwan mon pe *press* Minister pou pran

serten aksyon, se tou. Me mon klarifikasiyon spesifik Mr Chairman, se *given* sityasyon ki ou pe koz lo la e ou lentansyon se, prezant plizyer programm, me solman annan en pti Bidze.

Eski i annan lezot langazman ki ou Minister pe fer avek Minister Finans, pou zot ganny akse avek lezot fon atraver lezot fason, pou kapab ed sa bann programm? Mon pa pe koz sekter prive, akoz sekter prive fek sorti dan *COVID* zot osi la.

So eski Minister Finans i annan lezot opsyon – lezot avenues? Ou konnen par egzanp Anse Royale i en *Grant*. Eski pou materyalize sa lannen?

What is the position on the Grant? Petet Minister Chairman avek ou permisyon, eski SS Payet i kapab dir nou ki pozisyon lo sa bann *Grant financing* ki nou sipoze gannyen? Mersi.

MR SPEAKER

Mersi. Minis oule pas lo sa size kote larzan pou ete?

MINISTER MARIE-CELINE ZIALOR

Mr Chair, petet kekfwa pou eklersi 3ankor en pti pe. Mon konnen i pa fasil letan - nou'n sistenm i diferan la in

sanze. E petet kekfwa i annan bann keksoz ki parler nou pou bezwen les arive pou bann dimoun vwar dan plas kekfwa petet nou analiz en pti pe an tro lo la, ki nou pa pe espekte nouvo fason fer tou dimoun i dakor avek, ouswa tou dimoun i konpran.

Me selman garanti poudir lentera langazman pou sa de group dimoun lo kote Gouvernman, lo kote Departman Lafanmir, i definitivman la. Nou pe mazin tradisyonnelman pou vwar keksoz enportan fodre nou vwar en bon pe larzan ki *involve* ladan.

I tou depan lo ki plan, ki programm. Nou bezwen la pou lemoman met larzan lo fer sir nou annan nou en bon plan en bon programm 2022, pou sa de group dimoun. Nou pa kapab zis met larzan apre fer en kantite keksoz ki vin gaspiyaz apre. Parey detrwa fwa nou'n fer dan lepase, ki i pa'n vreman deservi sa de group lapopilasyon.

Letan nou'n vini nou pe rode be oli en *registry* par egzanp, ler i annan bezwen ki *World Bank* pe finanse atraver Finans, pou fer *social registry*. Nou pe *focus* lo fer sa annan en bon *social registry* pou nou regarde, fer sir ki nou konnen

egzakteman ki kalite servis, ki kalite bann prodwir sa bann dimoun i pou bezwen. E nou bezwen re garde osi parey pou 2022 nou bezwen get pou 2030.

E vwala ki lafason travay ki nou bezwen fer e parler wi mon konnen nou oule tou keksoz en pti pe deswit, pa tou keksoz ki i pou vin koumsa.

E pou sa de group dimoun, mon pou repet ankor Mr Chair, in telman tradisyonnель in telman ganny neglize dan lepase. La prezan pou ou al fer en keksoz ou bezwen get fondasyon avan ler ou ale ou al fer en lakaz, ou fer lakaz napa fondasyon, i pou grennen.

E mon ti ava kontan petet apre la pas laparol avek SS kekfwa si i annan okenn keksoz adisyonnel. Mersi.

MR SPEAKER

SS ou annan keksoz pou azoute?

SS PATRICK PAYET

Mersi Mr Chair. Mersi Onorab. *To be specific* lo sa proze pou Anse Royale, Minister tou bann Minister ki konsern sa *second call proposal* anba sa *Indian Grant* in fini soumet zot bann proze, nou'n soumet li avek Minister Foreign Affairs. I aktyelman zot pe *compile*

everything pou soumet avek Lanbasader *Indien*. E nou espekte *once* ki Bidze i konmanse lannen prosenn bann proze i demare. Mersi.

MR SPEAKER

Mersi SS. Nou ava pran kestyon Onorab Loizeau.

HON NORBERT LOIZEAU

Mersi Mr Speaker. Bonzour Minis ek ou delegasyon. Mr Speaker mon anvi demann de pti kestyon.

Vi ki dan *goods and services* lo kote *security and enforcement* an 2021, nou pa'n vvar okenn alokasyon, selman la 2022 nou vvar 2.4 milyon. Mon panse petet ti anba en lot *heads* mon pa konnen mon anvi en pti lesplikasyon lo la.

E osi mon anvi konnen ki kantite, si zot pa ti bezwen avan si la zot bezwen kantite *security firm* zot pe mazin donn kontra pou sekirite pou sa lannen?

Apre lo kote renovasyon, zot pe koz lo sa 3.4milyon pou Anse Royale. Mon anvi demande dan Bidze be lo kote renovasyon bann lezot *Homes eski* i annan en alokasyon mon pa'n tro trouve pou bann renovasyon bann lot *Homes konmsi?* Mersi.

MR SPEAKER

Mersi Onorab. Minis ou annan de kestyon la.

MINISTER MARIE-CELINE ZIALOR

Mersi Mr Chair. Mersi Onorab pou ou kestyon. Pou sa enn premye lo kote sekirite i pa ti aparet akoz i ti dan Bidze Konsey pour Dezabilite. La prezan i ki PS i ava eksplike, la prezan i vin dan avan ti napa anba Bidze Lafanmir sekirite ti anba pou konsey.

E lo kote renovasyon mon ava les avek PS Roucou. Mersi.

MR SPEAKER

Wi PS.

PS FAMILY DEPARTMENT CLIVE ROUCOU

Mersi Mr Speaker. Mersi Onorab pou ou kestyon. An relasyon avek premye kestyon pou sekirite. Ler mon'n pran lofis mon osi mon'n vvar ki i annan en gro Bidze ki ti pe ganny *allocate* pou bann *security firm*. In fact i annan 5 *security firm*, i annan 5 *security firm* ki pe ofer servis nou Departman e zot tou zot annan zot spesifikman kot bann *Elderly Homes*.

E zot bann kontra i varye depi R62mil par mwan ziska R27mil pli ba. So tousala nou'n deza annan negosyasyon avek

entern, pou nou revwar sa bann Kontra e *the way forward* pou *next year* lo zot kontra pe terminen.

Dezyenm parti kestyon an relasyon avek bann *homes*. Wi nou annan nou plan pou renovasyon, e parey mon ti dir ek Onorab avan, nou annan Pointe Larue, mon ava redir ankor Pointe Larue ki pe parsyelman fer renovasyon *Homes* ki'n fini konplet renovasyon, se Plaisance avek Anse Boileau. E bann ki annan *minor maintenances* pou ganny fer se La Retraite, La Digue avek Anse Royale. Mersi Mr Speaker.

MR SPEAKER

Mersi PS. Onorab Woodcock dernyen kestyon lo la.

HON WAVEL WOODCOCK

Mersi Mr Speaker. Bonn apre midi Minis. Minis zis pou *follow-up* avek kestyon ki Onorab Loizeau in demande. Mon pa'n tann ou mansyonn *Home Grand Anse Praslin*, akoz nou'n fer vizit laba ou'n vvar en pti pe son leta, alors si ou ti kapab donn nou en pti detay osi.

E mon lot kestyon kot i konsern - Minis sa kestyon Onorab Zialor demande. Sa

size in enn ki'n ganny diskite a plizyer repriz, pou plizyer lannen. Depi senkyenm sizyenm Lasanble nou vini nou pouse pou menm keksoz kot i konsern sa proze Marie-Jeanne Estate. Sa later ki nou'n gannyen Marie Estate ti annan plan ti'n fini drafte. *National Council for Disabled* ti annan en kopi sa plan, mon pa konnen si ou'n gannyen.

Me petet Minis ti kapab konfirm avek nou, akoz mon konnen ki ti annan en diskisyon ;- en Minis avan in deza dir nou poudir ti pou ganny *funded* par anba *India Grant*.

Eski ou pe konfirm avek nou poudir ki ler nouvo Gouvernman in antre ou ou'n vin Minis, i annan bokou bann dokiman konmsi napa rikord pou bann proze. I annan bann dokiman ki manke.

Se sa i *issue* akoz ki petet sa bann proze pa ankor, materyalize ziska prezan ou kapab donn ou pe plis lenformasyon.

Akoz *in draft form* mon krwar 10an a 12an depi sa proze pou *combine the elderly ansanm* avek bann dezabilite. Mersi.

MR SPEAKER

Mersi. Minis.

MINISTER MARIE-CELINE ZIALOR

Mersi Mr Chair. Mersi Onorab pou ou kestyon. Lo sa kote sa proze, i egzakteman parey ou'n dir, e ti avek mon krwar en konsiltan ouswa lezot dimoun, kot nou'n *trace* en pe lenformasyon. Mon ava regarde mon ava pas laparol apre avek PS Roucou pou li elabor en pti git lo la ki'n dekouver.

Selman nou'n napa okenn apart kekfwa, SS i kapab ed mon si i annan okenn PSIP ki'n deza vini lo sa kote pou proze Marie-Jeanne Estate pou *Indian Grant*, me solman in e finalman in fatige esper lenformasyon tay deryer lenformasyon. Nou pe dir be ou konnen kwa annou remet sa lo *drawing board*, annou preznan konmans en keksoz la si nou pa kapab vwar okenn lenformasyon. Mersi.

Me selman Mr Chair mon ti a kontan pas laparol kekfwa petet ek SS premye, i a reponn kestyon Marie-Jeanne si ti annan okenn PSIP, apre PS Roucou i ava reponn kestyon pou *Elderly Home* Praslin. Mersi.

MR SPEAKER

Tre byen ok. SS?

SS PATRICK PAYET

Mersi Mr Chair. Mersi Onorab. Mr Chair zis pou advise ki lo kote *Indian Grant* aplikasyon, nou pa'n zanmen vwar sa proze ganny soumet. Mersi.

MR SPEAKER

Mersi PS ou ava donn en dernyen mo.

PS FAMILY DEPARTMENT CLIVE ROUCOU

Mersi Mr Speaker. mersi Onorab. an relasyon avek *Elderly Homes* Grand Anse Praslin, ki ou'n *rightly said* ki nou'n deza fer vizit laba. E nou'n vwar ki *Elderly Home* Grand Anse Praslin i dan en kantite problem; kot nou'n vwar ki menm son koridor in desann, plafon in pouri. Ti napa *maintenance plan* avan.

E la en keksoz ki m on pe met en kantite lanfaz lo la, se ki nou annan en *maintenance plan* pou tou nou bann *Elderly Homes*.

Onorab mon garanti ou ki lannen prosen - boner lannen prosen Grand Anse Praslin pou ganny son renovasyon total. Mersi Mr Speaker.

MR SPEAKER

Wi klarifikasyon Onorab Woodcock.

HON WAVEL WOODCOCK

Zis mon anvi met sa lo rikord pou Lepep Grand Anse Praslin e mon asir e ki Onorab Gill pou agree avek mwan, ki bann Minis avan in anbet Lepep Seselwa kot i konsern sa proze, in koz mansonz avek nou. Mersi Mr Speaker.

MR SPEAKER

Mersi. Bon mon krwar napa repons lo la. Bon nou ava pran vot lo Bidze pou *Ministry of Youth, Sports and Family* lo paz 213 ziska 218 pou en total R34 milyon 942mil.

Manm ki an faver lev lanmen silvouple? Wi mon krwar tou Manm in vote. Vot lo Bidze pou *Ministry of Youth, Sports and Family* paz 213 ziska 218 pou R34milyon 942mil 26 Manm in vot pour, 0 kont, 0 abstansyon. Bidze in aprouve par Lasanble.

Bon nou pou bouz lo *next item National Sports Council*. Nou pou annan en sanzman delegasyon lekel ki mon pou dir orevwar la. Sa de PS. Well nou ava dir orevwar PS Roucou, mon krwar i lafanmir kote pou li in fini. Nou ava fer en pti poz pou *sanitizing please*.

(technical break)

NATIONAL SPORTS COUNCIL**MR SPEAKER**

Byen Lasanble i ava repran. Mon ava dir bonn apre midi byenveni Jean Larue *CEO National Sport Council*, e Ms Lisette Nolin *Senior Accountant* dan NSC.

Bidze pou *National Sports Council*, i lo paz 232 ziska 246 pou en total R72milyon 835 mil. Minis lentrodiksyon.

MINISTER MARIE-CELINE ZIALOR

Mersi Mr Chair. Sa Bidze pou Konsey Nasyonal pour Spor ki nou pe demann laprouvasyon. E parey Mr Chair in dir 72.8 milyon ki en logmantasyon i annan en logmantasyon 17.6milyon konpare avek 2021.

E lamazorite sa logmantasyon i prensipalman for goods and services ki apepre 7.8milyon logmantasyon e osi pou travel avek transportasyon ki 4.4milyon. Definitivman akoz nou annan pa mal bann zwe dan spor lannen prosenn.

E apre avek bann nouveau programm e nouveau stratezi ki nou pe anmennen vwala akoz sa Bidze in ogmante, e nou pe demann sipor Lasanble Nasyonal pou nou kapab ganny

sa rev nou premye meday Olenpik pou Sesel. Mersi Mr Chair.

MR SPEAKER

Mersi Minis. Nou a pran kestyon bann Manm. Mon pa tro sir lekel ki'n lev lanmen avan. Mon ava kommans avek Onorab Arissol. Mon krwar i ti enn parmi bann premye an tou ka.

HON SANDY ARISSOL

Mersi Mr Chair. Bonn apre midi Minis ankor enn fwa avek Mr Jean Larue.

Mr Chair pou Bidze NSC i en sonm 72milyon. E mwan mon anvi demann Minis zis en senp pti keksoz sa 72milyon mon pa oule bokou pou zabitan Bel Ombre.

Sa ki mon ti a kontan demann Minis, se nou bann facilite ki nou annan. Nou annan de facilite anba zot Bidze, ki nou bann zenn pozitiv ki pa dan drog i servi. Se nou laplenn avek nou kort *basketball*, ki loto i rantre, parske napa en bon facilite *fencing*, nou lalimyer pa alimen lo nou laplenn avek nou kort.

Silvouple dan 72milyon get nou Bel Ombre, *maintain* en pti git nou bann facilite pou nou bann zenn pozitiv kapab servi.

Mersi Mr Chair. Se tou ki mon pe demande.

MR SPEAKER

Mersi. Minis ou ti ava kontan reponn sa rapel?

MINISTER MARIE-CELINE ZIALOR

Mersi Mr Chair. Wi mon pou koz an zeneral akoz apre nou pou ganny *from* tou distrik. Pa zis Bel Ombre, be pou tou lo kote facilite selman kekfwa si Mr Larue avek sa Bidze ki nou'n gannyen, nou'n re organiz lafason ki mannyer sa bann facilite i pou ganny mentenir.

E nou konnen poudir sa i en gro, gro defi ki nou'n vin zwenn la kot NSC. Pou nou kapab aranze. Nou aksepte bann defi pou nou kapab fer sa. E Mr Larue i ava kapab konman *CEO* donn en pti pe plis lo kote stratezi NSC pou garanti ki nou bann lenfrastriktir sportif dan tou distrik, e partou kot nou annan ki i ava lo en oter kot nou bann zenn i ava kapab servi, ki i ava retir zot dan sa bann fleo. Mersi Mr Chair.

MR SPEAKER

Mersi. *CEO* pou azout keksoz la?

CEO JEAN LARUE

Mersi Mr Chair. Mersi Onorab pou ou kestyon pou Bel Ombre. Wi definitivman nou pou kontinyen fer nou travay pli byen *ok*. E vre nou'n toulstan annan en *time table* kot regilyerman nou pas dan bann distrik. E mentenir bann laplenn.

Me selman parey Minis pe dir nou ganny nou pa mal defi, akoz bann facilite sirtou *fencing* ki'n vye e i koute. Apre i bann sistenm lalimyer ki la ankor en pli gro problem, akoz bann pyes sa bann lalimyer ti en bann letan pase, so pou nou *procure* i pou annan en pe letan.

Me selman pou nou fer sir, nou reste *focus* pou fer sir nou reste *focus*, pou fer sir ki tou nou bann distrik nou sey met zot dan facilite lo en nivo. Mersi.

MR SPEAKER

Mersi. Onorab Henrie.

HON GERVAIS HENRIE

Mersi Mr Chair. Mon kestyon i ti pou al en pe dan laliny ki Onorab Arissol in demande. Sa ki mon ti ava demann *panel*, se pou fer *available* pou Lasanble, akoz *PSIP* pou ki lo paz 19 i dir i annan en sonm larzan pou *upgrading of sporting facilities*.

So si zanmen nou ti kapab ganny lalis kote, so prezan bann *MNA* ava kapab sitye nou ladan.

Me taler avan Mr Larue in antre, mon'n demann Minis en kestyon lo zafer sa premye meday Olenpik la, akoz mwan mon vwar poudir sa i en keksoz ki i bon pou Sesel, pou nou rev ariv osi lwen.

I annan en kantite pei dan lemonn ki pa ankor kapab *achieve* sa 28 pei *Africain* zanmen in ganny meday Olenpik, pli pti pei *San Marino*, 30 mil dimoun in reisi ganny 2 li en bronz, en larzan. So nou osi nou kapab fer. Me nou bezwen selektif e fer en lapliferans *in the process*.

Nou bezwen dir par egzanp nou vwar nou bann sport endividyle swa *weight lifting* swa atletik ki kapab.

So fer lapliferans depi yer donn zot plis sipor e mon pou napa problem ek sa. Be dan sa *process* par egzanp letan mon pe get akoz mon krwar atletik i annan en sans. Be ler mon pe get renovasyon bann facilite par egzanp par egzanp lo Stad Popiler, ouswa menm *Palais Des Sport* i pou vin en pe tro pre avek zwe Olenpik.

So mon anvi vwar ki mannyer alors sa i balanse avek sa ki nou pe anvi fer, kot letan

nou pou met resours atraver Bidze kote nou pe mete, akoz nou pe met la, e ki letan nou mete. Mersi.

MR SPEAKER

Mersi Onorab. Minis.

MINISTER MARIE-CELINE ZIALOR

Mersi Mr Chair. Mon pou pas laparol en pti moman apre avek CEO, pou li koz lo spesifikman lenformasyon ki i annan i ava donnen lo *PSIP* ouswa si napa sa bann detay. Apre nou ava fer Lasanble gannyen.

Lo komanter ouswa petet sizesyon lo sa Bidze avek meday Olenpik, definitivman avan ler nou'n lanse i annan en programm ki'n fini ekrir en programm ki'n fini ekrir. E i pa zis lenfrastriktir. I annan en kantite keksoz ki bezwen vin an plas, ki dan sa Bidze ki nou bezwen fer, e si i annan bann lenfrastriktir kekfwa ki pran en pe letan mon konnen pou konsernan lo *track* pou Stad Popiler, i en laranzman pou Stad Popiler i en laranzman en lagreman parey i annan pou lezot *field* ki Federasyon Foutbol i anvi sir Lakor pou zot aranze pou zot fer.

E anmezir kekfwa sa i pran letan nou, nou pe travay

nou pe travay pou nou kapab anvoy bann atlet lezot, kot *track* kot facilite pou sa meday prensipalman, me solman nou pa bliy bann larestan atlet ki deryer, pou nou kapab organize pou nou kapab met sa bann facilite anliny. E nou pe ganny bokou sipor e avek bann nouvo fason travay avek *MLUH* e osi tou avek Finans.

Avan sa parfwa bann blokaz bann gro proze *PSIP*, i ti sa li. I ti annan ou konnen sakenn pe redi son kote. La nou'n bezwen en kantite. Mon krwar mon ti dir sa letan nou ti al *Kempinski*, nou ti pe lans meday Olenpik. En bon pe nou travay pandan sa 1an dan Sport e nou ti lager. En bon pe louvraz. In pran en kantite letan pou nou fer lape fer dimoun fer lape pou nou asize pou nou kapab koze, pou nou bouz devan.

E letan la mon kapab dir nou kapab respir en pti pe pli byen. Nou kapab prezan konmans koz travay. Avan nou pa ti kapab koz ditou. La nou pe koze, la prezan nou ava kapab regarde ki mannyer nou kapab travay ansanm.

Sa i en pti gin pou montre zot en pti gin nou bann defi parfwa ki nou gannyen letan mon pe koz lo fondasyon, mon pe koz lo fer keksoz, parfwa i sa.

Me selman mon ti ava kontan pas laparol avek CEO ki ava donn en pti pe plis detay ki i annan la ozordi. Mersi Mr Chair.

MR SPEAKER

Mersi. Wi CEO ou annan laparol.

CEO JEAN LARUE

Mersi Mr Chair. Mersi Onorab pou ou kestyon. Mon vwar poudir ou tre azour, tre stratezi lafason ki ou pe diskit ek nou. I vre pou ou ganny sa meday Olenpik zis en zour nou bezwen fer preferans.

E nou dan spor nou plito apel li nou target en atlet en spor, pa neseserman atletik. Me i kapab dan en spor ki kekfwa nou pa pe met nou lizye lo la. i kapab en atlet dan *Paralympic, para Olympic* ou konpran? E facilite lokal pou lemoman nou bann facilite i pa aloter ki pou ed nou pou fer sa formasyon sa transformasyon ki nou ti ava kontan.

Se pou sa rezon ozordi sa kalite travay ki nou pe fer avek nou bann *partner* enternasyonal. E mon krwar si zot in swivre Nouvel apepre de semenn pase, sa ki nou'n fer avek *La Bulgarie*, deza zot in fini dir nou, nou dir zot kisia ki

nou, nou bezwen e nou'n fini dir zot ki nou bezwen.

Scholarship laport in ouver. *Coach* nou kapab fer lesanz Seselwa al *train* laba, e menm atlet onivo. So i annan tou sa travay ki pe ganny fer avek en bon pe Lanbasad e zot repons i pozitiv.

An menm tan zis mon ava retourn en pti gin an aryer, *regarding* sa bann facilite la, sa ki pe ed nou lafason ki nou pe travay, i annan bann sekter prive, ki'n demann nou vin apros nou poudir nou be gete. Nou par egzant tel laplenn avek en kort, si nou kapab donn zot sa responsabilite pou antreprann sa facilite.

E nou, nou dir li be *ok* nouvo lapros wi a kondisyon pou fer li byen, e pa vin facilite pou ou. Me solman i servi li, pou ou aranz li ou met li lo en nivo. E an plis nou pe ganny nou bann *business company* osi ki oule fer *joint venture* aranz en facilite met li lo en nivo. E sa mon krwar bann keksoz ki pe vini ki tre pozitiv. E sa osi demen i pou ed nou avek nou meday lor. Mersi.

MR SPEAKER

Mersi. Onorab Esparon.

HON REGINA ESPARON

Mersi Mr Chairman. Bonn apre midi Minis avek ou delegasyon. Mr Chairman mon ti ava kontan demann avek Minis, semenn pase letan ki Prezidan ti rankontre bann sa bann foutboler sorti aletranze, sete enn son swe pou nou konman en pei ankouraz nou bann zenn pou vin bann profesyonnel olye ki nou pe *recruit* toultan bann etranze pou vin zwe pou Sesel.

E letan mon pe regard enn zot *strategy priorities ‘support and resource for the planning implementation of high level performance and professionally in sport’* ki annan dan sa Bidze pou ankadre bann zenn pou kapab vin bann profesyonnel?

Parske letan mon ti pe ekout Onorab Aglae taler Minis demann son kestyion. Parski sa *allowance* ki Gouvernman Lokal i menm li pe donn bann klib dan distrik i pa ase. E mon konnen poudir NSC atraver Federasyon pou zot ganny reminerasyon.

Me letan mon pe regarde i *still* i pa ase. Avek CSR ki'n koupe kot bann biznes ki ti pe donn ed bann sport dan distrik, i vin li difisil pou bann klib li menm zot menm zot, kapab trouv sa resours finansyel pou ankadre bann zenn dan zot lekip premyerman.

Dezyenmman pou CEO. Lo anba *programme one*, lannen pase zot ti ganny zot 134 mil pou *overtime*. E sa lannen mon'n vwar zot, zot in ganny zot zis 72mil.

I annan sa group drayver CEO. Ki depi lannen pase letan ou ti vin isi, mon ti kestyonn ou lo zot *overtime* ki NSC i drwa zot. Ti annan 5 zot sa bann drayver, enn i *resign* akoz sa. De i an akor la, de i transfer avek Minister Lasante. E still sa bann drayver pa ankor ganny peye zot *overtime*?

Mon ti ava kontan konnen dan sa R72 mil ki annan la si i annan sa larzan pou pey sa bann drayver zot *overtime*? Mersi.

MR SPEAKER

Mersi Onorab. Minis ou a konmanse.

MINISTER MARIE-CELINE ZIALOR

Wi mersi Mr Chair. Mersi Onorab pou sa kestyion lo profesyonnalizm *High Level*. Mon krwar la osi tou i annan diferan nivo kot nou pe travay.

Lo nivo kominoter, distrik i tonm anba "Spor pou Tou." Sa i en lot Bidze i en lot programm dan bann detay Bidze si ou regarde i annan larzan *allocate* pou *that*. E i annan en pe

larzan osi pe ganny *allocate* lo kote Bidze Gouvernman Lokal, ki tonm ladan lo kote sipor.

E apre bann klip bann differan sport zot asosye avek zot asosye avek zot lasosyasyon Federasyon ki osi atraver zot lasosyasyon aletranze kapab donn en pe sipor lo kote finansyel lo lekipman pou ede.

Lo kote *High Level* sa i pirman lo kote NSC ki kekfa apre *CEO* ava kapab donn plis detay lo la. E i annan bokou bann *partenaire* i deza annan pe konmanse. Nou fek dan en *meeting* la kot nou annan en programm ki nou pe al anmenn devan *Cabinet* avek foutbol.

Akoz deza nou vwar deza dan Nouvel i annan de foutboler ki'n al *La France* e i annan ankor, e i annan ankor ki pe fer e programm in deza fini konmanse pou nou bann zenn foutboler, pou zot vin bann profesyonnel. E lezot osi tou i annan bann programm ki in deza pe konmanse, i annan ki pe mazin konmans boner 2022, boner Zanve 2022.

Nou annan en pe travay pou nou fer la pandan sa bann letan Desanm pou nou kapab fer sa.

E i deza la dan Bidze. Ne kantite sa bann programm. Led enternasyonal atraver sa bann lasosyasyon Federasyon i la.

nou avek sa Bidze nou'n gannyen nou fer bokou kour avek SCOGA osi ki ede. Nou fer bokou kour pou fer sa bann lasosyasyon pou zot kapab ariv sa nivo ki zot lasosyasyon aletranze, i kapab vini avek sa bann programm pou kapab donnen. I posib.

Be mon krwar Onorab Henrie in dir popilasyon Sesel i vreman posib, i annan en eksper bomaten ki'n vin dir avek nou eksper *Francais* i fasil pou Seselwa ganny sa meday, i fasil pou nou vin profesyonnel. E tou sa bann letid en bon pe letid pe ganny fer syantifik ki pe montre nou poudir, ki mannyer nou kapab fer.

Nou, nou bezwen prezan parey mon pe dir, rod bann differan fason langazman, bokou plis mon pou dir Mr Chair, pou tou keksoz ki nou pe fer. Nou krwar pli g ran resours se larzan, i dimoun i pa larzan. I volonte, i langazman en ta dimoun enterese. En kantite dimoun pa angaze, pou nou pas en pe letan pou nou kapab serye, pou nou kapab fer sa bann keksoz arive.

Tou sa bann loportinite ti la li. I zis nou bezwen nou pli gro resours ki nou annan se dimoun volonte dimoun e leker, *commitment* pou ou kapab al fer

keksoz. Napa naryen posib pou nou kapab fer.

E mwan mon krwar poudir avek sa Bidze ki nou'n gannyen la pou lemoman, nou bezwen konpran poudir nou pa kapab donn nou plis ki sa, avek sa *High Level* e en kantite travay ki CEO i ava koz lo la pe ganny fer.

Mwan mon annan konviksyon - for konviksyon ki nou pou ganny nou nivo profesyonnel lo kote nou bann sport e pou nou motiv en kantite nou bann lazene Seselwa. E CEO i ava reponn sa kestyon *overtime*, apre petet kekfwa i ava tous ankor en pti git lo nou bann programm *High Level*. Mersi Mr Chair.

MR SPEAKER

Mersi. CEO reponn ou kestyon *overtime*.

CEO JEAN LARUE

Mersi Mr Chair. Mersi Onorab. Onorab Minis mon krwar rin fek servi en term. Se ki sa zafer *allowance* la ok, i annan nou fodre nou devret kapab aksepte poudir i annan regleman an plas.

I annan *PSO* e zot bann *dues* i ganny peye baze lo travay i regleman ki annan. Me malerezman ou ganny dimoun ki li si li in dir ou i bezwen

ganny R30mil fodre ou donn li R30mil.

Se pou sa rezon nou vvar nou. Prezan mwan mon bezwen pran en desizyon gete Lalwa nou aplik Lalwa. Si i devret ganny son R1000 nou ava donn li R1000mil. Me selman zot pa pou dir ou se ki zot in deza ganny li R3000 *over and above* ou konpran?

Lot kestyon *regarding* profesyonnalism, nou annan sa ki enteres nou ozordi, pou ki i annan bann paran pe vin vvar nou avek zot zanfan, ki le met zot zanfan dan bann liniversite pou zot ale en zour vin en profesyonnel zwer *volleyball, basketball*, nazer.

E sa, sa bann keksoz pe arive ozordi. E sa ki tre byen, se ki zot pa pe vin dir ou pey tou keksoz. Paran i dir ou mon ava zwenn ou lanmwatye, NSC zot zwenn nou lanmwatye. E i pe arive ozordi.

E se pou sa rezon konmsi i donn nou konfidans poudir be sa ki nou pe fer la, letan ou pe ganny sipor paran mon krwar nou pe al dan en bon semen. Mersi.

MR SPEAKER

Mersi. Wi ok klarifye Onorab fer li vitman nou be bezwen bouze.

HON REGINA ESPARON

Mersi Mr Chair. Mr Chair petet mon pe konpran ki CEO pe dir nou. Me selman petet mon pa konnen apel sa bann drayver eksplik zot sa sityasyon. Parske letan zot al kot DPA dir zot si pa pe pey zot *overtime*, i bezwen pey zot *commuted allowance*. Petet pou met a lafen avek sa size. Apel sa bann drayver koz avek zot, eksplik zot kwa ki zot due kwa ki zot pa due. Mersi Mr Speaker.

MR SPEAKER

Mersi. Oule azout keksoz CEO? Oubyen nou kapab bouze?

CEO JEAN LARUE

Mr Chair, Onorab sa diskisyon mon'n deza fer avek sa bann dimoun. E mon fek fer li de semenn pase osi. Mersi.

MR SPEAKER

Mersi. Mon ava bouz sa kote prezan. Mon ava demann Onorab Uranie.

HON ROCKY URANIE

Mersi Mr Speaker. bonzour Minis avek ou delegasyon, tou koleg Onorab, byensir Digwa ki a lekout.

Minis mon'n vwar anba *building and infrastructure*, i

annan renovasyon lo *Sport Complex* La Digue e dan vizit nou ti vwar poudir laba i annan plizyer keksoz pou fer renovasyon lo la, parey drenaz, twatir garden, kort tenis, *fencing, you name it.*

Eski ou krwar sa sonm apepre 1.8milyon i pou ase pou fer tousala? Oubyen serten landrwa spesifik dan *complex* li menm zot anvi fer renovasyon lo la?

Apre mon ti ava kontan konnen si sa Bidze ki zot in gannyen la, pe ed zot met bann bon *SOPs* an plas, pou ki bann tim sportif i kapab byensir avek sinerzi ki zot annan ek Minister Lasante, pou kapab les spektater konmans antre dan *stadium*.

Akoz nou vwar enternasyonal kot bokou sport pe fer le spektater i la. So nou vwar kot *basket* pe zwe nou vwar en gran Stad Linite, ki vid. Espekte mon ti vwar Onorab Kelly laba atraver ou Mr Speaker. Mon ti kontan.

Me selman konmsi ou ti ava kontan konnen si sa Bidze i fer provizyon akoz i gran. Mon krwar i ti kapab kantmenm fer en *seat - lespas*, akoz get nou la mannyer nou été. So mon demande si sa Bidze i fer provizyon pou sa? Akoz bann

siporte ti ava kontan al get zot *match*.

Apre Minis mon'n vwar dan priyorte stratezi senkyenm boulet, zot pe promot sport e aktivite fizik, konman en alternativ lasante pou konbat kont *COVID-19*.

E dan sa lespri Minis bokou bann Digwa, bann ki enterese avek zot lasante fizik, ti pe demande si dan sa Bidze petet ti kapab fer en provizyon osi pou La Digue ganny en *fitness trail* otour son *complex*, avek en *outdoor gym* ki kapab ed Digwa reste fizikman an bonn sante. Mersi.

MR SPEAKER

Bon Minis ou pou konmanse?

MINISTER MARIE-CELINE ZIALOR

Mersi Mr Chair. Mersi Onorab pou ou bann kestyon. Kestyon lo kote plan pou La Digue avek tou sa mon pou les avek *CEO* pou li kapab donn bann detay. E regarde si Bidze lo *Sports Complex* si i pou ase. E enkli dernyen kestyon lo kote *fitness trail*. Sa lot kestyon lo kote *SOP* Lasante, nou dan sa Bidze wi i annan provizyon pou fer tousala.

Nou an kontak avek Minister Lasante mon krwar

tou le semenn. Tou le semenn. Nou'n pouse menm pou nou kapab fer spor kapab konmanse sirtou spor lekip.

E i depaan lo latitud konportman Seselwa. I depaan lo konportman Seselwa. Mon pa konnen si ou'n vwar ki'n pase La Digue la mwan. Sa bann dernyen zour mon vwar zot pe pase pe fer lafet.

Si Seselwa i anvi al regard spor, spektater nou anvi antre la. fodre sa *Public Health* i dir fodre ki sa bann sa kantite ka aktiv ki nou annan, fodre i desann.

E fodre nou annan bann konportman ki nou fer sa bann ka desann. E toulstan nou napa sa, *Public Health* ki fer regilasyon e nou, nou swiv e nou regarde ki mannyer nou kapab negosye. Serten spor parey spor lo delo e larestan i annan bann lezot kalite *SOP* ki met an plas. Be bann pou lasal sirtou, pou lemoman nou ti pe negosye en pe for pou nou regarde ki mannyer nou kapab.

E nou ti pe konmans vwar en pti laklerte. Apre en sel kou sa bann ka in monte en sel kou. E i pou depandan lo nou ki kantite anvi nou anvi, pou nou kapab al get spor. E i lo zefor tou dimoun pou nou kapab siny bann regilasyon pou nou kapab fer ki nou ava kapab nou tou

nou anvi ale pou nou al sipor spor sirtou dan lasal pou vini.

E larestan kestyon mon ava pas avek CEO Mr Chair. Mersi.

MR SPEAKER

CEO wi.

CEO JEAN LARUE

Mersi Mr Chair. Mersi Onorab pou ou kestyon. Mon krwar dan ou plan pou La Digue, sa sizesyon *fitness trail* avek *outdoor gym*, nou'n deza konmans mazinen, akoz letan nou'n fer li Mahé. Ape nou'n met en *well Beau Vallon* i annan enn. Roche Caiman i annan enn apre nou'n al Praslin, Marie-Jeanne.

E prezan *the next stop* definitivman desantralizasyon. Dan *planning* nou ava asize nou ava gete ki mannyer nou pou met 1 i. An menm tan revwar *complex* La Digue e Federasyon Foutbol e mon dir Federasyon Foutbol i osi enterese akoz zot ganny *Grant* avek *FIFA* pou ede. E NSC sa 3.5 ki nou annan tou le lannen, i ava ede pou nou aranz ou sirtou dernyen fwa nou ti La Digue zot ti pe demann nou priyорite pou zot, zot ti dir nou zot oule en basen naze.

Sa i bann Digwa ki ti dir nou. E nou nou'n pran li

konman sa keksoz ki zot, zot anvi.

E an plis rezon ki nou'n met sa konman en *strategy priority*, akoz ozordi avek sa zafer *COVID*, enn bann lorganizasyon kle *UNESCO*, *WHO*, Olenpik e menm *Commonwealth* pe met en kantite lanfaz ek bann pei. Pe dir be gete devlop bann programm, e nou, nou ava vin donn zot.

E i annan en keksoz ankor, ki nou pa'n fer dan lepase. Nou pa'n *set* nou *up* pou nou al rod lasistans. Laba deor i annan telman lasistans. E bann dimoun pe zis dir nou, ou konnen vini tap laport. E sa rezon ki ozordi nou pe met en kantite zefor pou tap sa bann laport, pou nou ganny sa bann lasistans.

E mon krwar i ava ed nou osi dan devlopman spor La Digue. Mersi.

MR SPEAKER

Mersi. Onorab Bastienne.

HON DESHEILA BASTIENNE

Mersi Mr Speaker. Bonn apre midi Mr Speaker. Mr Speaker mon kestyon ti pe al dan menm laliny ki Onorab Arissol ti ouver kestyon avek lo size mentenir kort dan nou distrik. Me vi ki Minis in fini

donn repons ki zot pe re al organiz bann fasilite, dan fason reorganiz mentenir bann fasilite sportif dan bann distrik, mon espere ki Perseverance osi i ava tonm ladan. Alor mon ava dir ou mersi Minis. Nou ava annan en pti pe pasyans se tou. Mersi.

MR SPEAKER

Mersi Onorab. Onorab Mondon.

HON TERENCE MONDON

Mersi Mr Chair. Mon krwar i reste mon en pti kestyon. Mon vvar ki provizyon pou *security enforcement*, in mont par 495mil si oule 45pourasan ogmantasyon.

Eski bann kontra servis sekirite in ganny re negosye e akoz sa logmantasyon? Mersi.

MR SPEAKER

Mersi Onorab. Minis.

MINISTER MARIE-CELINE ZIALOR

Mersi Mr Speaker. Mersi Onorab. mon ava pas laparol avek CEO pou reponn.

MR SPEAKER

CEO ou kapab reponn wi.

CEO JEAN LARUE

Mersi Chair. Onorab akoz in annan en *increase* 495 mil

sekirite Praslin, La Digue lo rapid *alert* Praslin e *proactive* La Digue.

Savedir nou'n *step up* nou sistenm sekirite, se pou sa rezon in annan sa ogmantasyon. Mersi.

MR SPEAKER

Mersi. Onorab Aglae.

HON EGBERT AGLAE

Mersi Mr Speaker. Bonn apre midi CEO. CEO ou'n mansyonn en mo taler la, aparaman i annan bann lenstitisyon ki pare pou donn menm enternasyonal, pou ed pei.

Lo kote *maintenance* li menm, mon pe gete dan ou detay Bidze premyerman sirtou i annan renovasyon *track* Stad Popiler. Nou annan Stad Linite li menm, tartan ok?

E mon vvar poudir nek 2024 ki i pe met larzan. Mon ti ava kontan demann ou avek sa, vi ki mon'n tann Federasyon Foutbol li mon krwar i pe ganny en led pou kapab aranz laplenn li menm li. Mon pa konnen si anba *FIFA*.

Eski petet Sesel nou form parti par egzanp atletik *IAAF* nou pa kapab ganny led nou osi dan plas pou al esper nek 2024, an vi ki nou annan serten preparasyon nou pe dir. I

annan Zwe de Zil tousala, pou nou kapab petet ganny sipor.

E osi kot i konsern *fencing*. Mon krwar mon ti met en sizesyon - pa konnen si lannen pase ouswa en pe letan pase, eski sa kalite *fencing* ki nou pe servi ozordi e nou vvar poudir i pa dirab. E nou'n vvar i annan bann lezot kalite nouvo modern ki kapab ganny servi. Menm si i pou kout ou pli ser, me selman i kapab annan ou en pti pe pli longman.

Akoz mwan mon vvar sa kalite ki nou ankor pe servi, ler i ariv serten peryod letan avek sirtou bann landrwa ki lo lakot, i zis rouye ladan i kase.

Eski nou pa kapab petet vvar avek sa ki fer sa *maintenance* ouswa sa *supplier*, pou nou kapab ganny en pti led pli meyer kalite ki ava dir en pti pe pli long. Mersi.

MR SPEAKER

Mersi lekel ki pou pran, CEO nou ava al direk kot ou?

CEO JEAN LARUE

Mersi Mr Chair. Mersi Onorab pou ou kestyion ki tre valid. Mon krwar i annan en letan osi nou'n mank sa bato kot nou ti'n ganny *IAAF* ti'n fini dir avek nou be prezant en proze, zot vini zot aranze me solman nou'n dormi lo dosye.

Me la konman mon pe dir ou nou pe koz avek ler nou ti de semenn pase, dan pe fer *shopping*, letan mon dir *shopping* pe rod fasilité pou Sesel.

Australie ozordi pe fer bann materyo ki senp, ki dirab e i annan enn sa bann dimoun ladan pou li vin fer, *well* nou'n dir li pe vin Sesel vin get nou landrwa akoz *Australie* zot osi bann fasilité ki zot pe servi ki o bor lanmer, sa bann *fencing*.

E ki nou pou fer prezan se ki nou bezwen *outsource* e vvar ki kalite e sa bann ki nou pe annan ki ver la, tou lazournen i pou grennen, akoz nou o bor lanmer.

So mon krwar sa ki nou pe fer ozordi, e i ava ed nou dan lonterm. Akoz partou lo Mahé ou vvar zis *fencing* ater. Akoz sa problem salen. Mersi.

MR SPEAKER

Mersi. Onorab
Woodcock.

HON WAVEL WOODCOCK

Mersi Mr Speaker. Minis mon konnen nou Gouvernman ou Minister *inherit* en bon pe *issues*, en bon pe problem sirtou kot i konsern bann lenfrastiktir, bann fasilité sportif.

E dan bann bokou i dan bann move kondisyon. Bann kondisyon deplorab. E ou'n fer sa resorti dan ou *current challenges* “*inability to meet all the request from districts and teams for maintenance in upgrade sport facilities in timely manner.*”

E anba *PSIP* i annan 11 milyon ki’n ganny mete pou *at least* amenazman e renovasyon enn de sa bann lenfrastriktir.

Mon kestyon *obviously* pou dirize ver Zil Pros, mon konnen ki apard en vizit resan ki nou'n fer, mon vwar la dan Bidze i annan en sonm 1.75 milyon pou renovasyon lo *Sport Complex La Digue* ki pe al ganny fer pou bokou lannen.

E i annan sa 1.5milyon osi ki Onorab Gervais Henrie in koz lo la. Mon konnen i pa en gran Bidze pou *deal* avek tou sa bann fasilite, akoz mon mazinen mon krwar i pou kout en kantite larzan.

So pou get zis Praslin tousel, *water sport centre, NSC building*, laplenn Grand Anse Praslin, Stad L'Amitie problem drenaz. Basen naze i annan bann plizyer issue. Enkli drenaz.

Mwan mon kestyon ki mon anvi demande, sa i pou lefitir, eski NSC i annan en plan konpreansiv?

Pou *improvement* e renovasyon lo bann *sport infrastructure facilities*, parey mon'n dir ki ozordi bokou dan bann move leta. E eski zot in fer en *inventory*, ouswa en *assessment* lo tou bann lenfrastriktir NSC? Konmsi pou konnen apepre konbyen ki zot pou bezwen pou fer en *comprehensive renovation* travay lo tou sa bann lenfrastriktir.

E finalman, eski zot pe fer demars sirtou *CEO* pou tap en pe laport bann Pei Zanmi ouswa bann diferan enternasyonal lorganizasyon enternasyonal, bann federasyon. Konmsi pou donn nou en pe sipor sirtou kot i konsern bann nouvo lenfrastriktir e *why not* osi pou *upgrade* en pe nou bann *already existing facilities?* Mersi.

MR SPEAKER

Mersi Onorab. Minis ou pou reponn premye?

MINISTER MARIE-CELINE ZIALOR

Mersi Mr Chair. Mersi Onorab pou ou kestyon. Mon pou les *CEO* reponn sa dezyenm kestyon. Sa premye kestyon lo kote plan konpreansiv *maintenance*.

Sa lannen letan nou'n fini tir en bon pe lager. Nou'n donn en direktiv pou nou kapab ganny sa plan konpreansiv ki ou pe koz lo la. Ki in vini avek sa plan. Prezan nou bezwen prioyitize regarde avek resours, kwa ki nou kapab fer la dan sa Bidze 2022.

E apre parey letan nou pe met parey Onorab Aglae, mon krwar in fer resorti nou met detrwa lenfrastruktir 2024/2023, nou osi nou pa kontan.

Be selman nou bezwen pou *purpose* pou fer Bidze. Nou met li nou bezwen met li pou planifye.

Be selman i pa vedir ki dan milye lannen prosenn i annan *budget review*. I annan *review* ki vini kot nou kapab regarde ki mannyer parey sa ki ou pe sizere avek ou dezyenm *statement* kestyon pou bann larestan pei.

Apre bann *partnership* bann partenarya pe vini, pou nou kapab avans sa bann *maintenance* fer zot vin la.

Be selman i plan konpreansiv definitivman sa nou'n fer mannyer pou nou asize pou nou fer. Apre nou bezwen regard so striktir tou otour li avek bann dimoun ki pou kapab *monitor* sa pou *maintenance* sa. La avek nou bezwen aziste nou plan avek en

sa nouveau Departman Lenfrastruktir ki'n fek vini, aziste avek zot tou pou regarde ki mannyer sa bann travay pou ganny fer.

Mon ti ava kontan Mr Chair pas laparol avek CEO pou reponn sa dezyenm kestyon. Mersi.

MR SPEAKER

CEO wi ou ava reponn.

CEO JEAN LARUE

Mersi Chair. Mersi Onorab. Wi levanter nou'n deza fer. Selman sa ki ti ganny fer sa en letan pase. Sete ki *status* sa bann fasilité i ete, nou konnen i koule, eksétera.

Me ozordi avek sa tim ki nou annan kot *MLH*, kot zot *QS* enzenyer zot pe donn nou bann detay spesifik, bann *structural design* ek sa bann keksoz koumsa. La prezan nou kapab ganny en nide konbyen pou koute dan sa 26 distrik tou sa bann fasilité ki nou annan.

E parey Minis in dir a en moman donneen nou bezwen pran en desizyon poudir be *ok* la nou fer sa enn. Lannen prosenn nou fer lot keksoz. Konmsi nou bezwen prioyitz dapre nou mwayen. Me solman an menm tan osi sa ki byen se ki bann, ou'n dir mon si nou pe

tap laport enternasyonal, wi nou pe fer li.

E nou espere par egzanp pou lannen prosen i annan en msye *judo* ki enterese vin donn en lasistans Sesel.

E enn bann keksoz ki nou pou fer avek li, se demann li pou li donn nou en *dojo* pou *judo*.

E Praslin *being* sa landrwa ki pe prodwir *judoka*, bokser eksetera. So annou *keep fingers cross* poudir sa msye i ava pran li pozitivman e ed nou pou devlop sa spor lo zil. Mersi.

MR SPEAKER

Mersi. Onorab Porice.

HON DOYACE PORICE

Mersi Mr Speaker. bonn apre midi Minis avek ou delegasyon. *In fact* sa kestyon in ganny demande, me mon fek tann *CEO* mansyonn la mon ti pe al for lo sa zafer *Judo*. Akoz best ***Judoka*** i sorti Praslin.

Alors nou ti ava kontan ganny zot landrwa pou zot kapab *train* osi vi ki zot ete la i pa konvenab. Mersi.

MR SPEAKER

So kestyon in ganny adrese. Mersi. Nou ava pas lo Onorab Lemiel.

HON SYLVANNE LEMIEL

Mersi Mr Chair. Bonn apre midi tou dimoun, *welcome CEO*. En zot plan stratezi se pou devlop *sports, leisure* e *recreational and entertainment hub or arena*.

Mon vwar ki NSC, in Bidze li R3.75milyon anba *PSIP* pou *renovate* en *Sport Complex* Anse Royale.

Mon ti ava kontan ganny en pe detay lo ki bann travay ki pe al ganny fer lo sa bann fasilité ki deza egziste Anse Royale?

E an menm tan konmsi sa ki pou enkli sa R3.75 milyon. E mon ti ava osi kontan konnen an total sa *whole project* li menm, mon pe mazinen sa i en bout larzan. *The whole project* li menm konbyen i sipoze koute?

E mon ti ava kontan fer en pti rekondasyon osi an menm tan letan mon pe demann mon kestyon, petet pou NSC fer sa plan sa proze vin *available*, kot bann *sportsmen* dimoun dan distrik i kapab vwar, ganny en pti pe detay osi lo kwa egzakteman sa travay li menm ki pe al ganny fer dan nou distrik? Mersi Mr Chair.

MR SPEAKER

Mersi. CEO.

CEO JEAN LARUE

Mersi Mr Chair. Mersi Onorab pou ou kestyon. Wi finalman nou'n kapab ganny resours Bidze pou nou kapab met sa plan *Sport Complex Anse Royale*.

Me solman i pa zis larzan Gouvernman tousel. Akoz nou konnen i annan dimoun ki'n vin vwar nou ki enterese konman *private PPP*, pou osi met en koudmen. Sa plan definitivman mon krwar boner Fevriye mon'n deza fer en diskisyon e menm mon ti montre sa *DA* sa plan.

Selman la kot nou pe koze ozordi, i neseser ki nou revwar sa plan, an prenon kont bann lezot demann ki serten dimoun pe demande konmsi ki zot ti ava kontan, par egzant annan en *Wellness Centre*. E la ankor *fitness trail* konmsi in vin en bon zafer avek son *gym*.

So mon krwar i pou neseser ki wi nou al anver kominate zot ganny sans diskite e zot, zot ava dir nou egzakteman ki zot anvi dan sa plan. Mersi.

MR SPEAKER

Mersi. Wi Onorab i mank en pwen?

HON SYLVANNE LEMIEL

Mersi Mr Chair. Pa mank en pwen konman. Me ler mon e ekout larepons *CEO*, i kapab ki

si nou pe retourn ek sa pwen, pou revwar, pou re amande, i ganny drwa prolong ankor en pe plis letan.

Petet nou pa pou vwar li materyalize ankor sa lannen. Petet i ava bon nou ganny en lasirans lo la, eski i pou materyalize sa lannen?

E apre *CEO* letan mon'n tann ou koz sa bann prodwir ki pli bon, salen i pa pou afekte li *Australie*. Mazin Anse Royale ki o bon lanmer li osi. Petet ou mazin si ou annan *pilot project* ki oule fer. Pa bliy nou konmans Anse Royale apre nou ava al dan lezot distrik. Mersi.

MR SPEAKER

CEO wi. *CEO* ou ti ava kontan donn en ankor en klarifikasyon?

CEO JEAN LARUE

Wi Onorab lefe ki nou'n parey mon'n dir ou, Bidze in fini ganny mete sa proze i bezwen demare. Me solman preznan nou bezwen travay avek nou sa tim k i kot *MLH*, zot ki pou kapab dir nou total konbyen sa *the project* konplet ki nou anvi vwar konbyen pou koute.

E mon krwar sa ki nou bezwen fer. Nou, nou pran en pa dir en langazman me solman nou pran en keksoz ki nou dir

nou pou fer, e nou bezwen fer li.
Mersi.

MR SPEAKER

Mersi CEO. Onorab Phillip Arissol.

HON PHILLIP ARISSOL

Mersi Mr Chair. Bonn apre midi tou dimoun. Minis mon kestyon i koumsa. Minis nou vvar ki lekipman sport i tre ser e eski i annan okenn travay ki pe ganny fer pou revwar *tax* lo sa bann lekipman?

E osi Minis, eski travay pe ganny fer pou permet ki bann lakonpannyen ki prodwir lalkol ek sigaret i kapab *sponsor* bann lekip spor, vi ki la CSR in fini ganny tire e bokou bann tim pe vvar li difisil pou kapab *meet zot* bann target? Mersi.

MR SPEAKER

Mersi. Minis.

MINISTER MARIE-CELINE ZIALOR

Mersi Mr Chair. Mersi Onorab pou ou sa kestyon lo konsern tou le de o konsern lo kote finansman sportif.

La ou pe al fer mon ganny tangaz avek Minis Finans la, pou al tir *tax* lo sa bann lekipman sportif. Mon krwar poudir i annan alternativ. Nou kapab re regard alternativ pou

nou kapab fer finansman lo bann lekipman, san ki nou al dan sa bann direktiv kekfwa plis tradisyonnal, ki anmenn mon lo ou dezyenm kestyon lo kote CSR.

Nou bezwen konmans koz lo sa zafer CSR. Mon krwar sa i osi tou en fason tradisyonnal letan CSR ki mannyer petet in ganny fer tradisyonnelman, in donn nou en persepsyon lo petet si sa *tax* in ganny retire ki bann biznes, taler Onorab in dir zot pe *recover*.

I annan bann pa'n zanmen bezwen *recover* tou, ki nou nou'n partenarya avek sport, pou zot kapab anmenn sa bann diskisyon lo latab vvar pou ou CSR pa zis en *tax* kot ou donn sport donnen.

I *corporate social responsibility* ki mwan dan mon lopinyon pou mwan in mal ganny enplimante. E mon krwar poudir nou kapab pa bezwen fors nou bann dimoun fer li, be selman nou kapab nou annan nou bann lakonpannyen ki letan ou negosye li avek zot, ouswa ou annan ou bann partenarya.

Partenarya pa vedir toulstan en kote ki gannyen. I bezwen annan en *win-win* - en bon negosyasyon ki ou kapab anmennen, e regarde ki mannyer par vre partenarya vre

kolaborasyon ki nou kapab anmennen ki sa bann CSR, kantmenm formelman i pa ganny kolekte avek Minis Finans, be selman i kapab nou kapab ale ver diferan lezot Polisi.

Ki nou pe travay lo la dayer avek Departman Sport pou re regard sa zafer finansman sport e bann Polisi, i bann novo Lalwa ki nou pe bezwen mazinen pou nou kapab vin avek, pou nou kapab bouze.

Bliy sa ki'n fini tire sa ki napa la, annou pa kontinyelman petet kekfwa mazin li. Li in fini in ale nou bezwen konmans mazin lo bann novo keksoz ki mannyer nou kapab anmennen.

E sa Departman sa i Departman ki pe travay lo la ki pe fer ki byento i pou anmenn en papye dan *Cabinet*. Zot pe travay ansanm avek AG pou nou kapab re regard en ptigit regilasyon, regard en ptigit sa Lalwa Sport Sesel. Mersi Mr Chair.

Mon pa konnen si kekfwa CEO i anvi azoute lo sa. Mersi.

MR SPEAKER

CEO ou satisfe avek repons ki ou'n donnen. Donk nou ava *move on*. Onorab Roucou.

HON MICHEL ROUCOU

Mersi Mr Chair. Bonn apre midi Minis ek ou lekip. Bonn apre midi spesyal bann zabitan Mont Fleuri ki pe ekout nou.

Espesyalman bann, bann sport ek bann *sportsmen* ek bann madanm.

Minis, annefe mon osi mon pou donn mon sipor, mon bann koleg lo kote lenfrastriktir dan bann distrik. Me selman mon pou al en pti pe pli lwen, ki nou pe, nou ti a voudre vwar annefe dan bann distrik, se ki desantraliz bann ou kapab dir bann konpetisyon sportif. Anmenn zot, pa zis fer zot Roche Caiman avek anvil.

Anmenn zot dan bann distrik ki sa i ava kapab, ou kapab dir atrakte bokou bann zenn ek bann zabitan, ki zot kapab vini vin siport bann tim li menm li.

Apre dezyenmman, mon le dir mersi CEO. Akoz in akonpanny plizer fwa dan bann miting avek vizit dan distrik, pou nou zwenn avek bann sport, bann tim sport.

Minis apre ki, mon pe demande, eski i annan sa, konpetisyon foutbol ki pe ganny deroule, lo nivo lekol, sirtou foutbol. Eski zot pe mazin al en pti pe pli lwen lo bann lezot nivo sport? Mersi.

MR SPEAKER

Mersi Onorab. Minis ou adrese.

MINISTER MARIE-CELINE ZIALOR

Mersi Mr Chair. Wi Mersi Onorab, pou bann kestyon. Lo kote desantralizasyon, lenfrastriktir, definitivman.

E mon krwar nou'n deza zwenn nou osi tou avek bann lezot dimoun, ki ou'n anvoye sorti Mont Fleuri, ki anvi fer sa.

E i an mars sa. Be selman osi tou, lans lapel ek ankor konnen, bann dimoun ki annan bann nide lentere. E i annan bann ki'n vini, wi. Be letan nou pe esper en proze, vini akoz nou bezwen anmenn devan parey taler CEO in dir.

Par ler bann lorganizasyon, bann pei, bann lezot manm, zot bezwen en plan, zot bezwen en proze. E parfwa nou defi, nou febles, se nou kontan fer keksoz ek labous. Nou pa oule, met lo papye, nou pa oule vin devan.

Be vwala, nou pe resanze, selman stratezi pou devlop kapasite pou nou kapab ganny en tim, ki ed sa bann dimoun akoz, apre zot bezwen tay deryer zot *call*, oli sa plan nou pe espere. Nou bezwen anvoy kot Lanbasad, nou bezwen anvoy kot tel, tel.

E par egzanp Lostrali, *High Commissioner* ti vin en pti kou. In vwar zis, *sports*, in vin regarde nou *MOU*, nou'n sinyen pou *water sports*. Bann letan, in demann nou zis en plan, zanmen nou'n donnent.

E sa bann zistwar, i bokou. E nou bezwen serye nou, serye nou osi tou. I byen ou al dir ou demande isi laba. Be selman bann dimoun osi, apre nou kontan koz bokou, nou kontan dir en kantite keksoz, wi nou pou fer.

Be en kantite fwa sa travay, pa devan *camera*, i pa *it's where the real work is*. Pou vreman asize, fer resers, fer tou sa bann travay, pou kapab anmenn en rezulta. Parey mon pe dir, *result-based*. Rezulta avek lenpak.

E mon ti ava swete, pou demann sipor Mr Chair avek bann Manm. Letan i annan bann proze avek bann dimoun ki nou anmennen, ki nou *follow-up* ki fer sir, ki lo sa kote osi ki bann dimoun in anmennen. Sa bann proze letan nou demande.

Lo kote lezot sport sa ki pe arive wi. Mon krwar petet kekfwa Onorab Labrosse, ti a kontan ki Plaisance ki pe ganny sa lakoup. E mon pou al donne Vandredi. Wi *Liverpool*. So wi-wi-wi *Westham* Anse

Boileau par zis en pti pwen, pa'n gannyen.

Be wi, be selman i bokou leksitasyon, vreman avek Bidze ki nou pe gannyen definitivman. Nou'n fini koz avek Lanbasader Angle, pou al fer li ek pou bann fiy la. Nou pe al fer lannen prosenn. E i pare pou li siport en kantite programm pou bann zenn.

Sa i bokou, sirtou *Commonwealth Games*, pe fer Langleter lannen prosenn. E sa i pou *replicate*, i bann parey ki pou annan. Sirtou pou foutbol, i annan pa mal ansanm avek Federasyon Foutbol, i annan pa mal proze.

Ki pou ganny fer pou osi, tou bann *grassroot, even* bann ki pli ptiti menm. I annan en plan *grassroot* nou'n vwar, ki manrmay 7an, 8an a en, enkrwayab. So parey nou dir an Angle, *watch that's space*. I annan ankor pa mal, ki pou vini.

E nou ava dir mersi bokou, pou bann dimoun ki'n siporte. E nou kont lo zot sipor ankor, pou lannen prosenn. Mersi Mr Chair.

MR SPEAKER

Mersi Minis. Onorab Pillay.

HON SEBASTIEN PILLAY

Mersi Mr Chairman. Mon le retour lo, mon le retourn lo sa size ki i annan en Onorab. En Onorab ki'n *raise*, sa kestyon pa'n ganny reponn. Ler mon pe get sipor pou bann diferan aktivite, sportif. I annan plizyer Bidze ki'n ganny *allocate* dan plizyer area. Ok?

Nou vvar Bidze dan lenfrastriktir, pou redevelopman lenfrastriktir. Apre nou vvar bann Bidze an relasyon avek bann keksoz ki NSC li menm pou fer, bann linisyativ NSC. Me kestyon ki'n ganny demande, se ki mannyer bann sport i vin, i vin profesyonnel?

Lo sa kote latab ler ou Gouvernman ti *repeal CSR*, ki ou'n dir ti tradisyonnal. Me selman ou, ou pa'n donn nou en lot fason ki pli inovativ pou fer sa, konpannyen peye. Ou'n dir i a pey dapre son prop volonté.

Ozordi tou bann *MNA* lo lot kote latab, lo kote latab pe konplent sa. Selman ou, ou vvar poudir sa ti tradisyonnal, ki e i ti byen, ti byen ki *Cabinet* i deside pou retir *CSR tax*.

Prezan ou dir ek nou koumsa poudir i annan konpannyen, ler mwan mon dir i annan konpannyen ki'n zis fer, ou dir non, i annan en bann konpannyen pa'n soufer.

Be selman konpannyen pa'n soufer selman nou, nou tir

son lobligasyon pou li donn trezyenm mwan. Sa ou Gouvernman menm ki'n fer.

So mon kestyon pou ou, tre senpleman, Onorab in demann en kestyon *regarding* bann lakonpannyen lalkol ek bann lakonpannyen sigaret. Enn bann *areas* ki reste, enn ki reste en pwen kontansye se, *sponsorship* sa de kategori antite, pou bann lekip sportif.

Bann lekip sportif ki pe fer sport lo en lot nivo. E la mon vwar i drol NSC, ou'n napa nanryen poudir lo la. Mon vwar i drol akoz, ler mon pe get ou Bidze ki ou'n gannyen. Napa nanryen pou ou siport bann lekip sportif devlope.

E ou'n dir, nou pa'n, nou'n mal, nou'n rat bato. Be rat bato, lekel ki'n rat bato pa zot ki'n la tou sa letan. So mon kestyon pou ou se, pou siport sa bann lekip sportif.

Ozordi tou lekip sportif, ki pe fer *sport* e *Drifters* ki *basketball* Anse Boileau, e Pointe Larue *Bazar Brothers* e Glacis e *Northern Dynamos* e okenn lekip. Zot pe al tap laport menm biznesmenn.

E sa biznesmenn i pou dir ou, in fini donn *Drifters*, oubyen in fini donn sa enn. E prezan i limite. So eski i annan anba revizyon Polisi, pou revwar in *terms of* sipor ki zot gannyen,

from bann lakonpannyen ki vann lalkol avek sigaret avek sa par egzanp sa de lakonpannyen ki nou annan lokal, pou siport bann aktivite sportif?

Me lot kestyon ki mwan mon annan pou NSC, an relasyon avek sa bann travay ki sipoze ganny fer. Kan eski sa bann travay renovasyon i sipoze komanse? Ki kantite letan i sipoze pran?

E la nou pe koz, nou pe koz par egzanp sa 11milyon anba 'bildung enfrastriktir'. Kot i sipoze annan 2milyon, R2milyon travay ki sipoze ganny fer kot Stad Linite. R2milyon travay kot *Palais Des Sport*, i annan en R3.7milyon ki nou'n ganny mansyonnen pou *Sport Complex*.

E ou'n eksplike poudir i annan dimoun ki pe vini. Eski sa kan pou komanse? Nou'n vwar *Upgrading sports infrastructure facilities* i annan 1.5milyon. Apre ou annan renovasyon La Digue *Sports Complex*, ki 1.7milyon.

So eski ou annan bann *time frame* spesifik kan sa pou komanse? Si koman Bidze i aprouve sa larzan pe vin. Oubyen eski sa larzan i osi form par bann donasyon e *Grant* ki zot sipoze pe gannyen, e ki i pou annan en *net effect* si i pa vini?

Sa, si ou ti kapab klarifye pou nou.

Prezan an sa ki konsern sipor direk pou bann atlet. Anba ki *head* dan Bidze, sirtou bann atlet ki pe fer sport lo en, lo en *high level*, anba ki *head* dan Bidze ki sa i antre? Konmsi, mwan, pou mwan kapab sey sitye mwan, mon largiman.

Akoz mon'n vwar ki nou pe met larzan pou nou enkli nou partisipasyon dan serten levennman. Mon vwar osi larzan anba, '*security and enforcement.*' Minis ou annan, de antite la, i fer dezyenm.

Ki nou vwar de gro *head* an relasyon avek bann sekirite, pou prezimen ou annan bokou fasilite.

So i bezwen annan bann sekirite adekwat ki ganny mete. Me i pa anpeste ki i annan, ki annan en pe vandalizm osi. E ki sa i mal bann ki pe fer aret fer li. So sey klarifye pou mwan kote ki siport direk pou atlet.

Bann ki pe fer sport lo nivo, mon pe koz lo en *very high level*. Kote sa sipor direk i sorti dan Bidze? Mersi.

MR SPEAKER

Mersi Onorab. Minis

MINISTER MARIE-CELINE ZIALOR

Mersi Mr Speaker. Mersi Onorab pou ou bann kestyon. Mon krwar kekfwa petet Mr Chair, kekfwa Onorab i le vwar keksoz ganny *spell out*. E mon pa pe konpran akoz i pa pe vwar. Kekfwa mon konpran tou akoz i pa pe vwar.

Ki pe dir *High Level* napa. I annan en programm *High Level* ki *CEO*, i ava dir konbyen larzan dan sa Bidze. I annan en programm ki apel *High Level* kot NSC. E la dan sa Bidze, i annan *programme 2 Sports Management and Training* 30milyon, 30 - pwen, 30milyon ladan.

E tou sa Bidze NSC an antye, i pou devlopman sports, Sesel, swa 'Spor pou tou.' Ouswa *Sports High Level*. E pa blyie *Sports High Level*, i ganny sipor NSC, i ganny sipor avek kot Biro Olenpik, kot Komite Olenpik, kot SOCGA kot *Commonwealth* avek pou Olenpik i annan en Bidze.

Ki vini pour donn *scholarships* nou bann atlet ki o nivo. E mon krwar poudir nou a pe melanz en pe keksoz tou. Akoz letan mon ekout Onorab Mr Chair, in koz lo bann tim dan distrik apre i pe koz *High Level*; - *High Level* i annan son Bidze pou li. I annan en programm spesifik pou li.

“Spor pour tou” i annan son programm spesifik pou li. Ki li osi tou, i ganny siporte avek en Bidze ki sorti kot *Local Government*. E tou bann klib, tou bann spor, zot afilye avek lasosyasyon avek bann federasyon, ki osi tou *NSC*, i donn zot larzan. Zot ganny en Bidze anba *NSC* zot, pou zot kapab annan, annan devlopman. E i annan pa mal osi sa bann dimoun la.

Mon pe ekout Onorab. I pe dir pa pe ganny sipor, biznes pa pe siporte. Be mon pa konnen tou sa bann sipor ki pe vin kot nou biro. Kekfwa bann nanm ki pe vini. Akoz i paret kekfwa mon konnen, ou a krwar mon santi en pti retisan Mr Chair.

Akoz kekfwa nou pe fer en pe progre lo la, ou a krwar pa tro, tro kontan. *But* nou, non akoz nou, nou annan tou sa bann keksoz ki en vizib la, ki nou pe vvar ki pe arrive.

E i annan, pa mal par egzanp la mon kapab donn ou legzanp *Kempinski*, ki host nou sak fwa kot nou, nou annan levennman. E in dir nou si nou annan okenn *training camp* pou *High Level*, pou fer kot i annan lotel *Kempinski*.

Akomodasyon i kapab *ede* avek, swa i donn tou, ouswa i donn en bout. Nou annan en pa mal bann sipor ki vini pou *High*

Level. E kot SOCGA definitivman lo kote *training*, lantrennman.

Mr Gopal in fini dir avek nou, dir *NSC* pa trakase larzan Komite Olenpik in donnen, pou nou kapab, pou nou kapab ganny sipor pou sa *High Level*. E dan Bidze - sa Bidze ki nou pe koze, i annan Bidze pou *High Level*. I deza lo la, ouswa pou devlopman sport.

High level i pa zis bann ki adilt, i bann *grassroots*, osi tou ki ou bezwen komans avek. Li osi i *High Level*, e nou’n ganny dir avek bann *expert*, apre tou poudir. En zanfan depi 7an, 8an, 9an *Serena Williams* depi 6an i ti dan *High Level*. Akoz zot ti vvar sa kantite misk ki annan lo li, pou en zanfan sa laz.

E i tonm dan *High Level* li, so i tonm anba *grassroots*. Tousala i en levantay bann keksoz ki annan. Be selman, sa bann lenformasyon, i dan Bidze. I annan vre kekfwa petet i pa aparan. Be selman i annan en bann ki annan ki aparan.

Apre i depan osi en lentere. Si nou anvi konnen, nou anvi fer en pe *homework*, pou nou konnen Mr Chair. Nou, nou *available*, nou la. Pou nou kapab, pa tou keksoz ki devan Lasamble, ou kapab, ou kapab donn tou lenformasyon.

I annan bann ki pran plis letan, kot nou koz avek nenport ki Manm Onorab, nenport ki dimoun ki anvi ganny lenformasyon ki vini, ki ava dir mon annan en lentere.

Sirtou letan napa *camera*, ki annan lentere. Mon ti ava kontan, dan lentere Sesel e pou bann sport, *sportswomen*, *sportsmen* Seselwa. Pou mwan konnen, pou mwan regarde ki mannyer mon kapab siorte. Ki mannyer mon kapab ede.

E sa Bidze i fer provizyon pou nou kapab, fer sa Mr Speaker. Pour nou kapab donn lenformasyon, nenport ki dimoun ki anvi ganny lenformasyon. E mon ti a kontan petet kekawa, lo sa kote renovasyon, bann detay ki CEO i kapab reponn sa kestyon. Mersi Mr Chair.

MR SPEAKER

Mersi. Wi CEO. Si ou kapab azoute.

CEO JEAN LARUE

Mersi Mr Chair. Mersi Onorab. *Regarding* sa bann proze. Kan pou komanse, NSC ozordi in ganny li en tim ki parey nou'n dir ki travay kot bann, ki travay kot *MLH*.

So enzenyer, *QS* eksetera. Se zot ki pe donn nou akoz zot ki bann *expert*. E mon ava

donn ou. Pou *Palais Des Sport tender* in, *well* pe al pas dan staz *tender* pou kouver soz. Sa nou konnen. Konsernan basen naze, *tender* in fini ganny donne.

Prezan sa lakonpannyen li i sipoze al *procure* bann lekipman pou basen naze. So deza sa nou, nou konnen, nou pe ekspekte i pou komans, letan i pou enport son bann materyo. I pe dir lannen prosenn.

Me selman sa *timeline*, sa sa kalite lenformasyon mon kapab rode avek *MLH*. Poudir be *ok*, dir mwan tel, kan keler, kote sa bann aktivite, tou sa bann proze pou arive.

Konsernan *High Level*, ou pe dir, sa i tonm anba programm 2. *Sport Management and Development*. E pour sa nou annan nou, 4.46milyon. E sa i enkli bann *overseas travels*. I annan bann atlet ki nou bezwen pey zot *allowance*. Atlet ki pe mont lo novo programm. Ki napa bokou ki parey taler nou'n ganny dir.

Nou bezwen sible, lekel sa bann atlet ki nou donn, nou ede pou mont lo nivo, lo *High Level*. An plis, i larzan osi ki nou, fer alokasyon en *Grant* avek bann Federasyon.

Nou annan Zwe *Commonwealth* ki nou bezwen

prepare. So tousala i tonm anba programm 2. Mersi Mr Speaker.

MR SPEAKER

E yes Onorab Pillay.

HON SEBASTIEN PILLAY

Mersi Mr Chairman. Mr Chairman mon kontan ekout Minis koze. Akoz toulstan i donn mwan plis lenformasyon, ki mwan mon pe rode.

E ler ou'n dir bann dimoun i annan R30milyon *available* pou *High Level sport*, deza i annan dimoun ki'n komans *messenger* mwan.

So i byen ki CEO NSC in klarifye ki annan, zis sa porsyon larzan ki ladan. Be preznan se an relasyon avek sa ki nou bezwen sey klarifye.

Akoz si par egzanp, nou koz avek bann gran spor lekip ozordi, par egzanp *volleyball*. Ok, ou pou ganny en lot kalite larepons *regarding* sipor ki zot pe gannyen.

So sa ki mon pe fer, mon pa pe fer li pou mwan personnelman. Mon pe fer li dan lentere bann *sportsmen*, ki vin koz avek mwan. E demann mwan pas zot konsern devan.

So avek sa lentere antet *ok?* Nou annan nou, en sityasyon la *currently*, kot nou pe vwar anba sa Bidze, ler mon pe regard sa sityasyon

subsistence allowances. Ok mon'n vwar en logmantasyon 1.4554milyon, ki ou pe gannyen pou bann *subsistence allowance*.

E mon prezimen sa i pou bezwen al ver, bann atlet oubyen bann sportif ki sipoze al fer bann aktivite aletranze. Me prenon kont sanzman dan bann cost.

Eski zot in koz, zot ti'n koz ek Minister Finans. Minister Finans li in donn zot, sa logmantasyon vizavi bann zwe ki zot pe prepare pou ale. Par egzanp i pou annan Zwe Commonwealth byento, ki zot pe prepare pou ale. I annan bann atlet ki pe prepare.

E i pou osi annan bann zwe lo nivo serten zwe Lafrik. Si sa sityasyon *COVID* pa gate, ki nou bann atlet i sipoze ale. Nou konnen sa, *ok?* Eski zot in koz ek Minister Finans vizavi sa bann *subsistence allowance*, pou fer ki sa bann *subsistence allowance* i sanze?

E i *match cost of living* ki annan ozordi, vizavi sa? Akoz ler mon pe gete in zis pran, zot in pran konsiderasyon. Lefe ki zot annan pli zwe. Me pa plis demann lo sa dimoun personnelman *regarding subsidence allowance* ki pou bezwen? Mersi Mr Chairman.

MR SPEAKER

Mersi. CEO pou reponn. Minis pou reponn. Wi.

MINISTER MARIE-CELINE ZIALOR

Wi mersi. Mersi Mr Chair. Mersi Onorab pou kestyon. Non i en kestyon ki fer sans. Be vwala akoz nou pa pe regard.

Letan NSC in fer plan kategoriz *sports*. I pa pe get lakantite li. Sa logmantasyon, in pran kont sa. E nou pe target even *Commonwealth*, ouswa, bann larestan zwe.

I annan osi *CJSOI*, i annan bann larestan konpetisyon ki nou pe mazin fer. E i pa neseserman kot sa i pou al pou sa bann konpetisyon, an term lakantite li. Nou pe regarde osi tou, ki mannyer nou donn plis siport atlet. Be selman, parey taler mon krwar Onorab Gervais in dir, lo konsernan target spesifik bann *sports* avek bann atlet, ki sa bann nivo *jeux*.

E tou diferan zwe, swa i rezyonal, swa i kontinantal ouswa i nivo enternasyonal. I pou annan son Bidze ki'n ganny *allocate* avek. E i pa pou regard lakantite atlet. I pe regarde osi ki sa bann depans. E avek sa bann sport kekfwa lekipman, ou lezot keksoz osi ki pou bezwen pran an konsiderasyon.

Si Mr Chair CEO i anvi azout bann detay i ava azoute. Mersi.

MR SPEAKER

Byen.

CEO JEAN LARUE

Mersi Mr Chair. Mersi Onorab. An travay ansanm avek Komite Olenpik ki ansarz *Commonwealth* avek Zwe Olenpik, zot annan *Olympic Solidarity Funds*, ki ganny fer, ki ganny donneen avek nou bann atlet.

E sa i osi en lot siper adisyonnel, ki larzan ki Leta i mete avek dan bann atlet ki dan *High Level*. Mon pou, i enportan osi, dir ki depi Zwe Olenpik ti fini le 31 Out sa lannen nou ti annan nou en - akoz i fer tou le 4an. Nou ti annan nou en *pool* atlet, ki ti lo *allowance*. Ti annan apepre 26-27 zot, 27. Prezan ozordi nou'n dir zot be gete, apartir li 01 Septanm, nou pou bezwen revwar e aziste, e nou bezwen get sa bann atlet ki pou annan sans.

E vre sans reel, pou anmenn meday dan enn sa bann zwe. Savedir nou targete, nou bezwen fer preferans. E ozordi nou annan, nou annan 8 ki'n fek antre lo programm, depi le premye. E sa i enn bann fason, ki nou kapab kontrole e

fer sir poudir sa Bidze, kanmenm i pa osi en gro Bidze.

Me solman nou santi poudir lefe ki nou kapab ganny lasistans, lokal enternasyonal, i ava ed nou. E an menm tan osi pa blye, sanmenm sa atlet ki pe al Zwe Olenpik, li menm li ki pe deza pe *train*. I pou al Zwe Commonwealth. E li menm li, demen li menm li, pou al Zwe Francophonie e li menm li.

Savedir sa si nou pe depans tan lo li, in fini fer son semen. Nou konnen kisia, ki sa atlet spesifik. Se pou sa rezon ozordi nou pe dir be gete nou'n target spor atlet, si nou pou kontinyen donn sa pti pers ki nou annan, partaze, meday Olenpik annou blyi li.

Me selman lafason ki nou, nou stratezi ozordi, se sa ki la devan nou. Mersi.

MR SPEAKER

Mersi. Nou pe *run overtime*, mon pou bezwen termin sa sesyon. Mon a pran kestyon Onorab Monthy ek Onorab Zialor. Akoz zot in lev zot lanmen depi byen boner.

HON PHILIP MONTHY

Mersi Mr Chair. Bonn apre midi Minis ek ou delegasyon. Pti kestyon rapid lo lenfrastriktir dan distrik Minis. Ou'n dir ki bann enzenyer in kouver tou

distrik e zot annan en lalis priyorerter.

Mon ti le zis konnen si, Cascade in ganny kouver akoz nou an en laplenn foutbol ki, manrmay nepli kapab servi. I *waterlogged*, in ganny fer lo en lanmar, e manrmay pe zwe foutbol lo *court*.

So mon ti a le zis konnen. Ki bor mon distrik i sitye si pou lannen prosenn, si pou lannen apre.

Epi dezyenm kestyon lo bann *full time coaches*. Mon annan enn dan mon distrik ki'n apros mwan, in dedye 30an son lavi, dan son disiplin, *weightlifting*. En disiplin ki'n anmenn en kantite meday, pou pei. Me ki zot lapey i vreman - Si ou pou vwar ki i pe gannyen, i fer lapenn. Ok, mon konnen poudir Gouvernman pe al revwar striktir saler.

Me mwan mon ti a sizere avek zot, ki zot donn zot *inputs*, ler sa legzersis pe deroule, ki sa bann dimoun ki'n tonm sa kategori pa ganny oubliye, pa ganny kit deryer.

Akoz zot pe apros, sa enn ki mon pe koz lo la i pe apros, son laz retret. E mon santi ki dan en sans in gat son letan, tou sa letan ki'n dedye dan sa disiplin. Mersi.

MR SPEAKER

Mersi. Mersi Onorab, *panel*. Nou kapab ganny sa bann repons vit silvouple. *CEO* pou pran.

CEO JEAN LARUE

Yes. Onorab wi. Glacis i tonm dan nou plan, so. Eskize, Cascade. So i tonm dan nou plan nou fer sir poudir, sa travay osi pou ganny fer kot li.

E konsernan sa *coach* spesifik. Solman ennler ankor, nou bezwen dir laverite. I annan dimoun i ganny li en saler, *over and above*, son travay ki i fer ki zot pe fer, kantite zot.

Nou donn zot en *allowance*, letan zot atlet i anmenn meday, zot osi zot ganny en porsyon ladan. So pou mwan mon gete poudir sa bann dimoun, zot benefisyé.

Me solman, an prenon kont poudir ler nou ti vin dan Lasanble, nou ti dir poudir tou sa bann *coach* etranze, nou pe fer zot arete pou nou, donn oportinite nou *coach* Sesselwa. Ki nou a kapab fer monte zot, zot saler.

I vre nou ava - dan nou diskisyon si nou bezwen, anmenn zot, nou ava anmenn zot. En fason ki zot osi zot benefisyé. Mersi.

MR SPEAKER

Mersi *CEO*. Onorab, Zialor.

HON NADDY ZIALOR

Mersi Mr Chair, bref vitman. Letan ki zot pe koz *High Level sport*. E ki nou anvi anmenn Sesel en lot nivo pou, pou nou ganny nou premye meday dan Olenpik. Ki sityasyon *Paralympic* e ki bor i antre dan zot Bidze? Mersi bokou.

MR SPEAKER

Mersi. *CEO*.

CEO JEAN LARUE

Ok. Mersi Mr Chair e Onorab. Se pou sa rezon Onorab, ou kestyon i tre valid. Se pou sa rezon dan nou, dan nou Bidze ou pa vvar Olenpik, oubyen *Commonwealth*. Koman en lorganizasyon akoz zot, zot annan en Komite. E *Paralympic* osi mon konnen zot fek fer eleksyon.

So, nou ozordi nou'n dir, parey nou travay avek Olenpik, nou bezwen travay avek *Paralympic*, pou fer sir poudir zot osi nou bann atlet, otreman kapab mon krwar zot dir, zot osi zot annan tou drwa pou demen, viz ganny sa rev pou meday lor Olenpik. Mersi.

So sa travay nou pa'n, pa'n oubliy zot mersi.

MR SPEAKER

Mersi. Bon nou a pran vot lo sa Bidze silvouple. E sa i Bidze NSC, lo paz 232, ziskan 246. Pou R72milyon 835mil.

Manm ki an faver, lev lanmen silvouple. Byen okenn Manm ki kont? Vot *National Sports Council Pages 232 to 246*, pou R72milyon 835 mil. 28 Manm in vot pour, 0 kont e 1 in *abstain*.

Alor sa Bidze in aprouve, par Lasanble. Bon nou a pran en poz la, e mon vwar. Eski nou kapab koup sa *break* en pti kourt. Nou a komans 5er mwen 10. Perdi zis 2 minit, pa grav. Byen nou a pran poz la e mon a remersye Minis.

Minis pe retournen. Me mon a remersye delegasyon *National Sports Council*, e mon a swet zot bonn rantre. Mersi.

(BREAK)

SEYCHELLES NATIONAL YOUTH COUNCIL

MR SPEAKER

Byenveni Mrs Penny Belmont CEO *Seychelles National Youth Council*. Bidze *Seychelles National Youth Council*, lo paz 227 ziskan 231, i pou en total R20milyon, 161mil. Minis nou a pas lo lenglodiksyon sa Bidze silvouple.

MINISTER MARIE-CELINE ZIALOR

Mersi Mr Chair, pour sa Bidze Konsey Nasyonal, Lazenes ki en logmantasyon apepre 1.7milyon, ki nou ape demann laprouvason Lasanble Nasyonal ozordi.

Lamazorite sa logmantasyon, i plito pou 'goods and services' ki apepre R1.3milyon. Ledan se akoz letan nou pe revwar manda sa Konsey. Letan nou pe revwar osi bann diferan responsabilite en pe novo, apre bann ki nou'n retire avek li.

E sa i pou plito pou nou refer bann levensman dan en lot fason.

E sa in demann avek bann diferan logmantasyon dan bann pri, ki'n annan, ki'n demann en logmantasyon ki i pa bokou pou sa Bidze. Ki nou a pe demann laprouvason, demann sipor, pou Lasanble Nasyonal ozordi.

E avek sa Mr Speaker mon ti a kontan envit deba lo sa Bidze. Mersi Mr Chair.

MR SPEAKER

Mersi. Minis nou a pas lo kestyon bann Manm. E Onorab Audrey Vidot i a komanse.

HON AUDREY VIDOT

Mersi Mr Chair. Mr Chair mon kestyon, pour Minis oubyen

CEO. Prenon kont ki Gouvernman in prononse, Minis in prononse ki pou annan revizyon saler 2023. Me par kont nou konnen ek bann reform ki ladministrasyon in fer dan Departman Lazenès.

E bokou bann, zofisyè ki nou ti apel zot bann *youth workers*, zot in ganny mete lo nivo rezyon. E par kont nou ti a kontan konnen dan sa Bidze. Kwa sipor adisyonné, *in terms of incentives* 2022. Ziska ler revizyon saler i ganny fer, ki pou donn sipor sa bann - ankourazman sa bann zofisyè, ki la i annan bokou plis distrik pou zot *oversee*.

Menm si par kont i annan zot pe travay an lekip. Ki pou fasilit zot annan plis sa kordinasyon, lo nivo bann distrik. An term pou donn sipor bann groupman lazènes ki pe ganny formen la. Espesyalman bann nouvo Komite ki pe antre, i annan ki nouvo ki bezwen sipor.

Kwa ki an plis zot pe mazinen ek sa Bidze, pou zot aport sa bann travayer? Mersi.

MR SPEAKER

Mersi Onorab. Minis.

MINISTER MARIE-CELINE ZIALOR

Mersi Mr Chair, mon ti a voudre Mr Chair ki *CEO* i adres sa kestyon. Mersi.

MR SPEAKER

Mersi *CEO*. Ou annan laparol.

CEO PENNY BELMONT

Mersi Chair. Bonn apre midi tou bann Onorab. Pou nou anplwaye, nou'n rewwar en pti pe egzakteman ki zot rol, ki zot fer. Parey Onorab in nonmen, poudir zot ti donn *youth worker* dan sak distrik e la zot pe travay par rezyon.

Youth worker ti anba en *Scheme of Service*. E sa ti enn ki ti ganny fer depi 2013. E in bezwen ganny rewwar. Nou bezwen rewwar zot fonksyonnan, zot rol. E apre osi, nou bezwen rewwar zot *job description*.

Akoz avan zot ti fer en serten fason fer travay. Me la zot manda in ganny elarzi. E zot pe pran plis responsabilite. Parey ou konnen en *youth worker* ki ti travay avek en distrik. Prezan i pe travay avek sis. So i diferaman, me fason osi travay osi i diferaman.

Apre nou pe fer sa ki nou dir, *added responsibility* kot nou pe vwar, kot petet ou ti pe fer en louvraz, tousel. E la ou pe pran responsabilite en lot departman. E sa i vin ansanm.

So nou pe regard dan en *incentive allowance*, revwar zot *job description*. E parske nou'n refer nou *structure* e baze lo nouvo *structure*, then la nou kapab revwar zot nouvo saler.

Akoz wi avan zot saler ti enn pti pe ba. Mersi.

MR SPEAKER

Mersi. Yes Onorab Vidot. Ou le fer klarifikasyon.

HON AUDREY VIDOT

Zis pou ekliersi CEO. Savedir dan sa Bidze 2022 la, zot pou konsider lo kote *allowance* ziske ler revizyon saler 2023. *Thank you.*

MR SPEAKER

Wi byen. Mersi. Onorab Woodcock.

HON WAVEL WOODCOCK

Mersi, Mr Speaker. Bonn apre midi CEO. Mon kestyion i kote i konsern, i annan pou fer avek Bidze. Me mon pou *link* li avek Rapor Oditer Zeneral 2019. Ki ti annan en *issue* ki Oditer Zeneral ti fer sorti, kot ti napa *Lease Agreement* pou plizyer landrwa ki SNYC ti pe lwe.

Ki osi enkli lofis, SNYC Baie Sainte Anne Praslin. E kot SNYC i baze dan sa *building*. Sa *building* i aktyelman pe *appartient*, i pou United

Seychelles. *Horizon Complex* Baie Sainte Anne.

E mon kestyion i, eski zot in rektifye, sa *issue Lease Agreement?* E kote demars in arive, pou *relocate* sa lofis, kot i ete aktyelman la pou sa landrwa ki zot in idantife Grand Anse Praslin?

E kot i konsern lokasyon bann lofis, i annan plizyer bann konsern ki bann zenn in fer resorti. E sa i pa zis, Praslin i La Digue osi, e osi Mahé. Kot bann lofis aktyelman *located*. La Digue i preski dan en *attic* anler, Baie Sainte Anne i dan en *building* ki pou *United Seychelles*. E Mahé i annan en, zot lofis i par lao *Sacos Tower*, annefe par lao *Electoral Commission*.

Ki pa neseserman *conducive*, ouswa aksesib pou bann zenn. Sirtou kot i annan bann aktivite, pou fer bann aktivite ki konsern lazunes. Alor eski zot pe reviz en pe, e reget landrwa kot sa bann lofis pou baze dan lefitir? Mersi.

MR SPEAKER

Mersi Onorab. Minis ou a adrese?

MINISTER MARIE-CELINE ZIALOR

Mersi Mr Chair. Mon pou pran sa dernyen kestyion, sa dernyen

bout apre mon pou les *CEO*, reponn sa premye kestyon.

Lo kote desantralizasyon. Definitivman, la kot ou'n mansyonn, kot *Sacos Tower* i ete i lofis, i lofis e vre i pa *conducive*. Si i annan okenn aktivite, okenn keksoz zot bezwen al an deor.

Pou ganny aksesibilite, avek bann dimoun ki pe partisip dan okenn levennman, okenn aktivite ki pou fer. E i annan plan pou sorti la. Pou nou sorti nou bezwen, esper Lasante rann nou, rann SNYC landrwa kot *APDAR* i ete la, kot English River.

E nou pe re-regarde osi tou dan sa plan pou regarde ki mannyer nou kapab, regard lo dan bann distrik. Pou nou kapab desantralize, pou fer bann aktivite lo nivo kominoter. Dan plas toulstan santralize fer li, fer li anvil. Pou sa bann larestan, kestyon mon ti ava kontan *CEO* i adrese. Mersi Mr Chair.

MR SPEAKER

CEO.

CEO PENNY BELMONT

Mersi Chair. Mersi Onorab, pou sa, an se moman nou annan nou zis 4 landrwa kot nou pe lwe. Nou annan Anse Royale, ki tonm kot Gouvernman. E sa

nou annan en YSB, avek en lofis, ki sey desantraliz en pti pe nou servis.

Apre nou annan La Digue, ki wi, i ptipti. Me selman ou prenon kont, La Digue landrwa i en pti pe, pa annan pou nou lwe. Nou'n monte, nou'n fer en pti pe resers.

E la an se moman nou'n vwar en lot landrwa ki nou kapab bouze, ki en pti pe pli gran. E nou pe vwar ansanm avek mon *FC*, nou nouveau proze, pou nou deplas sa. E osi akoz *Pension Fund* pe vann son landrwa. So nou pe revwar tousala, lo La Digue.

An prenon kont, Praslin. Wi Onorab nou'n zwenn ansanm, ou'n vin ek mwan ansanm vizit. Nou pe rod tou fason pou nou sorti dan sa lokasyon. E kot nou pe al antre i pou Gouvernman, so i pou koup nou en pe lo nou *rent*. E osi i a pli *conducive* pou bann zenn akoz i pli gran landrwa. E landrwa i pli kapab, fer bann aktivite.

Me selman pran kont parey ler ou ti vizit ansanm avek mwan, avek *DA*. I annan en bon pe travay ki bezwen ganny fer lo la. So ankor parey ou ti dir nou, poudir ou pou anmenn ou sipor avek bann donasyon, bann *sponsors*. Dek ki nou kapab fer sa, nou kapab

bouze pou nou kapab resorti dan sa enn lofis, pou nou antre laba. Mersi.

MR SPEAKER

Mersi CEO. Onorab
Samynadin.

HON KELLY SAMYNADIN

Mersi Mr Chair. Bonn apre midi *CEO*. Mon kestyon i baze lo zot *Strategic priorities*. Mon vwar ki zot pe *focus* bokou lo *Youth Empowerment*. Sa i plizoumwen viz an, viz anver langazman ek partisipasyon bann zenn dan distrik, lafanmir, lakominote.

Mon vreman apresye sa linisyativ. Akoz mon santi ki sa i pou ede pou re enkilke bann valer ki pe perdi parmi nou bann zenn.

Mon kestyon i apard ki bann *DYCs*, ki bann lezot platform ou linisyativ ki Departman Lazenes pe mazin vin avek, pou reisi kapab travay dan sa direksyon?

Apre anba '*governance management and administration*', mon vwar i annan en alokasyon 140mil, pou *training fees*. Eski sa alokasyon i pou vize enn pti pe, li osi pou annan, pou annan en bout ki pou vize ver *Youth Empowerment* ladan? Mersi.

MR SPEAKER

Mersi Onorab. Minis, nou a pas pou *CEO*. Wi.

CEO PENNY BELMONT

Mersi Chair. Mersi Onorab. Anliny avek nou novo stratezi, sirtou nou priyorite ler ou vwar lo, lo lalis. Wi nou pe angaze pou nou, nou fek *actually* komans en programm avek bann *DYCs*, avek bann distrik, ki nou'n apel li *Upgrade 101*.

Sa proze se pou nou *train* epi *build* bann *capacity*, pou bann *leaders* dan lakominote. Akoz nou konnen nou pe sey, nou pe dir zenn, pran *take ownership*. Be selman nou bezwen donn zot sa sans pou zot prouv zot lekor. Me nou bezwen donn zot le neseser *training* avek *capacity building sessions*.

Apre osi anliny avek sa nou'n komans *self-efficiency*, pou nou *build* zot karakter. Epi pou zot kapab ed zot bann fondasyon. Parey ou'n demande nou annan *DYC*. Apard ki *DYC*, nou annan en kantite *youth-led group organizations* dan distrik.

Fodre ou pran kont, SNYC i annan li 40 a se moman, *forty affiliated members*. So *affiliated members* is from each district. Ou annan diferan, cultural, sportif, *anything*. Me this is sa ki nou, nou fer se ed zot pou *empower* zot.

Apre osi nou travay *closely* avek *CEPS*, osi ek bann lezot *NGOs* an *close* kolaborasyon. Pou nou kapab ed zot, pou zot *come up* avek zot bann nouvo proze. Avek bann nouvo nide, *and* e ki mannyer pou nou kapab tir, eparnye zot dan sa ki zot anvi fer.

Pran ownership, at the same time, give donn zot sa leadership style, support pou zot kapab mont pli devan.

Annefe, sa semenn nou fek komans en kozri avek en Lanbasad, pou nou kapab prepar zot pou ekrir zot bann proze, lo en lot nivo ki zot kapab, ganny *Grants* pou zot distrik. *Thank you.*

MR SPEAKER

Thank you, CEO. Onorab Uranie.

HON ROCKY URANIE

Mersi Mr Chair. Bonn apre midi *CEO*. Minis ankor en fwa, byensir tou Digwa a lekout. Avek vizit ki nou'n fer La Digue, kot *SNYC*. Nou vwar poudir, landrwa i vreman pti. E mon kontan tande poudir nou'n ganny en nouvo landrwa.

Me mon ti a kontan konnen kote sa landrwa i ete? E kote dan Bidze ki'n fer provizyon, akoz sipoze lwe sa landrwa. Kote dan Bidze ki

montre poudir zot pe al lwe en landrwa? E eski i pou kout pli bon marse, ki kot landrwa orizinal i ete la? Mersi.

MR SPEAKER

Mersi Onorab *CEO*. Minis *CEO* i pran. Mersi.

CEO PENNY BELMONT

Mersi Onorab. An se moman *YSB*, kot nou pe peye la, par mwan *and* ek en lofis. Son *YSB*, li menm i 11,623.60sou e lofis i 4583. 27sou. E kot nou pe bouze i zis par deryer, kot sant i ete ki pli gran.

E son *rent* i pli bon marse. E lo *ground floor* nou kapab servi lespas devan osi, pou nou kapab fer nou bann aktivite. Mersi.

MR SPEAKER

Mersi *CEO*. Onorab Labrosse.

HON RICHARD LABROSSE

Mersi Mr Speaker. Bonn apre midi Minis *CEO* ek ou delegasyon. *CEO* mon annan en kestyon konsernan bann. Mon'n vwar dan Bidze, lo latab 2 lo bann *Youth Service* Biro ki zot pe ofer.

Mon rapel sa servis li menm zot ti pe desantraliz li en pe partou pou rezyon Les Mamelles, Mont Fleuri, Roche Caiman. Si ou ti kapab donn

nou en pti pe plis detay, kote bann zenn pou zot pou ganny sa servis an se moman?

Apre osi mon annan en pti, mon annan en pti, en pti konsern *of a kestyon*. Konsernan, nou pe koz lo adolesan, pou *empower* bann zenn adilt osi tou. Sa mon krwar en bon keksoz ki ou'n vin avek.

Mon pe gete parey i annan bann zenn osi, ki nou konnen kekfwa, zot pa'n fini lekol. Solman la zot in ariv dan en staz adolesan. Konmsi mon santi ki i annan lenformasyon ki manke pour zot.

Sirtou bann ki pe rod en lanplwa, ki anvi antre dan en travay, vi ki nou konnen zot in kit lekol ase boner. Eski kote ou Konsey i antre dan tousala? Mersi Mr Speaker.

MR SPEAKER

Mersi Onorab. Minis.

MINISTER MARIE-CELINE ZIALOR

Mersi Mr Chair. Mersi Onorab pou ou kestyon. Premye pou YSB, CEO i ava reponn. Mon ti anvi pran sa bout, lo kote school dropouts. I deza ansanm avek sa i Departman, *Youth and Sports* ansanm avek Departman Lanplwa.

Ki deza pe fer bann kozri, ki nou'n deza koz lo la, letan ti annan bann, nou ti annan bann diskisyon Bidze, dan *Cabinet* pou nou vwar ki mannyer nou kapab fer bann kolaborasyon.

Pou nou kapab ansanm avek Minister Ledikasyon tou, pou nou kapab anmenn bann programm spesyal.

I annan, be selman nou anvi anmenn en pti pe plis osi tou. Be sa i plito sa bann kolaborasyon koumsa sa bann diferan *Policy Inter-ministerial*. I plito avek Departman, ki regarde, regard bann Polisi pou fer sa la, e pou vin avek.

Be selman i deza pe ganny fer e programm i deza annan ansanm avek Departman Lanplwa. E mon ti ava kontan ki CEO i pran sa premye kestyon. Mersi Mr Chair.

MR SPEAKER

Wi CEO. Nou pas ou laparol.

CEO PENNY BELMONT

Mersi Chair. Mersi Onorab. Nou ti annan bokou YSB, plis ki nou annan konmela. E pou lemoman la nou napa enn ki kouver Anse Royale, Mont Fleuri, Plaisance, Roche Caiman.

Me nou pe revwar pou nou kapab met enn sirtou swa Mont Fleuri, swa Roche Caiman. E

pran kont ki la, nou bann *youth workers* in ganny retourn anba biro, zot rezyonal.

So nou pe revwar ansanm avek *Local Government*, bann diferan landrwa ki nou kapab, met bann YSB. Ki kapab donn *back* sa servis. Akoz pou lemoman i prouve sa ki nou'n annan, ki nou annan la i pe marse.

E prenon kont la, nou pe ouver se Perseverance. Ki ti napa en YSB avan. E la nou pe met enn pou zot, nou a regard dan posibilite fer pou ou. Mersi.

MR SPEAKER

Mersi. Onorab Pillay. Mon pe al dan lord, Onorab Pillay ou tour.

HON SEBASTIEN PILLAY

Mersi Mr Chairman. Bonn apre midi CEO, e bonn apre midi tou dimoun ki a lekout. Mr Chairman mon ti a kontan demann *CEO*, an relasyon avek ou Bidze.

E mon pe get ou bann konponan '*wages and salaries*'. E nou'n osi resevwar lenformasyon ki annan, pa mwens ki - Esper en pti moman Mr Chairman, mon ava *locate* mon lenformasyon enn pti kou. Pa mwens ki 8.

Ti annan 7 - 7 *youth worker* ki zot pozisyon in ganny,

in ganny aboli. Mon ti a kontan ganny en leksplikasyon. Lefe ki mon pe vwar poudir sa, ti pou napa gran sanzman mazer, an relasyon avek zot '*wages and salaries*'.

Pour ki rezon sa 7 *youth worker*, zot pozisyon in ganny aboli? Akoz ler ou compute saler en *youth worker*, and then ou azout li avek saler final i pa vreman fer gran diferans avek sa Bidze saler, ki ou annan la. Sa i mon premye kestyon.

Mon dezyenm kestyon, se apre ki nou'n fer sa, sa sanzman dan Lalwa SNYC, kwa ki ou'n fer pou komans angaz bann zenn, pou vin partisip dan prosesis *decision making*, pou vwar ki mannyer zot kapab antre dan *interface*? Akoz, ler mon pe pas dan Bidze, mon pe get bann depans ki annan.

E mon pe regard sirtou sa *head* ki annan pou fer, avek *Youth Empowerment*. A vre dir ou mon, pa pe tro vwar, en pozisyon bidzeter ki al ladan. So petet si ou kapab klarifye pour mwan, kote egzakteman, sa larzan ki sipoze al ver bann zenn pou zot vin *empowered*, pou vin pran par dan aktivite?

Akoz la nepli en kad legal pou zot fer li. Kot zot sipoze pe vini pou vin fer. And then mon dernyen kestyon ki mon annan se, mon'n note anba ou Bidze ki

ou annan, en *allowance for part time lecturer*, anba 'other uses of goods, for goods and services. Eski ou kapab dir nou *what this entails?* Please. Mersi Mr Chairman.

MR SPEAKER

Mersi Onorab. Minis nou al lo CEO wi. CEO ou adrese.

CEO PENNY BELMONT

Mersi Chair. Mersi Onorab. Ler nou koz lo administratif, kot ou dir mwan i annan 7 staff ki'n ganny *redundancy*, nou'n annan osi 8 ki'n ganny transfer.

E sa i anliny avek sa nouveau striktir. Parske nou ti annan en kantite travayer, wi nou ti annan dan sak distrik. Me selman, nou sa ki nou ti pe fer, nou fason travay avek la i diferaman. So nou ti'n bezwen vwar sa nesesite pou nou *redeployed* bann staff.

E nou'n fer nou mye, pou nou kapab remet zot dan lezot landrwa, E sa bann ki'n *redundant*, zot i re-al antre dan lezot lanplwa. E mon kapab donn ou garanti ozordi, sa bann *redundancy*, i reste zis de ladan ki pa ankor ganny lanplwa. Me selman zot, zot in fini re-antre dan en lot lanplwa.

E sa i baze akoz nou nouveau striktir, nouveau fason fer keksoz. E osi nou pe sey

regarde osi, parey mon'n fek dir taler, *new job description* ki zot fer, ki zot pa fer. Akoz ou konnen, nou bann *youth worker* pa ti pe ganny sa valer ki i devret gannyen, ek zot saler ki ek zot travay.

Youth worker i travay ziskan tar aswar, sak aktivite ou bezwen fer sir ki bann zenn i ganny ariv se zot, e tou sa. E tousala i bann keksoz ki nou'n vreman annan kont. Ler nou, nou kase, nou vin en pe pli ptipti plis responsabilite. E nou kapab organiz nou saler, ki i kapab vin en pti pe pli byen.

Apre ou'n demann mwan lo konsernan nou nouveau *Act*. Kwa ki nou pe fer? Nou pe esper bann desizyon, parske nou'n antre dan en staz *campaign - canvassing*, kot nou dan distrik pou nou eksplike ki nou pe fer, ki nou pa pe fer. Pou lemoman nou pe zwenn avek bann *DYC*.

Me akoz ek rezon lasante nou pa kapab fer bann gran kanpanny ek gran group, pou nou zwenn avek. Me selman nou angaze ek bann zenn, bann *youth-led group*, bann *DYC*, bann ki deza annan bann formasyon zot group, pou nou eksplik zot, ki mannyer nou pe - *We will go about* pou ed zot.

E osi ou'n mansyonnen poudir nou'n pran, *part time*

lecturers. Fodre ou realize anndan dan SNYC, nou napa kapasite. Pa tou keksoz ki nou konnen. I annandler ki nou pou bezwen rod *outsource, training* sirtou oubyen *outsource* serten servis lezot dimoun, pou nou kapab ed bann zenn.

Par egzant mon pou donn ou en legzant, dizon nou pran *DYC* tou bann, *Chair* nou bezwen fer en *leadership course*, anndan kot nou, petet mon bann direkter. I bezwen sa avek adisyonnal, so we have to get it from somewhere else. Sanmenm sa ki nou'n met sa bann adisyon.

E pa osi, koman *staff* osi nou bezwen *training*. Nou bezwen konnen ki mannyer, nou pou *deal* ek serten sityasyon. Ek e kwa ki nou fer, ki nou pa fer. So tousala i vin ansanm avek bann ledikasyon. Ek *training* ki nou bezwen, kontinyelman fer.

E konsernan, ou trwazyenm sete lo *empowerment*. Ler ou vwar mon dan nou *PPBB* ou vwar premye kot nou annan premye *governance*. Apre nou annan nou de programm.

Development and Implementation of Youth Programme. Anba la ki ou pou vwar i annan sa, sa bout *empowerment*, i vini. E ler ou

vwar ou pou realize poudir sa seksyon 'Youth Empowerment' i fek ganny formen. Ki nou ti napa avan.

So san menm sa ki nou'n kas SNYC. An se moman i an trwa seksyon, konpare avan ki ti an kat. E nou'n *merge* pou nou kapab, donn zot sa *empowerments*, sa langazman, ek the leadership that they need. Mersi Chair.

MR SPEAKER

Yes, Onorab Pillay nou a klarifye.

HON SEBASTIEN PILLAY

Mersi pou lendilzans Mr Chairman. Mon kestyon pou ou. Se mon pe regard ou 'Development and Implementation of youth services' par egzant. Ok.

I en programm ki ganny, R8milyon apepre mon krwar. Ok. Anba sa programm pou, 'Youth Services' i annan 2.7milyon, 1.4milyon ladan i al pou saler. Ok. Apre 708mil. Sorry, 1.5milyon i al pou saler, apre i annan 363mil ki al pou office expenses ki en decrease from the previous year. Ok?

Mon pa pou vreman vwar malgre, ou'n met sa programm apar, part of your strategic objective. Mon pwen i se ki ou napa larzan, pou fund sa

programm. So mon kestyon i se ki kote, ki ou pou *fund* sa programm?

Atraver ki fason, par egzanp *National Youth Assembly, SNYA*. Kote i antre dan ou bann programm pou li kapab ganny *funded*? Akoz mwan mon annan en *breakdown*, ou bann *expenses* devan mwan la. Ki nou'n gannyen ek Minister Finans.

E dan sa *breakdown* ki devan mwan, mon pa pe vwar sa larzan ki ou pe dir mwan. Mon ti a ekspekte i anba ou '*goods and services*'. E i ganny *package* anba ou '*goods and services*', pou li sorti anba la. Akoz larestan i bann Kod, normal parey saler, ki pa kapab sanze.

So mon ti a kontan konnen kote, sa larzan i ete pou ou siport bann aktivite lazenes? Dan en fason pli kler. E mon konnen Speaker, i enpasyan ki mon fer mon pwen. E dezyenmman *very quickly* Mr Speaker, mersi pou ou lendilzans ankor enn fwa.

Mon ti a kontan ou klarifye. So i fer 15 travayer, 15 *youth worker*, ki'n sorti. E sa i anliny avek en, en *remaniement*. Mon vwar sa en pti pe drol akoz 7, ladan in bezwen al rod louvraz pou zot menm.

E ou dir mwan ladan i annan zis de ki pa ankor ganny louvraz parmi sa, 7. Nou ava gete. Nou a gete si parmi sa 7 i annan zis 2 ki pa ankor ganny louvraz.

Selman nou mazinen poudir ti pou napa en lenpak bidzeter signifikan. Ki si kantmenm sa bann dimoun, ti'n reste *payroll* pe fer en travay. Mersi Mr Chairman.

MR SPEAKER

Mersi. Minis i anvi adrese.

MINISTER MARIE-CELINE ZIALOR

Wi. Mersi Mr Chair. Mersi Onorab pou donn nou sans pou nou kapab klarifye sereten keksoz. Ankor mon krwar i annan en pe konfizyon. I annan en pe konfizyon ki pe ganny kree la dan Lasanble konsernan, *youth workers*, e konsernan apre osi tou, saler.

Letan taler Mr Chair mon ti eksplike, mon ti dir, pou nou fer keksoz marse, resours pli enportan se dimoun. Resours pli enportan se dimoun, letan nou pe pey nou bann dimoun, parey sa '*wages and salaries*' ki i pe dir. Ouswa nou pe fer *job enlargement*, pou nou bann dimoun kapab ganny *incentive*, ouswa pou kondisyon travay.

I pa fasil kot SNYC, zot kondisyon travay ki ti la oparavan. Zot kondisyon travay pou nou amelyore, anmezir ki nou pe sanz striktir, sanz zot fason travay. E letan nou ganny sa bann zofisyen kot SNYC. Ki vini avek sa bann group NGOs ouswa sa bann group dimoun ki pe travay, nou pe pey li en saler.

Mr Chair be sa i larzan dan Bidze ki nou pe depanse pou nou fer programm. Pa neseserman fodre, nou met 10, 20 programm, apre nou met 2,3,4milyon avek. Sa i en vye fason fer sa.

Nou, nou pe anmenn en nouveau fason fer ki i kout Gouvernman mwens larzan. Ou akt *smart*. Kot nou kapab fer bokou plis, dan en lot fason fer. In mansyonn par egzant SNYA, nou'n ale, nou'n al negosye. CEO ale, PS la, mwan osi mon'n ale kot Lanbasad Angle ki pe *sponsor* an antye, an antye, lo en standar Eropeen, lo nou SNYA antyerman.

E nou'n, nou'n demann ankor i dir ek nou i annan ankor larzan, pou lazences, zot kapab *sponsor*. E pe dir ek nou anmenn bann programm, pou nou kapab negosye, pou nou kapab fer sa arive.

E sa bann travayer kot *Council*, zot pou *engage* avek sa

bann teknisyen kot Lanbasad Angle.

Par egzant, sa saler, sa Bidze la, i pou donn zot sa lankourazman, donn zot sa zouti pou zot kapab ale fer devlop zot kapasite. E pou zot osi kapab ale, pou zot kapab deservi sa bann programm ki nou pou ale pou nou al met an plas.

Sa fason fer tradisyonnel, kot Mr Speaker. *Leader* Lopozisyon i toulstan redi nou laba deryer, pou nou reste ankor laba deryer, pou nou kontinyelman fer keksoz parey.

Mon krwar nou, nou tou nou konnen poudir nou bezwen fer keksoz diferaman. E sa diferaman si par egzant, la mon kapab konpran petet kekfwa i pa pe vwar li. I normal kekfwa i pa pe vwar li, letan nou ava kapab fer en pe legzant aktivite.

E kekfwa lezot bann dimoun, bann zenn pa pe vwar. Nou pou kapab vwar sa. Be selman pou nou kapab, e, e mon vwar i drol. Nou koz bokou lo, wi donn dimoun, met dimoun o sant devlopman. La letan finalman nou, a pe met sa, nou pe met dan Bidze nou pe vwar nou pe devlop kapasite. Kot nou a pe met, nou a pe met saler.

Non les mwan koze, ou'n koze ou. Ler nou a pe, nou a pe, ler nou a pe met saler Mr Chair. Letan nou a pe fer sa la. Akoz, akoz resours pli enportan ki annan dan en pei se bann dimoun.

Nou annan bann pei, parey Sengapour, ki napa, nou napa delwil, nou napa resours. Be nou, nou dir nou napa resours. Nou annan en kantite 90mil, servo ek lenerzi ki nou annan. E nou anvi prezan donn ou sa *shift*, nou pe *shift* sa akoz zot pa'n ganny gannyen bokou sa bann travayer laba, lanfaz mete lo zot.

E nou bezwen met sa lanfaz, lo zot fer sa pou 2022. 2023 i en lot Bidze, pou 2022 e i ava annan osi tou parey taler mon ti pe dir *review*, pou nou kapab vwar sa.

E vwala dan sa fason stratezi, dan nouveau filozofi nouveau prensip, travay Mr Chair ki nou, nou a pe anmennen. Pa neseserman fodre nou met detrwa bilyon dan bann programm, par ler ki superfisyal.

Nou pe zis mete pou *tick* bann *box*, poudir nou'n fer ki napa lenpak. Lenpak se ki nou met kontrol dan lanmen sa bann, sa bann lazences. Zot *very resourceful* zot. Annou *trust* zot.

Zot kapab ale zot osi ou donn zot en pti koud pou. Fer

sa bann travayer kalib pou tenir zot, apiy zot deryer. Zot kapab ale zot menm, zot kapab, zot pou *surprise* ou zot pou anmenn en kantite nouveau keksoz lo zot menm, ki zot anvi pou zot dan plas toulstan nou a pe kontrol zot.

Pe dir ki pou fer, lala nou ava donn zot en *prescribed* 20 aktivite, avek 20milyon lala, pou al fer. Sa, sa fason fer Mr Speaker, nou, nou, nou ape, ape sanze.

Mon krwar nou rapel nimero 6 ek nimero 9 kekfwa sa i nimero 9, nou i nimero 6. Nou pe vwar en pti pe diferan, ki mannyer mon ti anvi zis *highlight* en pti kit sa pwen lo kote sa Bidze.

Akoz sa Bidze i koumsa, nou bezwen, nou bezwen le lev standar sa Konsey. E elev standar konsey, i pa zis fer *branding*, sanz non nenport kwa. I dimoun, nou bezwen met en pe resours, en pe larzan dan sa bann dimoun pou nou kapab elev zot osi, elev sa nivo sa standar, fer zot vwar zot enportan.

Akoz si nou pa fer sa, zot kalite travay ki zot pou ale, pou zot kapab ede avek sa bann zenn la. Parey nou pou pe gannyen la, nou pa pe ganny, nou pa pe ganny keksoz diferaman. E vwala akoz, nou'n

fer sa bann *shift* sa bann, sa bann sanzman, ki nou pe fer.

E mon ti ava kontan Mr Chair petet envit CEO, pou li preznan, reponn sa bann lezot kestyion. Mersi Mr Chair.

MR SPEAKER

Mersi CEO, i annan pwen oule reponn?

CEO PENNY BELMONT

Apre nou. Mersi Chair, mersi Onorab. Nou bezwen regarde osi, lo *result-based management* ki nou'n fek komans *training actually*, sa semenn pou nou bann *staff*.

Wi ou'n dir nou sa Bidze, ler ou get nou *wages* i ankor parey. Me an prenon kont, sa bann ki nou'n transfer zot saler pou al avek.

So i pa pou, i pa pe reste pou nou sa. So *basically*, sa bann dimoun, ki'n sorti zot still annan zot saler. Mersi Onorab.

MR SPEAKER

Mersi. Onorab Lemiel.

HON SYLVIANNE LEMIEL

Mersi Mr Chair. Bonn apre midi tou dimoun, *welcome CEO*. Mr Chair, mwan kestyion i se ki anba zot '*development and implementation of youth services*'.

Anba zot bann *offices*. Anba zot bann *office rent*, mon vwar ki ti annan R486mil, sa lannen. E pou lannen prosen pou zero, sa ki mon pe vwar, dan sa dokiman ki la devan nou.

Petet mon ti a kontan konnen akoz i zero. Eski zot pe nepli *rent* okenn lofis? E apre osi mon ti a kontan ganny osi, leklersisman letan nou *lo rent of office*, mon konnen ki avek zot sanz fason fer, zot pe anmenn, bann *pool of youth workers or* bann travayer lazenes ansanm. Petet mon pe mazin, la mon'n antann lo kote nivo sid. Mon pa konnen si zot baze sid les *or* kwa. Solman mon konpran, zot sipoze baze Anse Royale en tim dimoun.

Zot sipoze vin dan *CSB Building*. So letan mon pe vwar, zot deza annan en *Youth Bureau* dan *CSB building*. So, mon konpran zot pe revin pran lofis ankor, pou zot met sa *pool* dimoun.

Annan en sant Anse Royale kot tou sa dimoun i la. So ler mon pe vwar ki napa, *rent, office rent*. Eski sa landrwa ki zot pe al ladan, zot pe gannyen avek Gouvernman san pey en *rent?* Or akoz ki napa sonm spesifik? Mersi.

MR SPEAKER

Mersi Onorab. Minis wi.

MINISTER MARIE-CELINE ZIALOR

Wi. Mersi Mr Chair. Mersi Onorab mon krwar petet mon ti ava les SS eksplike. Akoz bann *rent* in santralize, anba Bidze ki SSi a eksplike. Mersi Mr Chair.

MR SPEAKER

SS wi.

SS PATRICK PAYET

Thank you, Mr Chair. E mersi Onorab. Mr Chair kekfwa si zot la lo programm 1 Gouvernans Management ek Administrasyon, zot pou vvar tou sa bann *rent* in ganny santralize dan ladministrasyon.

Olye met li *specific* lo programme 2. So tou bann *rent* in ganny santralize. Sa ki ou pou vvar, ki napa alokasyon dan sa lot. Mersi.

MR SPEAKER

Thank you SS. Onorab a konsilte sa. Onorab Cosgrow.

HON WALLACE COSGROW

Mersi Mr Chair. Bonn apre midi CEO. Mr Chair, mwan mon ti enn bann dimoun ki ti ler mon ti fer mon *speech* Bidze, Larepons Bidze, mon ti dir ki dan Bidze napa nanryen pou zenn.

Enn bann keksoz ki ti fer, enn bann rezon ki ti mwan dir sa sete. Premyerman dan *speech* Minis pa ti prominan, *speech* Minis Finans pa ti prominan. Zenn pa ti prominan. E ler mon get sa, sa Bidze *National Youth Council*.

Enn pti pe dan menm laliny ki *Leader* Lopozisyon in koz lo la. Mon vvar en Bidze SNYC, ki plizoumwen pe mentenir letablisman. Mon a eksplike ki mon pe sey dir. Nou pe pey saler, nou pe pey delo, elektrisite, *rent bla, bla, bla*.

Tou sa bann keksoz ki *fixed* dan Bidze. *It's a fixed cost* dan Bidze, pou mentenir letablisman. Me par kont ler nou gete nou pa pe vvar, bann petet bann larzan ganny mete, ver programm.

Now, nou'n ganny dir i annan en novo fason fer. Minis in eksplik son novo fason fer. Mon pa pou antre ladan as such. Me solman ki mon le dir, novo fason fer, par egzanp ou'n, ou'n donn legzanp Lasanble Lazenes, i pou ganny fund. Si mon pe lir, konpran ou byen, i pou ganny fund off budget.

So i annan bann dimoun ki'n apres zot, i ganny fund off budget. So dan sa Bidze, nou pa pe vvar. E off budget, akoz Bidze i nou plan. Nou plan, nou

plan pou 2022, 23, 24. So nou pa pe vwar en, en levolisyon dan Bidze kot nou pe dir get sa, Gouvernman pe met tan. Gouvernman osi i bezwen met son bout.

Konmsi mersi, *off budget*, mersi bann letablismen, mersi Gouvernman Angle. *But* Gouvernman osi i bezwen met son bout dan Bidze. E nou pa pe vwar dan Bidze. Se sa ki nou pe dir, poudir nou pa vwar sa komitman, sa langazman.

And off budget, demen bomaten i kapab ale. I kapab sa dimoun i donn en larzan sa lannen, apre lot lannen i pa donne. So i pa bon pou *forward planning*. Sa i mon pwennvi. Mon santi ki i pa bon pou *forward planning*.

Nou bezwen konnen ki kote lazences pe ale 22, 23, 24, 25. So ki mannyer, mon pa konnen ki mannyer zot tret sa Minister Finans. Zot tret sa koman si, avek Bidze *off budget donations or-*.

Nou'n vwar par egzanp lannen pase en kantite bann *Grants*, ki'n vini apre nou. Ki sipoze vini apre i pa'n vini. So ki lasirans Minis ou pe donne, ki poudir programm *or* donn nou detrwa programm, donn nou en 3,4,5 programm lot lannen ki pou ganny *fund off budget*. Ki ou garanti larzan i la, e zenes

Seselwa deor i kapab dir *ok sa, sa, sa* pou materyaliz.

E lannen prosen nou kapab, nou kapab demann ou, *hold ou account -* dir ou get sa be ou ti dir i annan sa, sa, sa. Eski in arive, pa'n arive? Akoz la si i pa dan Bidze, nou pa pou kapab demann ou lannen prosenn.

So nou anvi konn sa bann zafer. E mon ti a kontan konnen Finans mannyer zot, zot tret *off budget donations or whatever you call it?* Mersi.

MR SPEAKER

Mersi Minis ou a komanse.

MINISTER MARIE-CELINE ZIALOR

Ah wi. Mersi Mr Chair. Mersi Onorab pou relev ankor sa konsern. Mon a les SS, i ava eksplik sa bout. Akoz dan Bidze i annan programm pou SNYC. I annan. E nou a pe fer. Mon krwar nou a pe fer referans avek lepase ki mannyer ti marse.

E nou anvi, e nou anvi.

(Off-Mic)

MR SPEAKER

Ale, annou ekoute silvouple. Minis. *Proceed.*

MINISTER MARIE-CELINE ZIALOR

Wi Mr Chair mon krwar mon'n ekout tou dimoun koze. Mon pa'n enteronpe.

MR SPEAKER

Proceed. Yes. Ale silvouple, Onorab Minis.

MINISTER MARIE-CELINE ZIALOR

Tou dimoun i annan son lopinyon, tou dimoun i annan. E mon krwar, i annan en, i annan en mo ki apel respe, kot nou bezwen respekte lopinyon. Menm nou pa dakor avek, akoz nou annan diferan fason fer. E en fason fer, i pa kapab parey ti ete oparavan.

Sa fason fer la ki Mr Chair in ganny eksplike, fodre i annan 20 programm, parey SNYC. Be vwala sa ki nou pe retire. Se ki SNYC pou en fasilitater. I en Konsey i pa en Lazans. I en Konsey li, i pa en Lazans.

I bezwen zwe son rol, Konsey. E vwala dan reform, ki nou'n, nou fer ki i bezwen zwen rol, pou li Konsey. E dan sa Konsey la, i pou annan en kantite platform. E vwala ki *youth engagement* programm ki zot pe fer. Bann platform e i ankor annan larzan dan *event*.

I i annan larzan dan tou sa bann larestan, parey '*goods*

and services. I annan larzan ladan. Mon pa konnen kekfwa petet, Mr Speaker si petet, sa Bidze ki nou annan la ki mon vwar i annan larzan anba *goods and services*. Ki nou pe ganny dir napa ditou larzan - *goods and services*, napa ditou larzan pou programm, i annan larzan anba la.

Sa bann adisyonnal, ki pe vini, nou a pe donn en legzanp lo ki mannyer adisyonnelman nou pa kapab depan lo zis Bidze Gouvernman, pour bann antite.

E mon konpran petet kekfwa akoz. Akoz avan sa, nou fer tousala nou gard avek Gouvernman, pou Gouvernman annan kontrol lo lazene. E parey Mr Chair Onorab in donn son lopinyon. Sa i mon lopinyon, mon osi mon krwar mon *entitled* pou donn mon lopinyon.

Letan mon pe regarde ki mannyer keksoz in deroule. E nou *going forward*, nou anvi fer keksoz diferan. Nou pa pe eksepte, ki parey mon ti pe dir oparavan, ki tou dimoun i ganny en konpran sa, ziske ler ki nou fer li, ziske ler ki nou fer li tou. Ki sa bann platform i ganny manifeste ki-.

E mazinen poudir nou'n pran en pe letan pou nou kapab mazin lo la. E i pa, nou asize kot Sekretarya, ouswa mwan

koman Minis ki'n vin avek sa. Sa i bann, i bann travayer, bann *managers* kot Konsey ki'n vin avek.

E sa plan letan mwan mon vini, depi letan zot ti pe espere pou fer keksoz diferaman. Pou zot keksoz, parey, parey nou anvi bouz dan en lot direksyon. Pou nou kapab vvar vreman, manifestasyon, kot sa bann lazenes i annan sa bann kontrol, dan zot lanmen pou zot kapab.

E nou bezwen, zis en fasilitater ki la, ki fasilite keksoz avek lezot Departman. Ki fasilit keksoz pou zot kapab, epanouir pou zot vin avek zot bann programm pou zot kapab fer.

Gouvernman wi, definitivman. I annan larzan pou levensman, i annan larzan pou bann programm, pou anmenn sa bann dimoun ansanm. I pa ki napa ditou, mon ava pas laparol apre avek SS, kot i ava konfimen. Sa bann larzan, kot i annan pour lo kote levensman, ki SNYC i pou pe fer.

E Mr Chair, mon krwar mon ava fini avek sa. Be parey mon kontan dir annou agree pou dezagree. Akoz si nou pou kontinyen vatevyen kot pou bezwen, agree. Mon krwar nou bezwen donn sans en lot, fason fer dan pei. Mersi Mr Chair.

Mon ti a kontan SS i pran sa bout.

MR SPEAKER

Mersi. SS.

(APPLAUSE)

MR SPEAKER

Ou'n ganny. SS in ganny apele, pou donn dernyen leksplikasyon.

SS PATRICK PAYET

Mersi Mr Chair. Mersi Onorab. Kekfwa Mr Chair, mon konnen zot in ganny detay lo *goods and services*, sirtou lo *SP2.2 Youth Empowerment*. Lo la, par egzanp klasifikasyon ki mannyer nou donn Bidze. Par egzanp ou pou vvar, ki i annan anba *office expenses*, ou pou vvar ki i annan *uniform*.

Me selman *uniform*, i *specific for Youth Assembly, adverts*. Akoz letan ou pe ou pe fer en programm, pou *empowerment*. I annan bann differan *expenditure* ki ou *incur*. Par egzanp, ou annan bann *adverts* ki ou fer. Parey *CEO* in mansyonnen, ki ou annan bann *lecturer* ki vini, ou annan bann *consumables* ki arive.

Ouswa letan bann transportasyon, ki ou pe fer avek bann zenn, pou al lo zil bann keksoz koumsa. So ou

pou vvar anba sak sa bann Kod, i annan bann diferan, spesifik programm.

Par egzant si ou al dan *Adverts and Donation*. I annan pou *young citizen*, apre i annan *for community regional*.

Si nou al lo *printing and stationaries and publication*. I osi annan *Young Citizen, Youth Entrepreneurs, Commodity Regional Activities, Youth Empowerment*.

So i annan bann diferan, konponan anba sak sa bann depans. E osi, kekfwa parey mon ti mansyonnen Vandredi. Kekfwa dan Ladres Minis, i *specific kekfwa*, i pa ti pe koz lo *National Youth Council*.

Me selman i annan bann lezot depans, ki Minis ti anonse. Par egzant, nou annan sa *Educational Loan Scheme*. Letan ou regarde spesifik, pou lazene.

I annan bann diferan, i annan *Laptop Scheme*, letan ou regarde, bann zenn adolesan. So i annan bann diferan *Scheme* ki'n egziste, ki'n anonse dan Bidze, Mr Chair. Mersi.

MR SPEAKER

Mersi. Mersi SS. Onorab nou pe antre dan en deba. Ou pe rod en klarifikasiyon. Silvouple poz ou kestyon.

HON WALLACE COSGROW

Mersi Mr Speaker.

MR SPEAKER

Pa antre dan en deba silvouple.

HON WALLACE COSGROW

Non, mon pa pou antre dan deba mwan Mr Speaker. Mr Speaker, mon zis anvi fer, Lasanble remarke e bann zenn deor remarke ki *Youth Empowerment*, i annan R6milyon 824mil ki'n ganny donnен.

Ladan R4milyon 908mil, pou al saler. Parey mon'n dir, mentenir letablisman. Larestan i pou sa bann programm, ki ou pe eksplik mwan. So ki ti deza la, ki deza - so. So i annan apepre 1milyon ekek, dan programm. So zis mazinen si 1milyon ekek pou tou sa bann zafer i ase, pou 2022? Mon kit sa la. Mersi bokou.

MR SPEAKER

Bon mersi. Mersi Onorab. Minis, ou kapab, wi.

MINISTER MARIE-CELINE ZIALOR

Mersi Mr Chair. Wi-wi, non, non senpleman, mon ti ava kontan apre osi envit petet kekfwa Mr Chair, kot.

Lenformasyon parey mon pe dir, bann konkret, tou sa

bann detay la. Pa zis dan Lasanble ki nou kapab demande, i annan.

Mon ti ava kontan envit nenport ki Manm, ki anvi vin zwenn avek nou. Pou ganny leksplikasyon, en pti pe pli profon, pou ganny egzakteman kwa ki pe arive an detay. Nou, nou pare pou donn sa lenformasyon.

Nou pare pou asize, pou nou kapab fer prezantasyon. Si Lasanble i ti ava, i ti ava swete ki nou fer. Pa tou bann detay parey mon pe dir Mr Chair, ki dan en deba Bidze, kot ou, kot ou kapab ganny sans pou ou kapab montre tou sa bann keksoz ki nou pe fer. Mersi Mr Chair.

MR SPEAKER

Mersi. Prezan nou a pran vot pou *Seychelles National Youth Council*, ki lo paz 227 ziskan 231. Pou en total R20milyon 161mil. Manm ki an faver, lev lanmen silvouple?

Byen ou'n gannyen. Okenn Manm ki kont? Ale, annan, pasyant en pti gin silvouple.

Vot pour Bidze *Seychelles National Youth Council* lo paz 227 ziskan dan 231 pou R20milyon 161mil. 20 Manm in vot pour, 0 kont 10 *abstain*. Bidze in aprouve, par Lasanble.

Bon mersi pou sa. Ah! Wi nou annan vot lo *National Council for Children*. Ki nou pa pe poz kestyion, deba lo la. Minis nou pe pran koutim. Dir en pti mo lo manda, sa lorganizasyon avan nou met son vot, met son Bidze lo vot.

NATIONAL COUNCIL FOR CHILDREN

MINISTER MARIE-CELINE ZIALOR

Mersi Mr Chair. Bidze pou Konsey Nasyonal pou bann Zanfan, i en pti pe plis ki R13milyon, ki son Bidze in reste preski parey lannen pase. NCC i dan prosedir, pou li re-rewwar son manda ki annan. E pou li, annan plis en rol pour li fer plis *advocacy*, lo nivo bann zanfan pou byennet bann zanfan.

E sirtou travay bokou pli pre avek, lafanmir avek Departman Lafanmir pour li kapab *achieve* sa manda. E sirtou kot nou vwar, nou bokou alarman avek sa bann labi bann zanfan. Ki ki'n sok en kantite dimoun dan nou pei, in sok nou tou, mon krwar.

E NCC pe regard lo kote pou li *advocate* bokou plis lo kote byennet bann zanfan. E sirtou pour regard ek bann fanmir, pour kree bann

lanvironnman ki nou pran en lapros preventif, dan plas nou tay deryer problem.

Be pran en lapros preventif, e dan prosedir. Son Bidze in reste parey akoz i dan prosedir, revwar tousala, revwar bann diferan kolaborasyon, avek par egzanp ek Departman Sosyal.

E larestan antite ki mannyer i revolisyond li en pe, i moderniz li en pe, pou li bouz dan sa direksyon. E avek sa nou a pe demann sipor, Lasanble pour son Bidze. Mersi bokou Mr Chair.

MR SPEAKER

Mersi Minis. Vot pou sa Bidze, pou R13milyon 929mil. Manm ki an faver lev lanmen silvouple. Mersi okenn Manm ki'n vot kont?

Vot lo Bidze pou *National Council for Children*. Lo paz 237 ziskan 246, pou en total R13milyon929mil. 29 Manm in vot pour, o kont e 1 abstansyon. Sa Bidze in aprouve par Lasanble.

I reste pou mwan remersye zot tou, pou travay lo sa Bidze. E sirtou mon remersye Minis ki'n pas apre midi antye avek nou. E a se moman delegasyon Finans osi. E lo kote SNYC osi, son *CEO* Ms Belmont.

Nou a *adjourn*, e nou a repran travay demen bomaten 9er. Wi, mersi pou rapel mwan, nou a repas dan Staz Lasanble, Silvouple. Byen *adjourn*.

(ADJOURNMENT)